

8857

5. 17820

Գ. ԽԱԺԱԿ

ՀԱՅԵՐՈՒ

ՊԱՏՄՈՒԹԻՒՆԸ

ԱՌԱՋԻՆ ԳԻՐԳ

(ՊՕՏԿՆՐԱԶՍՐԳ) -



9(47.925)
Խ-16

Հրատարակութիւն

1914

ԱՐՄԻ ԺՈՂՈՎՐԴԱԿԱՆ ԳՐԱԿԱՃԱՌԱՆՈՅԻ

Ե. Պոլիս

ՏՊԱԳՐՈՒԹԻՒՆ Օ. ԱՐՁՈՒՄԱՆ

01 SEP 2011

9 (47-925)

Գ. ԽԱԺԱԿ

Խ-16
սԿ


31 Aug 2007

ՀԱՅԵՐՈՒ

ՊԱՏՄՈՒԹԻՒՆԸ

ԱՌԱՋԻՆ ԳԻՐԳ

(ՊԱՏԿԵՐԱԶԱՐԳ)



2 (1004 / 1924)



Հ.Ս.Խ.Հ. ՀԱՆՐԱՅԻՆ ԳՐԱԳԱՐԱՆ
Ս.Ս.Ր.Վ. Публичная Библиотека
7/31 1922
Именная, Мясникова
Ս. ՄՅԱՆԻԿՅԱՆԻ ԱՆՎԱՆ

9-41996

Հրատարակւոթիւն
ԱՐՄԻ ԺՈՂՈՎԴԴԱԿԱՆ ԳՐԱՎԱՃԱՌԱՆՈՅԻ

1914
Ե. Պոլիս

ՔԱՆԻ ՄՐ ԽՕՍԲ ՌԻՍՈՒՑԻԶՆԵՐՈՒՆ

Մանկական որոշ հասակ մը կայ, ուր երեխան չի կրնար ըմբռնել Պատմութիւն և Աշխարհագրութիւն. 8-11 տարիէն է այդքան Այդ հասակին մէջ և ատկէ ալ առաջ, անոր պիտի տաք «պատմութիւններ», այսինքն ճիշտներ, ֆալսագործութիւններ, թո՛ղ ըլլան անոնք գերբնական, անհաւանական՝ կը բաւէ որ հետաքրքրեն, եզրաւորեն մանուկին միտքն ու երեւակայութիւնը:

Այդ պատճառով, մենք բացարձակ դէմ ենք տարրական դասարաններէն իսկ սաներուն Պատմութիւն և Աշխարհագրութիւն աւանդելու սովորութեան: Պէտք է բազմացնել անոնց հայերէնի դասերը, որպէս զի հայ լեզուի դասատուն պատմութիւններ, աւանգազէպեր, հէքեաթներ շատ սորվեցնէ, միեւնոյն ատեն անոնց կցելով ընական գիտութեանց պարզաբոյն տարրերը: Մանուկը պէտք է սորվի նաև պատմիչ, իր գաղափարները արտայայտել թէքերանացի և թէ գրաւոր:

Պէտք է աւանդել, վերջապէս, Հայրենագիտութիւն, Աշխարհագրութեան փոխարէն. դեռահաս մանուկին ծանօթացնել իր ընագաւառը—իր թաղը, դրացի թաղերը, իր գաւառը, դրացի գաւառները, իր Հայրենիքը:

Տարրական Ա. և Բ. դասարանի սաներուն պայտուսակը թեթև պիտի ըլլայ, փոխանակ ծանրաբեռնուելու դասագիրքերով, ինչպէս և այսօր: Տարրական կարդերու Պատմութեան և Աշխարհագրութեան դասատուն իր աւանդած առարկաներէն պիտի սորվեցնէ ինչ բան, բայց պիտի սորվեցնէ սիրունիկ հէքեաթի և հետաքրքրաշարժ պտոյտներու ձեւով:

Երբորդ տարիէն, կամ միջին Ա.էն սկսած՝ կարելի է սաներուն աւել Պատմութեան և Աշխարհագրութեան ըուն դասերը: Բայց հոն ալ սկիզբները պատմութիւնը պէտք է աւանդել ճիշտներ, ֆալսագործութիւններով, Հայկով ու Բէլով, Արամով, Արայով և Շամբլամով, որպէս զի մանուկին ուղեղը հետզհետէ վարժուի Պատմութեան գէպերուն, կապակցութեան և պատճառաբանութեան:

Այդ դասարանի սաները արդէն կարգաւորուելու մէջ այնքան վարժ են որ, անոնց ձեռքը կարելի է տալ դասագիրք: Այդ իսկ պատճառով, մեր ներկայ դասագրքի կէսը - մինչև քրիստոնէսը-

ՏՊՈՐԱՆ ԵՒ ԿՈՉՄԱՏՈՒՆ
Օ. ԱՐԶՈՒՄԱՆ
№ 180

4 32560- ւ. 4.

(15943-68)

4 352-90

թիւն — գրած ենք շատ աւելի մանկական, շատ աւելի դիւրըմբռո-
նելի ձեւով, քան երկրորդ մասը:

Այդ սատիճանակոն դժուարացումէն և բարդացումէն զտա,
գրելու ատեն մենք միշտ այլքի առջև ենք ունեցած որ դասա-
գիրքը ուսուցչի ձեւքն է, ինչպէս Վորէնքի ձեւու դատաւորացոյ են.
ուսուցչիը կրնայ կրճատել կամ ընդարձակել դասագրքի այս կամ
այն կտորը, բարձրովն վանց ընել այս կամ այն գլուխները: Ան-
կրնայ նաև, համաձայն իր հայեցողութեան, և, մանաւանդ, նկա-
տողութեան առնելով իր սաներուն մտաւոր վարդացումը, աւելի
առաջ և աւելի ընդարձակ ծաւալով սորվեցնել դասագրքի այս
կամ այն մասը: Մէկ խօսքով, դասագիրքը երբեք չպիտի կաշ-
կանդէ ուսուցչին ազատութիւնը. դասատուն պիտի ըլլայ անշոթա-
գործող կամ, գոնէ պիտի ջանայ դասագիրքը յարմարցնել իր սանե-
րու մտաւոր կարողութիւններուն:

Այդ իսկ պատճառով, մենք զանց ըրինք նաև՝ ամէն մէկ դասի
վերջը հարցարաններ դնելու սովորութիւնը. թող դասատուն, հա-
մաձայն իր հայեցողութեան, հարցեր ստեղծէ, կրճատելով կամ
ընդլայնելով: Իտաստուն պարտաւոր է իւրաքանչիւր դաս ինք
պատմել, յետոյ իր պատմածը հարցերով քաղել սաներէն, անանել
թէ արդեօք անոնք հասկցած ու իւրացուցած են իր ըսածները:
Անկէ ետքն է որ պիտի ստիպէ իւր մէկ ամբողջութիւն՝ պատմել
դասը — մէկ երկու և տեղի սաներու: Բայց որովհետև 45 կամ
50 ըրպէի մէջ անկարելի է ամէնուն ալ հարցնել և նոր դաս պատ-
մել, ուրեմն՝ անհրաժեշտ է մէկ երկու հոգիի պատմել տալէ
ետքը, հարցերով դիմել ամբողջ դասարանին և տեսնել թէ ա-
մէնքն ալ գիտեն: Եթէ գիտեն, այն ատեն պատմելու է նոր դաս-
եթէ չեն գիտեր, շարունակելու է պատմել տալ հին դասը ընդու-
նակ աշակերտներուն, մինչև որ ամէնքն ալ սորվին:

Պատմութեան դասին մէջ — ամէն դասարաններու համար ալ —
ուսուցչին առջև կայ մեծ վտանգ մը, որմէ պարտաւոր է խուսա-
փել. — թուժակաբար ցոց ընկնու սովորութիւնը: Սանը, վախնա-
լով խտապահանջ ուսուցչէն, գոց կ'ընէ դասագրքի մը մէջ գրուա-
ծը, կը դառնայ ինքնուրոյնութենէ զուրկ թուժակ մը: Այն ինչ
Պատմութիւնը կը պահանջէ անպատճառ ըմբռնել և ի՛ր բառերով
ի՛ր յեզուով պատմել:

Տարրական երկու տարիներու մէջ, սաներն արդէն այնքան պի-
տի վարժուած ըլլան Հայրենագիտութեան՝ որ Հայկական Պատմու-
թեան ուսուցչիը պիտի կրնայ անարգել տալ գէթ քանի մը աշ-
խարհագրական անուններ, ինչպէս Մասիս կամ Արարատ, Մուշ,
Վան, Երիզա կամ Երզնկա, Էջմիածին և այլն: Ինչ կասկած որ
ատոնք նախ կ'ըլլան լոկ անուններ, բայց աստիճանաբար, քարտէ-
սի գործածութեան հետ միասին, մարմին կ'առնեն, կը դառնան
որոշ տեղեր ու պատկերացումներ:

Մենք աւելորդ կը համարենք Հայոց Պատմութեան արտական
դասընթացքի մը մէջ, դնել քննադատական տեղեկութիւններ՝ որոնք
դեռ նոր կը լուսաբանուին: Ատոնք պէտք է ուսուցանել տարրա-
կան դպրոցներու ե. և Չ. կարգերուն մէջ, այն ալ խի՛ստ զգուշա-
ւոր ձեւով: Պիտի առարկան թէ ինչո՞ւ սորվեցնենք Մովսէս Խորե-
նացիի դիցաբանութիւններն ու աւանդավէպերը, երբ սպագային
սաները պիտի ստիպուին հերքել այդ ամէնը. ինչո՞ւ սորվեցնել
Յուզն ու սխալը, երբ շիտակը կայ:

Կը պատահանենք. նախ դեռ ևս կապակցուած, ամբողջացած և
անկիճի գիտական Հայոց պատմութիւն մը չկայ այսօր, երկրորդ՝ եթէ
ըլլայ իսկ, հին հայկական աւանդութիւնները պէտք է արհամար-
հել, ինչպէս այսօր ոչ մէկը կ'արհամարհէ Հերակլէսի ու Թեսէոսի
քաջագործութիւնները, Սևտիպոս արքայի ու Անտիկոնայի Հաօկոնի
ու Արգոնաւորդներու աւանդութիւնները, Հոմերոսի դիւցազներ-
գութիւնները և այլն. ոչ ոք կը մերժէ սորվեցնել, իբր սիրուն ա-
ւանդութիւն, Հոլմոսի և Հոռմուսի էգ գայլէն սնանիլը, կամ
սկանախաւեան աւանդութիւնները: Հէքեաթը դաստիարակիչ է
մանկական հոգիին համար:

Հայրենի այդ աւանդավէպերն ու պատմուածքները երբեք չեն
խանդարեր սաներու գիտական պատմութեան ուսուցումը: Ընդ-
հակառակը՝ անոնք գոհացում տալով մանկան վառ երեւակա-
յութեան, կը սիրեն պատմութիւնը, կը դրդեն անով հետա-
քըքրուելու:

Իսկ այդ կենդանի ու վառ հետաքըքրութիւնը սաներու ներ-
շնչել՝ պիտի ըլլայ ուսուցչին մեծագոյն նպատակը:

1913 Մարտ
Կ. Պոլիս
Գ. ԽԱԺԱԿ

ՀԱՅԵՐՈՒ ՊԱՏՄՈՒԹԻՒՆԸ



ԴԱՍ 1. — ՀԱՅ ԵՒ ՀԱՅԱՍՏԱՆ

Բոլոր Հայերը միասին կը կազմեն հայ ազգը:

Հայ ազգին բնակած երկիրը կը կոչուի Հայաստան: Երկու հազար տարիէ աւելի է որ մեր նախահայրերը հաստատուեր են Հայաստանի մէջ: Անոնք հոն ունեցեր են մեծ ու պղտիկ իշխանութիւններ, երբեմն ալ բաւական ուժով թագաւորութիւններ:

Այսօր մեր հայրենի երկիրը չունի իր սեփական իշխանութիւնը. այլ կը գտնուի երեք օտար տէրութիւններու ձեռքին տակ: Այդ տէրութիւններն են Թուրքիա, Ռուսիա և Պարսկաստան: Թրքական Հայաստանը ամենէն մեծն է, ռուսականը՝ անկէ պղտիկ, իսկ ամէնէն փոքր մասը կը գտնուի Պարսկաստանի ձեռքը:

Հայաստանը խիստ լեռնոտ երկիր մըն է: Ունի բազմաթիւ հովիտներ և մանր դաշտավայրեր: Ծամբաները խիստ դժուարանցանկի են: Գետերը շատ մեծ չեն, բայց խիստ տրադահոս են, այնպէս որ նաև չի բանիր անոնց վրայ: Հայաստան ունի քանի մը մանր ու խոշոր լիճեր, բայց ծով չունի:

Մեր երկիրը բոյսերով, տունկերով, ծառերով, պտուղներով հարուստ է. ունի շատ տեսակ հանքեր ու կենդանիներ: Օտար տիրապետութեան օրով անտառները կտրտուեցան:

Հայաստանի նշանաւոր քաղաքներն եղած են Անի, Վաղարշապատ, Արմաւիր, Արտաշատ, Վան, Կարին, Երիզա և այլն:

Իսկ զլիաւոր լեռներն են Մասիս և Արագած :
Գետերէն նշանաւոր են Եփրատ և Տիգրիս, Կուր և
Երասխ, ու ձորոյս :

Հայաստանի մէջ երեք մեծ լիճ կայ — Վանայ լիճ,
Սեւանայ լիճ և Ուրմիոյ լիճ : Ժողովուրդը ծով կը կոչ-
չէ զանոնք, որովհետեւ շատ մեծ են :


ԴՍՍ 2. — ՀԱՅԿ ՆԱՀԱՊԵՏ

Աւանդութիւնը կ'ըսէ թէ մեր նախահայրը եղած
է Հայկ անունով հսկայ մը, խաժ ու խոշոր աչքերով,
զանգուր մազերով, արծուեքիթ, և կամար յոնքերով :
Հայկ եղած է նշանաւոր աղեղնաւոր, նետածիգ և շատ
քաջ որսորդ մը : Հօրը անունը եղած է Թորգոմ, իսկ
Թորգոմի պապը եղած է Նոյ նահապետի երրորդ որ-
դին՝ Յարեթը :

Երբ ջրհեղեղէն ետք Նոյի սերունդը խիստ կը բազ-
մանայ, մարդիկ կ'իջնեն Եփրատ և Տիգրիս գետերու
հովիտներէն դէպ ի հարաւ, աւելի սաք երկիրներ : Այդ
գետերու հովիտներուն մէջ կը գտնուի Սէնաարի դաշ-
տը, ուր մարդիկ շինած էին Բաբելոն անուն խիստ մեծ
քաղաք մը :

Բաբելոն քաղաքի և Սէնաարի դաշտի բնակիչնե-
րուն վրայ բռնակալ տէր կը դառնայ դաժան և դոռող
Բէլը, հսկայ որսորդ մը : Ան կը հրամայէ ամէնուն :

Հայկ չի հանդուրժեր Բէլի բռնակալութեան . կ'առ-
նէ իր կիներ, զաւակները, եղբայրները, քոյրերը,
հարսներն ու թոռները—մէկ խօսքով՝ իր ամբողջ տունը
և Սէնաարի դաշտէն դէպի հիւսիս կ'երթայ, Վանայ



Անիի աւերակներուն ընդհանուր տեսարանը (Ներքէն պատկեր մուտքը)

բճին կողմերը: Հոն կը գտնէ լեռնցի բնակիչներ և կը հնազանդեցնէ իրեն: Վանայ լիճին հիւսիսային կողմը— լեռնոտ ու ամուր անդ մը կը հիմնէ առաջին հայ գիւղը, որ իր անունով կը կոչուի Հայկաշին: Հոն Հայկ իր տոհմին հետ միասին հանգիստ կեանք մը կ'անցնէ և



Հայկ Նահապետ

կը զբաղի իր ոչխարները արածեցնելով, երկիրը քիչ մը մշակելով և որսորդութեամբ:

Գոռոզ ու բունաւոր Բէլը կը լսէ Հայկի անկախ ու խաղաղ կեանքը և կ'ուզէ զայն ալ իր իշխանութեան տակ առնել, բայց Հայկ կը մերժէ:

Բէլ կը ժողվէ բազմաթիւ զօրք և կը քալէ Հայկի վրայ:

Երբ Հայկ կը լսէ անոր մտանալը, կը հաւաքէ իր տոհմին բոլոր կարիճ այր մարդերը, եռանկիւնի ձևով կը շարէ իր զօրքը և կը սպասէ Բէլի յարձակումին:



Հայկի եւ Բէլի կռիւը

Բէլ, կարծելով թէ Հայկ պիտի փախչի լեռները, իր զօրքէն կը զատէ ափ մը կարիճ հսկաներ և կը խոյանայ Հայկի դէմ: Հայկի և Բէլի հսկաները իրարու կը զարնուին: Շատերը նետահար կ'իջնան: Բէլ կը խորհի ետ դառնալ, իր մեծ բանակին գլուխն անցնելու նորէն գալ:

Հայկ կը նշմարէ Բէլի փախուստը, և բլուրի հակառակ կողմէն վազելով, կը կարէ անոր ճամբան, ու

ժող կը լարէ իր լայն աղեղը և սրածայր նետը կը հասցընէ անոր կուրծքին: Նետը կը ծակէ հսկային կուրծքը և դուրս կը թռչի կռնակի կողմէն, կը ցցուի ժայռի մը մէջ: Արիւնթաթախ գետին կը գլորի Բէլը, իսկ անոր զօրքը, անգլուխ մնալով, սարսափած կը փախչի մեր երկրի լեռներէն:

Հայկ պատերազմի այդ դաշտին մէջ կը կառուցանէ դաստակերտ մը և կ'անուանէ զայն Հայք, իսկ Բէլի ինկած տեղը կը կոչէ Գերեզմակ:

Աւանդութիւնը կ'ըսէ որ Հայկի անունով մեր ազգը կոչուեցաւ Հայ, իսկ մեր երկիրը՝ Հայաստան:

Հայկ նահապետի որդիներն ու թոռները բռնեցին անոր տեղը և շարունակեցին որդիէ որդի իշխել անոր հողերուն վրայ: Անոնք ափրեցին նաև շրջակայ դաւառներուն, ընդարձակեցին իրենց երկրի սահմանները, քաղմացուցին իրենց հպատակ ժողովուրդներուն թիւը և խաղաղ կեանք վարեցին:

Հայ ժողովուրդը Հայկ նահապետը կը կոչէ Դիւցազն, այսինքն աստուածներու ցեղէն, անոնց ազգէն:

Դ Ա Ս Յ . — Ա Ր Ա Մ Ն Ա Հ Ա Պ Ե Տ

Հայաստանի դրացի իշխանները զօրացան և կամաց-կամաց ափրեցին մեր երկրի ծայրերն ինկած դաւառներուն: Արեւելահիւսիսէն, Ուրմիոյ լիճի քովերէն եկած, մեր հողի մէկ մասը գրաւած էր Մարաց Նիւֆեսր Մասկս իշխանը, հարաւէն՝ Ասորիներու Բարշամ հզօր իշխանը, զոր Ասորիները կը պաշտէին իբր աստուած՝ իր ուժին պատճառով: Աս ալ գրաւած էր մեր հա-

ջաւային գաւառները: Իսկ արեւմուտքէն եկած էր Կապադովկիոյ Պայսափա իշխանը, գրաւելով մեր երկրին արեւմտեան մասը:

Հայաստանի այս խեղճ վիճակը մեծ ցաւ կը պատճառէր ազգասէր նայ նահապետներու սրտին: Եւ անա Հայկ Դիւցազնի ցեղէն մէկը, Արամ նահապետ, Հայկի թուան թուր, որ շատ կը սիրէր իր պապերուն և հայրերուն թողած երկիրը, կը վճռէ վրէժ լուծել այդ օտար իշխաններէն, դուրս ընել զանոնք Հայաստանէն և քիչ մըն ալ անոնց հողերէն գրաւելով, կցել մեր երկրին:



Արամ Նահապետ

Արամ գէնքով կը ստիպէ բոլոր Հայ իշխանները հպատակիլ իրեն, լսել իր ամէն մէկ խօսքը: Կը դառնայ Հայաստանի հզօր տէրը: Ապա կը ժողվէ 50,000 քաջ կռուողներ, անոնց ձեռքերը կուտայ աղեղ, կուպարճները կը լեցնէ նետերով, կուտայ սէղ և նիզակ, լամը կը վարժեցնէ իր զօրքը, և կը յարձակի Նիւֆեսր իշխանին վրայ. կը յաղթէ անոր, գերի կը բռնէ և կը բերէ ձակատէն կը դամէ իր Արմուիր մայրաքաղաքի պարսպի աշտարակներէն մէկուն վրայ:

Նիւֆեսրի յաղթելէն ետք, Արամ իր զօրքով կը քալէ Ասորիներու Բարշամ իշխանին վրայ. կը գրաւէ անոր երկիրները: Բարշամ կը փախչի հեռուոր լեռներ և կ'ազատի Արամի ձեռքէն:



Արամ առտարակին կը գամէ Նիւֆեար իւխանը

Յետոյ Արամ կը վալէ Կապադովկիոյ վրայ. կը պատերազմի Պայապիս իշխանի զօրքին հետ, կը ջարդէ զանոնք, կը հալածէ ամբողջ զօրքը: Պայապիս կը փախչի Միջերկրական ծովի կղզիներէն մէկը: Արամ կը գրաւէ անոր երկիրը և կառավարիչ կը նշանակէ իր Մշակ զօրավարը: Աս ալ հոն իր անուշով քաղաք մը կը շինէ, որ կը կոչուի Մշակ կամ Մածակ (Կեսարիա):

Արամ կը հրամայէ այդ կողմերու բնակիչներուն հայերէն խօսիլ: Ո՛վ որ հայերէն չխօսէր, անոր լեզուն կտրել կուտար:

Ասորեստանի Նինոս թագաւորը, որ կը նստէր Նինուսի մեծ ու հարուստ քաղաքին մէջ, լսելով Արամի

յաղթութիւններու և մեծութեան լուրը, ուզեց անոր սիրտը գրաւել: Ուստի անոր նուէր զրկեց մարգարիտէ վարսակալ մը և Արամը կոչեց իր երկրորդը, այսինքն՝ իրմէ ետքը ամէնէն մեծ իշխանը:

Արամէն առաջ օտար ժողովուրդները չէին ճանչնար մեզ: Անոնք չէին գիտեր մեր երկրին ու մեր ազգին անունը: Արամի յաղթական պատերազմներուն շնորհիւ, անոնք անգեղեցութիւններ ստացան մեր մասին և Արամի անուշով մեզ կոչեցին Արմէն կամ Էրմէնի, իսկ մեր երկիրը՝ Արմէնիա կամ Էրմէնիստան:

Արամ իր պատերազմներէն, նոր գրաւումներէն զատ, մեր երկրին մէջ նորանոր կարգեր ու կանոններ մտցուց և ցրուած հայ ժողովուրդը ամէնն ալ միացուց իր ձեռքին տակ, դարձուց մէկ ազգ:

ԳՁՍ 4. — Ա Ր Ա Գ Ե Ղ Ե Յ Ի Կ

Արամին յաջորդեց իր որդին, Արա Գեղեցիկ:

Ասորեստանի Նինոս թագաւորը բարեկամ մնաց Արայի հետ ալ, ինչպէս էր Արամի հետ: Բայց չուտով մեռաւ Նինոս և իր գահը բարձրացաւ իր զեղեցիկ ու փառասէր կինը — Շամիրամ թագուհի:

Շամիրամ գրաւեց Մարաստանը և Պարսկաստանը և աչք անկեց Հայաստանի:

Արա նահապետի զեղեցկութեան համբաւը տարածուած էր երկրէ երկիր: Շամիրամ ուզեց անպատճառ ամուսնանալ անոր հետ: Մեծ ընծաներով մարդիկ զրկեց Արայի քով, առաջարկեց դառնալ իր ամուսինը և իշխել ոչ միայն Հայաստանի:

Ասորեստանի վրայ:


12843-էՅ
25943-68

1004
17011

252-92



Բայց Արա արդէն ամուսնացած էր Նուարդ թագուհիին հետ և շատ կը սիրէր իր կինը: Այդ պատճառով մերժեց Շամիրամի առաջարկը:



Շամիրամ Արայի դիակին առջև

Շամիրամ բարկացաւ: Մեծ զօրք ժողվեց և իր դաշտավայրերէն ելաւ, արշաւեց Հայերու լեռնոտ երկիրը: Հասաւ Մասիս լեռան քովերը և զարնուեցաւ Արայի զօրքին հետ: Կռիւը կատաղի էր կրկու կողմէն ալ:

Շամիրամ հրամայեց իր մարդերուն՝ չսպաննել Արան, այլ ողջ բռնել ու իր քովը բերել:

Սակայն պատերազմի տաք ատենը Շամիրամի զինւորներէն մէկը սպաննեց զայն:

Արայի արիւնով ներկուած դաշտը կոչուեցաւ Արաստեան Դաշ: Վերջէն այդ անունով կոչուեցաւ ամբողջ նահանգը:

ԴԱՍ 5. — ՇԱՄԻՐԱՄ ԵՒ ԱՐԱՅԻ ՅԱԶՈՐԴՆԵՐԸ

Պատերազմէն ետքը Շամիրամ մարդեր զրկեց, որոնք փնտուեցին Արայի դիակը, գտան ու բերին: Թագուհին հրամայեց դիակը դնել բարձր տեղ մը, որպէսզի Յարալիզ աստուածները լզեն ու կենդանացնեն զայն: Բայց երբ տեսաւ որ իր կախարդութիւնը չօգնեց, և դիակն սկսաւ հոտիլ, հրամայեց ծածուկ թաղել զայն:

Երբ Հայերը լսեցին իրենց սիրելի իշխանին մահը, սաստիկ բարկացան և նորէն զէնքի դիմեցին: Այն ատեն Շամիրամ ճար մտածեց խարելով հանգստացնելու գրգռուած Հայերը: Իր զօրականներէն մէկը խիստ նման էր Արա Գեղեցկին: Անոր հազցուց Արայի զգեստները, հեռուէն ցոյց տուաւ Հայերուն և ըսաւ թէ Յարալիզ աստուածները լզելով կենդանացուցին Արան:

Հայերը հաւատացին և զէնքերը վար դրին:

Արայի մահով Հայաստան ինկաւ Ասորեստանի իշխանութեան տակ: Շամիրամ մեր երկրին վրայ իշխան կարգեց Արայի որդին, Կարդոսը և անոր իրաւունք տուաւ հայ զօրք պահելու. Հայաստան պարտաւոր էր տարեկան տուրք մը վճարել Ասորեստանի:

Շամիրամի մայրաքաղաքն էր Նինուէն, շինուած Տիգրիս գետի ափը, խիստ տաք ու տափարակ տեղ մը: Երբ թագուհին տեսաւ մեր երկրի լեռները, զեղեցիկ

ու ստանորակ աղբիւրները, մեր զով ու առողջարար օդը, խիստ հաւնեցաւ ու իրեն համար շինեց սիրուն ամառանոց մը Վանայ ծովեզերքը: Այդ նոր քաղաքը կոչուեցաւ Շամիրամակերտ (Էրանա կամ Վան): Այդ առեւնները Հայերը դեռ յաւ փարպեաներ և գործաւորներ չունէին տուներ, մե՛նեաններ ու պալատ-



Վանի բերդին երեսնային տեսելեան դուռը

ներ շինելու համար: Ուստի Շամիրամ Ասորեստանէն բերել առաւ 6,000 ճարտարապետ և 12,000 գործաւոր, որոնք շինեցին իր փառաւոր քաղաքը և զարդարեցին պալատներով, տաճարներով, հիւրանոցներով, բաղնիքներով: Քաղաքին քովն ալ կառուցին ամուր բերդ մը՝ հսկայ ժայռերու մէջ:

Դ Ա Ս Ն. — Պ Ա Ր Ո Յ Ր Թ Ա Գ Ա Ի Ո Ր

Հայերը շատ սարիներ մնացին Ասորեստանի իշխանութեան տակ և հարկ սուխն անոր: Այդ իշխանութեան տակ էր նաև Մարաստանը:



Պարոյր քազաւոր

Երբ Ասորեստան տկարացաւ պատերազմներու հետեւանքով, Պարոյր իշխանը, որ Արայի ցեղէն էր, խօսք մէկ ըրաւ Մարաց Կիսքսար թագաւորին հետ: Երկուքն

ալ որոշեցին ազատիլ Ասորեստանի բռնակալ լուծէն՝
 Եւ ահա զօրք ժողվեցին և յարձակեցան Նինուէի վրայ՝
 Անոնց թագաւորը, Սարակոս կամ Սինշարիչքու, պա-
 տերազմի ելաւ, բայց ջարդ ու փշուր եղած, փախաւ
 մտաւ իր պալատը, փակուեցաւ հոն և թշնամիներու
 ձեռքը չիյնալու համար՝ կրակով այրեց պալատը. ինքն
 ալ այրեցաւ իր գանձերուն և կիներուն հետ մէկտեղ:

Զնջուեցաւ Ասորեստանի հզօր թագաւորութիւնը՝
 Պարոյր թագ զրաւ գլուխը և եղաւ Հայերու թագա-
 ւոր:

Հայկէն մինչեւ Պարոյր Հայերու իշխանները կը
 կոչուէին Նահապէս և ոչ թէ Թագաւոր: Պարոյր եղաւ
 մեր առաջին թագաւորը:

ԴՈՍ 7. — ՏԻԳՐԱՆ ԱՌԱՋԻՆ

Պարոյրէ ետք մենք ունեցած ենք եօթը թագա-
 ւոր, որոնք մեծ գործ մը չեն կատարած: Ասոնց վեր-
 ջինն էր Երուանդ Սախաւակեաց:

Երբ Երուանդ կը մեռնի, Հայոց թագաւոր կ'ըլլաց
 անոր որդին, Տիգրան Ա. Երուանդեանը:

Հին ատենուան հայ աշուղները խիստ կը գովեն
 Երուանդը. «Մարմնով յաղթանդամ էր ան, զուար-
 թերես, քաղցր նայուածքով, կերուխումի մէջ համեստ
 էր, պահանջներու մէջ չափաւոր, իմաստուն էր և
 պերճախօս: Արդար մարդ էր և հաւասարութիւնը կը
 սիրէր. ոչ լաւերուն կը նախանձէր, ոչ ալ վատերը
 կ'արհամարհէր. իր բոլոր հպատակներուն վրայ կը տա-
 բածէր իր խնամքը»:

Ամէնէն առաջ Տիգրան կարգի բերաւ հայկական
 զօրքը. ձիաւորներու թիւը շատցուց, իսկ հետեւակ-
 ներու ձեռքը սուսաւ սուր, տէգ (կարճ նիզակ) և նի-



Տիգրան Առաջին

զակ՝ բացի նետէն, աղեղէն և պարսատիկէն: Իսկ ինք-
 նապաշտպանութեան համար վահաններ բաժնեց զին-
 սուորներուն:

Զօրքը այսպէս կանոնաւորելէ վերջ, Տիգրան իրեն
 հպատակեցուց ամբողջ Հայոց երկիրը և յետոյ գնաց
 դէպի Արեւմուտք. մտաւ Փոքր-Ասիա և հոն հաստատ-

ուած Յոյներն ալ իրեն հնազանդեցուց, հարկ հաստատելով անոնց վրայ:

Անոր խելացի և իմաստուն կառավարութեան և նոր տիրած հարուստ երկիրներու շնորհիւ, հայ ժողովուրդին վիճակը շատ լաւ էր: Գիւղացիները կը մշակէին իրենց հողերը և հանգիստ կ'ապրէին: Քաղաքներու բնակիչները կը զբաղէին իրենց բազմաթիւ արհեստներով և մանաւանդ վաճառականութեամբ:

Տիգրան բարեկամ և դաշնակից էր Պարսիկներու Կիւրոս թագաւորին:

Մարաց Աժդահակ հզոր թագաւորը նախանձեցաւ Տիգրանի և Կիւրոսի բարեկամութեանը: Գիշեր ցորեկ կը մտածէր թէ ինչպէս զանոնք իրարմէ բաժնէ: Օր մըն ալ գէշ երազ մը տեսաւ:

Հայոց ձիւնապատ լեռներէ մէկուն գագաթը նստած կ'ըլլայ բարձրահասակ և գեղեցիկ կին մը: Այդ կինը կը ծնի երեք մեծ զուակ, երեքն ալ միեւնոյս ստեն: Նորածին հսկաներէն առաջինը կը հեծնէ սուբեժին վրայ և կը վազէ դէպի Արեւմուտք. երկրորդը կը նստի ինձի մը վրայ և կ'արշաւէ դէպի հիւսիս, իսկ երրորդը կը հեծնէ ամենի վիշապի մը մէջքը, կը սանձէ զայն և կը սլանայ Մարաց տէրութեան վրայ: Կը հասնի Համատան կամ Եկրատան — Աժդահակի մայրաքաղաքը: Աժդահակ այդ միջոցին զո՞ կը մատուցանէ եղբր իր աստուածներուն: Հերոսը կուգայ, կը զարնէ ու կը սպաննէ Աժդահակը:

Այս երազին վրայ թագաւորը տեղէն կը թռի սարսափահար ու քրտնած: Գիշերանց կը կանչէ իր կախարդներն ու քուրմերը. իր երազը կը պատմէ անոնց և բացատրութիւն կը պահանջէ:

Կախարդները կը բացատրեն որ հայկական լեռներէն

Համատան եկող վտանգը Տիգրանէն է. պէտք է անոր դէմ կռիւ սկսիլ:

Աժդահակ մարդ կը դրկէ Տիգրանի մօտ, կ'առաջարկէ բարեկամ և դաշնակից ըլլալ իրարու հետ. միասին կռուիլ թշնամիներու դէմ: Ու իբր նշան իրենց բարեկամութեան, իրեն կին կ'առնէ Տիգրանի քոյր Տիգրանուհին, որպէս զի քրոջ միջոցով սպաննէ կամ թունաւորէ Տիգրանը:

Սակայն Տիգրան չի խորտիր Աժդահակի ամէն հնարներէն, որովհետեւ Տիգրանուհի իր հաւատարիմ հայ ծառաներուն ձեռքով ամէն գաղտնիք կ'իմացնէ եզրօրը:

Տիգրան բազմաթիւ զինուորներ առած, կերթայ Աժդահակին դէմ, կը յաղթէ անոր և կը սպաննէ զայն, ցցելով իր նիզակը անոր կուրծքին մէջ:

Մարաց թագաւորութիւնը կործանեցաւ և անոր տեղը բռնեց Պարսիկներու մեծ թագաւորութիւնը: Տիգրան ալ բազմաթիւ գերիներ բերաւ. Մարաց երկրէն և քնակեցուց Արարատ լեռան շրջակայները: Ատոնցմէ յառաջ եկաւ Մուրացան (այսինքն Մարաց) կամ Վիշապազունք կոչուած հայ իշխաններու սերունդը:

Տիգրան իմացաւ իր քրոջ սէրն ու հաւատարմութիւնը. անոր համար շինեց, Տիգրիս գետի ափերուն վրայ, տաք ու բարեբեր դաշտի մը մէջ մեծ քաղաք մը, որ իր անունով կոչուեցաւ Տիգրանակերտ: Հոն բնակեցաւ Տիգրանուհի և ապրեցաւ իբր թագուհի մը:

ԳՈՍ 8. — ՎԱՀԱԳՆ ԵՒ ՀԻՆ ՀԱՅԵՐՈՒԻ ԿՐՈՆԸ

Տիգրան Ա. մեռաւ և իրեն յաջորդեց կրասեր որդին, Վահագն:

Վահագն այնքան կտրիճ, այնքան ուժեղ էր որ, այդ չրջանի Հայերը չէին հաւատար թէ ան մարդէ ծնած է: Հին աշուղներու երգերուն մէջ կը պատմուի թէ անոր ծնած ատենը երկինքն ու երկիրը բռնուած



Վահագնի ծնունդը

էին երկունքի ցաւերով. ծիրանի գոյն ծովն ալ մաս է ունեցած անոր ծնելուն մէջ. եղէգ մը սկսած է բոցավառիլ և անոր բոցերուն մէջէն դուրս է վազած Վահագն-Կրակի զաւակը:

Ընդ եղեգաւ փող բոց ելանեալ...

Վահագն թագաւոր դառնալով, վիշապներէ ազատած է մեր երկիրը, կոտորելով զանոնք: Այդ պատճառով կը կոչուի նաև Վիշապախաղ.— մէկը որ վիշապներ քաղած կամ սպաննած է:

Թէ հին Հայերը և թէ անոնց հիւսիսային դրացիները՝ Վրացիները (Կիւրճի) աստուած հաշակեցին Վահագնը, արձան կանդնեցին անոր, և պաշտեցին զայն երկար տարիներ: Հայերը անոր համար մեհեան շինեցին Տարձնի (Մուշ) Աշտիշատ քաղաքին մէջ:



Ս. Գահիս

Հին Հայերը շատ աստուածներ ունէին: Անոնք կը շինէին քարէ, փայտէ կամ մետաղէ կուռք մը, կը դնէին տաճարի մը մէջ և իրր աստուած կը պաշտէին զայն: Ատոն համար ալ կ'ըսենք թէ Հին Հայերը կուպաշտ էին: Անոնց գլխաւոր աստուածներն էին Արևը, Լուսինը, շատ մը աստուղի: Կը պաշտէին նաև Գուրը, Իսկ աղբիւրը կը կոչէին «Աղբիւր-Ելբայր»: Ունէին

շատ մը չար ու բարի ոգիներ ինչպէս Յարաշեզներ, Բաց-
ֆեր, և այլն: Այդ ամէնու տնուներ մեր ժողովուրդը չի
տար. այլ կ'ըսէ «նեզակ տղիկներ»:

Կուռք-աստուածներէն նշանաւ որներն էին-Վանազն-
քաջութեան աստուածը, Ոսկեւաս և Ոսկեւայր Անահի-



Կուռքեր եւ ֆուրմեր

աը, — իմաստով թեան աստուածուհին և հայ ազգի պաշտ-
պանը. գեղանի Աստղիկը — գեղեցկու թեան և սիրոյ աստ-
ուածուհին, Վահագնի կինը:

ԳԱՍ 9. — ՎԱՂԱՐՇԱԿ ԱՐՇԱԿՈՒՆԻ

Տիգրանի յաջորդներէն ևաքր Հայաստան ինկաւ
Պարսիկներու լուծին տակ և դարձաւ անոնց մեծ կայս-
րութեան մէկ նահանգը: Պարսիկները մեր երկիրը կը
զրկէին կուտակայ մը, որ կը կոչուէր Սասրայ և անոր
միջոցով կը կառավարէին Հայաստանը, հարկ կ'առնէին
հայ իշխաններէն:

Պարթեւները զօրացան և տիրեցին Պարսկաստանի:
Անոնց Արշակ Մեծ թագաւորը լսելով հայ իշխաններուն
խնդրը, Հայաստանն ազատեց օտարներու ձեռքէն և
իր եղբայր Վաղարշակը նշանակեց Հայերու թագաւոր:

Հայի սերունդէն եղած րոյտը հայ նահապեհները
և թագաւորները կը կոչուին Հայկազանց Տուն կամ Հայ-
կազանց Հարսուրթիս, իսկ Վաղարշակ և իր զարմէն
ըղբ թագաւորները կոչուեցան Հայ Արշակունեաց Տուն
կամ Արշակունեաց Հարսուրթիս:


Վաղարշակ անցաւ պարթեւական զօրքին գլուխը
և մտաւ Հայաստան: Հայ իշխանները ամէնքն ալ իրենց
զօրքերը ժողովեցին և միացան Վաղարշակի, որովհետեւ
իրենք հրաւիրած էին զայն:

Հայ և պարթեւ զօրքի օգնութեամբ, Վաղարշակ
յաղթեց կարգ մը գրացի թշնամի իշխաններու, որոնք
եկամ տիրած էին Հայաստանի քանի մը գաւառներուն:

Արտաքին թշնամիներուն յաղթելէ ևաք, Վաղար-
շակ եռանդով գործի սկսաւ և կարգ կանոն հաստատեց
երկրին մէջ. կանոնաւորեց զօրքը, նշանակեց արդար
գաւառներ, հրատարակեց արդար օրէնքներ: Թա-
գաւորը նշանակեց երկու արդարասէր իշխաններ,
որոնց պաշտօնը պիտի ըլլար միշտ իր քովը գտնուիլ

և յիշեցնել թէ այսինչ մարդը պիտի պատժես, կամ այն-
ինչը պիտի վարձատրես :

Վաղարշակ նախ և առաջ ուղեց հասկնալ թէ Հայը,
որու վրայ ինք թագաւոր եղաւ, ի՞նչ ազգ է, ո՞ւր սկից



Մար-Աբաս կասինա Վաղարշակի առջև

է ծագեր, ի՞նչ անցեալ ունի: Այդ նպատակով նամակ
գրեց իր եղբոր, Արշակ Մեծին, տուաւ Մար-Աբաս կա-

տինա անուն ասորի գիտնականի մը և զրկեց հասցէին՝
Նամակին մէջ գրուած էր որ Մար-Աբասին թոյլ
տրուի մտնել հին գրադարանները, քրքրել արձանա-

գրութիւնները և անոնցմէ քաղել Հայերու պատմութիւնը:
Արշակ սիրով ընդունեց իր եղբոր զրկած մարդը և
հրամայեց անոր առջեւ բանալ Նինուէի ասորական
մեծ գրադարանը: Մար-Աբաս հոն գտաւ աղիւմներու

վրայ գրուած պատմութիւններ, զատեց ինչ որ Հայերու
մասին կը խօսէր և բերաւ յանձնեց Վաղարշակի: Թա-
գաւորը հրամայեց այդ պատմութեան լաւ կտորները
փորագրել կուռքերու և մեհեաններու վրայ, որպէս զի
ժողովուրդը միշտ տեսնէ ու կարգայ իր նախահայրե-
րուն կատարած լաւ գործերը և օրինակ առնէ:

Հայերու ամէնէն մեծ և ամէնէն հին պատմագի-
տը, Մովսէս Խորենացին կ'ըսէ թէ իր պատմութիւնը
քաղած է այդ Մար-Աբասին բերած տեղեկութիւն-
ներէն:

ԴԱՍ 10. — ԱՐՏԱՇԼՍ ԱՇԽԱՐՀԱԿԱԼ

Վաղարշակ և իր որդին, Արշակ, իրենց բոլոր
ջանքը թափեցին Հայաստանը կարգի բերելու: Անոնք
կ'ընդունէին պարթև թագաւորներու գլխաւորութիւնը,
իրենք զիրենք անոնց երկրորդը կը համարէին և անոնց
կտրած գրամը կը գործածէին:

Սակայն այդպէս չըրաւ Արշակի որդին, Արտաշէս Ա:
Դեռ մանուկ հասակէն, ան շատ հպարտ և փառասէր
քնաւորութիւն ունէր և շատ ալ կտրիճ ու յանդուգն
թագաւոր էր: Իր պապին և հօր կրթած մեծ զօրքը
ինք աւելի մարդեց, շատցուց և պատրաստուեցաւ մեծ
պատերազմներ մղելու:

Հին պատմիչները կ'ըսեն թէ Արտաշէսի զօրքը
այնքան շատ էր որ, եթէ թագաւորը հրամայէր ամէնուն
մէկ-մէկ քար նետել, այդ քարերէն մեծ բլուր մը կը
կազմուէր, իսկ եթէ հրամայէր մէկ-մէկ նետ արձակել
ամէնքը միասին, նետերու բազմութենէն և անոնց

ատուերէն զեանին վրայ արեւի լոյս չէր իյնար և մութը կը տիրէր :

Իր այս անագին բանակին գլուխն անցած, Արտաշէս քայլեց Պարթևներու վրայ, յաղթեց անոնց զօրքին, առաջին հռչակեց Հայերու թագաւորութիւնը, իսկ անոնց տուաւ երկրորդ տեղը. իր անունով դրամ կոխեց, և Հայաստանը դարձաւ հզօր ու մեծ թագաւորութիւն մը :



Մեծն Արտաէս

այնտեղի մտնր ու խոշոր իշխաններուն, չինել տուաւ բազմաթիւ նստեր և անցաւ Յունաստան. գրաւեց անոնց երկիրներու մէկ մասը և կ'ուզէր մտնել Աթէնք, բայց յոյն ու հռոմայեցի իշխանները կաշառեցին Արտաշէսի զօրովարներէն մէկը, որ դաւաճանութեամբ սպաննեց հզօր թագաւորը : Մեռնելու ատեն Արտաշէս գոչած է .

— Աւաղ փառասցս անցաւորի... այսինքն, «մեղք վաղանցուկ փառքերուս» :

ԴԱՍ 11. — ՏԻԳՐԱՆ Բ. ՄԵԾ

Արտաշէսի գահը բարձրացաւ իր երիտասարդ որդին, Տիգրան Բ. :

Հայ ազգը երբեք չէ ունեցած Տիգրանի պէս մեծ ու հզօր թագաւոր : Անոր օրով Հայաստան շատ մեծ-



Տիգրան Բ.

ցաւ, տիրելով բազմաթիւ նոր երկիրներու : Տիգրան հասաւ արեւելեան մեծ կայսրերու փառքին :

Երբ Արտաշէս մեռաւ, Փոքր-Ասիոյ Յոյները իսկոյն

ոսքի ելան և ուղեցին քալել մօտակայ երկիրներու վրայ:



Տիգրան Մեծի դրամ

Տիգրան խիստ կտրիճ էր ու փառասէր, և թող չտուաւ որ Յոյները շատ առաջ կրթան: Իր հաւատարիմ դաշնակիցն էր Պոնտոսի Միհրդատ Եւպատոր թագաւորը, որ ունէր երկու մայրաքաղաք.—Տրապիզոն և Ամասիա: Միհրդատ և Տիգրան շատ լաւ էին զտած իրար, երկուքն ալ փառասէր էին, կտրիճ և խելացի. միայն թէ Միհրդատ քիչ մը կուուարար մարդ էր:

Տիգրան Միհրդատին յանձնեց Փոքր-Ասիոյ կառավարութիւնը և Միհրդատ տիրեց զրեթէ ամբողջ Փոքր-Ասիոյ:

Ասորիքի Անտիօք մայրաքաղաքին մէջ մեծ խռովութիւններ ծագած էին: Սելևկեան հարստութեան իշխաններն իրարու արիւն կը թափէին. ամէն մէկը կ'ուզէր որ ինք թագաւոր ըլլայ: Այդ երկար կռիւներէն զուուած, Ասորիները դիմեցին Տիգրան մեծ թագաւորին, որ զօրքով եկաւ, տիրեց ամբողջ Ասորիքի և 22 տարի

իր ձեռքը պահեց, անոնց թագն ալ միացնելով Հայոց թագին: Դարձաւ տեսակ մը մեծ կայսր:

Այդ միջոցներուն Հռոմայեցիները խիստ զօրացած և տիրած էին Եւրոպայի և Ափրիկէի երկիրներուն, աչք անկելով Փոքր-Ասիոյ հարուստ մասերուն: Անոնք անցան Տարտանէլի նեղուցը, մտան Փոքր-Ասիա: Միհրդատ անոնց դէմ ելաւ, շատ մը պատերազմներ ունեցաւ, երբեմն յաղթեց, երբեմն ալ յաղթուեցաւ. իսկ երբ նեղը մնաց, օգնութեան կանչեց իր փեսան—Տիգրան Մեծը: Տիգրան ու Միհրդատ 30 տարի շարունակ



Միհրդատ

անվերջ պատերազմներ մղեցին Հռոմայեցիներուն դէմ: Այդ պատերազմներուն մէջ կըրթուած ու լուսաւոր Հռոմայեցիները յաղթանակներ տարին անմշակ Հայերուն և Պոնտացիներուն դէմ: Բայց երբ Հռոմայեցիները իրենց երկրին մէջ իրարու հետ կը կուուէին, Տիգրան և Միհրդատ շատ անգամ

անոնց վրայ քայեցին, Փոքր-Ասիոյ մէջ զանուած բոլոր Հռոմայեցիները կոտորեցին: Անգամ մըն ալ Տիգրան միանալով Պարթեւներու հետ, այնպէս ջարդեց հռոմայեցի զօրքը, որ անոնք փախան: Տիգրանի զօրապետ Բարզափրան Ռշտունին ինկաւ անոնց ետեւէն, հալածեց և մտաւ կրկին Անտիօք, անկէ ալ հրէական երկիրը որ Հռոմի կը պատկանէր գրաւեց Երուսաղէմը և շատ մը հրեայ զերիներ տարաւ լնակեցուց Վանի մէջ:


ԴԱՍ 12. — ՏԻԳՐԱՆ ՄԵՐ ԵՒ ԱՐՏԱԽԱՉԳԻ

Միհրդատ յաղթուելով Հռոմայեցիներէն, կ'ուզէր մեծ զօրք ժողովել և երթալ ուղղակի անոնց երկրին մէջ պատերազմիլ :

Բայց այդ ատեն իր Փառնակ որդին ապստամբեցաւ իրեն դէմ : Միհրդատ յուսահատեցաւ և ինքզինքը թունաւորելով մեռաւ :

Տիգրան ալ ազէկ օրեր չտեսաւ : Երկար պատերազմներէ յոգնած և արդէն ծերացած, զգաց իրտկարութիւնը, երբ իրեն դէմ եկաւ հռոմայեցի երեւելի զօրավար Պոմպէոսը :

Այդ միջոցին Տիգրանի որդին ալ ապստամբեցաւ հօրը դէմ և անցաւ թշնամիներուն կողմը. որպէսզի անոնց միջոցով թագաւոր ըլլայ Հայաստանի վրայ : Տիգրան, տեսնելով իր զուկին դաւաճանութիւնը, թշնամիին մեծ ուժը և իր ծերութիւնը, հաշտութիւն խնդրեց Պոմպէոսէն : Ան ալ ուրախ եղաւ և հաշտուե-



Պոմպէոս

ցաւ : Տիգրան անոնց տուաւ Փոքր Ասիան և Ասորիքը, իսկ իրեն պահեց միայն Հայաստանը : Պոմպէոս սքանչացաւ Հայերու մեծ թագաւորին վրայ, սաստիկ բարկացաւ անոր դաւաճան զաւկին դէմ և զայն շղթայակապ տարաւ Հռոմ, իբր գերի :

Ասկէ ետքը երկար չապրեցաւ Տիգրան : Հայերու գահը նստաւ իր որդին, Արտաւազդ :

Արտաւազդ թոյլ ու անհոգ թագաւոր մըն էր : Կը զբաղէր յունարէն թատերգութիւններ գրելով, թատրոն ներկայացնելով ու խնջոյքներով :

Արտաւազդ բարեկամութիւն հաստատեց Հռոմայեցիներուն հետ : Բայց երբ Հռոմայեցիները պատերազմի ելան Պարթեւներուն դէմ, Արտաւազդ գաղտնի միացաւ Պարթեւներուն և մեծ մլաս հասցուց Հռոմի զօրքին : Վերջէն ալ կովկասեան լեռնականներու միացաւ և քալեց Հռոմի պատկանող երկիրներու վրայ : Հռոմայեցիները բարկանալով, անոր դէմ զրկեցին իրենց խորամանկ զօրավարներէն Սնտոնիոսը : Այս վերջինը եկաւ Հայաստան, յաղթեց Արտաւազդի զօրքին, խաբէութեամբ գերի բռնեց Հայերու թագաւորը և շղթայակապ զրկեց Եգիպտոսի թագուհի Կլէոպատրային, իբր ընծայ : Այնուհետեւ Հայաստանի մէկ մասը դարձաւ Հռոմայեցիներուն հարկատու :

ԴԱՍ 13. — ԱՐԳԱՐ ԵՒ ՔՐԻՍՏՈՆԵՆԻԹԻԻՆՆԵՐ ՀԱՅԵՐՈՒ ՄԷՋ

Հայոց երկրի հիւսիսային մասը հարկատու եղաւ Հոռոմի, իսկ հարաւային մասը կամ ՈւրՀայերը ունեցան իրենց սեփական թագաւորը: ՈւրՀայեցիներու ամէնէն նշանաւոր թագաւորն եղաւ Արգար, Արշամի որդին: Արգարի հայրը կը նստէր Մծրին քաղաքին մէջ, իսկ որդին իր աթոռը հաստատեց Եդեսիա կամ Ուրֆա քաղաքը:

Արգարի օրով Հրէաներու Բեթղէնէմ քաղաքին մէջ ծնաւ Յիսուս Քրիստոս, որուն քարոզած կրօնը տարածուեցաւ բոլոր լուսաւոր աշխարհի մէջ:

Անգամ մը երբ Արգար գացած էր Պարթեւներու էրկիրը, գէշ հիւանդութենէ մը բռնուեցաւ, բորոտեցաւ: Շատ աշխատեցաւ բժշկուիլ, բայց անօգուտ:

Պատահեցաւ որ Արգար մարդ զրկէ Երուսաղէմի կողմերը, հոռոմայեցի զօրավորի մը քով: Այդ մարդերը իրենց գործը տեսան և Հայաստան դառնալու աւան, անցան Երուսաղէմ քաղաքէն: Հոն լսեցին Յիսուս Քրիստոսի հրաշագործութիւնները և սուրբ կեանքը: Երբ Հայաստան եկան, Արգարի պատմեցին իրենց տեսածն ու լսածը Քրիստոսի մասին:

Արգար իսկոյն նամակ մը գրեց Յիսուսի, որու մէջ կ'ըսէր. «Իուն կամ Աստուած ես, կամ Աստուծոյ որդի», ու հրաւիրեց զայն իր քաղաքը. «Լսած եմ որ Հրէաները Բեզի հետ աղէկ չեն վարուիր. եկուր իմ քաղաքս, բժշկէ զիս և հանգիստ ապրէ»:

Թագաւորն իր նամակը զրկեց Յիսուսի՝ Անանէ ա-

նուն իշխանի մը ձեռքով: Սակայն Յիսուս չեկաւ Հայերու երկիրը, այլ պատուիրեց որ իր մահէն ետք իր աշակերտները երթան, բժշկեն Արգարը և Հայերը դարձնեն դէպի լոյս հաւատքը:

Այդպէս ալ եղաւ: Յիսուսի խաչելութենէն ետք, անոր երկու աշակերտները—Թադէոս և Բարթոլոմէոս եկան Հայաստան, բժշկեցին Արգարի հիւանդութիւնը և քրիստոնեայ մկրտեցին Արգարն ու շատ մը հայ իշխաններ: Արգար ամէն կերպով աշխատեցաւ քրիստոնէութիւնը տարածել Հայաստանի մէջ. հալածելով կռապաշտութիւնը:


ԴԱՍ 14. — ԱՆԱՆՈՒՆ ԵՒ ՍԱՆԱՏՐՈՒԿ

Արգարի մահէն ետք, քրիստոնէական հաւատքը հալածանքի ենթարկուեցաւ:

Արգարի որդի Անանուրը եղաւ Եդեսիոյ թագաւոր և արգիլեց Քրիստոսի կրօնը պաշտել. նորէն բացաւ փակուած կոստոնները: Իսկ Արգարի հօրաքրոջ որդին—Սանատրուկ, որ զօրքի հրամատար և վերին Հայաստանի վերակացուն էր, կռապաշտ մնացած Վանայ Արծրունի իշխաններուն օգնութեամբ թագաւոր դարձաւ իր գաւառներուն վրայ:

Սանատրուկ ալ սկսաւ սաստիկ հալածել քրիստոնեաները: Իր աղջիկը, գեղեցիկ Սանդուխտ կոչւր Թադէոս առաքեալին քարոզներով քրիստոնեայ դարձած էր: Հայրը կատղեցաւ և Շաւարշանի դաշտին մէջ նահատակել տուաւ թէ՛ Առաքեալը և թէ՛ Սանդուխտ կոչւր:

Երբ Անանուսն մեռաւ, Եղեսացիները իրենց երկրին գահը տուին Սանատրուկի, բայց մէկ պայմանով — որ չհալածէ քրիստոնէաները: Սանատրուկ խօսք տուաւ, բայց յետոյ դրժեց իր խոստումը և հալածանքը սաստկացուց անոնց դէմ:



Նահապետիւրիւն Սանդուխտ կոչսի

Այդ հալածանքները չկրցան ջնջել Քրիստոնէութիւնը մեր երկրէն: Մարդիկ վախցան և սկսան գաղտնի պաշտել Քրիստոսն ու իր կրօնը: Երկա՛ր ատեն Հայերու երկրին մէջ գաղտնի կը պաշտուէր Քրիստոնէութիւնը, կամաց կամաց տարածուելով:

ԴԱՍ 15. — ԵՐՈՒԱՆԻ Բ.

Սանատրուկի ժամանակ երեւելի էր Երուանդ անունով հայ նախարար մը:

Երուանդ յաղթանդամ և շատ քաջ մարդ էր: Մօր կողմէ Արշակունիներու թագաւորական զեղէն էր: Սանատրուկ Երուանդը նշանակեց վերին Հայաստանի կառավարիչ: Հոն Երուանդ ամէնուն սիրտը գրաւեց և եղաւ բոլոր հայ իշխաններու սիրելին: Երբ Սանատրուկ մեռաւ, Երուանդ բարձրացաւ թագաւորական գահը, սրով նետել Սանատրուկի զաւակները դեռ փոքր էին: Սակայն թագաւոր ըլլալու համար պէտք էր որ Բագրատունի իշխանները թագ դնէին և թագաւոր օժէին: Իսկ Բագրատունիները չուզեցին իսկական Արշակունիները զրկել և Երուանդին սալ Հայերու թագը:

Այն ատեն Երուանդ կապեցաւ և հրամայեց սուրէ անցնել Սանատրուկի բոլոր գերդաստանը: Բոլորն ալ սպաննուեցան, բացի փոքր որդիէն — Արտաշէսէն: Սմբատ Բագրատունի թագադիր իշխանը առաւ Արտաշէսը և փախցուց Պարսկաստան, Պարթևներու Դարեն Արշակունի թագաւորին պալատը: Դարեն սիրով ընդունեց իր սգգական պատանին և պահեց իր որդիներուն հետ:

Երուանդ շատ աշխատեցաւ սպաննել Արտաշէսը, բայց չյաջողեցաւ:

Յետոյ վախնալով Պարթևներէն, թողուց Եղեսախ մայրաքաղաքը և իր աթոռը տարաւ Մասիսի մօտերը — հին Արմաւիր քաղաքը: Բայց այն ալ շատ տկար, առանց պարիսպի գտնելով, ընտրեց Երասխի ափը, Արմաւիրէն քիչ մը արեւմուտք, բարձր ու ամուր տեղ

մը, և հոն հսկայ պարիսպներով քաղաք մը շինեց, կոչելով Երուսաղիմ: Շինեց պղինձէ հսկայ դուռներ, գաղտնի սանդուղներ, բարձր աշտարակներ ու բերդեր և հոն փոխադրեց իր աթոռը: Անկէ քիչ մը դէպի հիւսիս, Ախուրեան գետի ափը շինեց Բագարան մեծ քաղաքը՝ բազմաթիւ մեհնաններով և բոլոր կուռքերը հոն փոխադրեց: Բագարանի աւերակները մինչև այսօր կը մնան, Անիէն քիչ մը դէպի հարաւ:

ԴԱՍ 16. — ԱՐՏԱՇԷՍ Բ.

Երուսաղի ամէն կերպով կ'ամրացնէր իր թագաւորութիւնը, կը զրաւէր բոլոր հայ իշխաններու սիրտը, բայց միշտ կը վախնար Արտաշէսէն, որովհետև գիտէր որ զահուն իրաւունքը անորն է:

Արտաշէս ալ կը մեծնար Պարթևներու պայտափն մէջ, կը մասնակցէր պատերազմներու և կը վարժուէր զէնքի գործածութեան: Իսկ Սմբատ Բագրատունի քաջ իշխանը հերոսաբար կը կուռէր Դարեհ թագաւորին թշնամիներուն դէմ:

Երբ Արտաշէս քիչ մը մեծցաւ ու աղուոր երիտասարդ մը եղաւ, Սմբատ աղաչեց Դարեհի որ զայն իր հօրը զահը նստեցնէ: Դարեհ բաւական զօրք յանձնեց Սմբատին ու Արտաշէսին և զրկեց Երուսաղի վրայ:

Պարթևական զօրքը մտաւ Հայաստան: Հայ իշխաններէն շատերը անցան իրենց իսկական թագաւորին — Արտաշէսի կողմը: Սմբատ մէկ քանի իշխաններու մեծ պարզեւներ ու պաշտօններ խոստանալով, զանոնք ալ իր կողմ քաչեց, այնպէս որ Երուսաղի մինակը

մնաց և յաղթուեցաւ: Պատերազմը տեղի ունեցաւ Ախուրեան գետի ափը: Հոն Երուսաղի սպանուեցաւ և Սմբատ թագաւոր օձեց Արտաշէսը:

Արտաշէս եղաւ շատ խելացի և քաջ թագաւոր մը: Դեռ նոր էր զահ՝ բարձրացած, երբ Կովկասի լեռներէն Ալան կոչուած մեծ ու բարբարոս ժողովուրդը խուժեց Հայաստան: Արտաշէս զօրքով զնաց անոնց վրայ, ջարդեց ու իր երկրէն դուրս հանեց: Հայ զօր-



Մարեհիկ կը խօսի Արտաշէս Բ.ի հետ

քը հասաւ Կուր գետի աջ ափը, իսկ Ալանները փախան ձախ ափը: Արտաշէս պատերազմի ատեն գերի բռնած էր Ալաններու թագաւորին որդին:

Ալաններու թագաւորը շատ խնդրեց Արտաշէսէն որ իր որդին վերադարձնէ, և ինք ու ժողովուրդը

այլևս չեն յարձակիր Հայաստանի վրայ: Արտաշէս մտիկ չըրաւ:

Այն ատեն եկաւ Ալաններու թագաւորին գեղանի աղջիկը, աննման Սաթինիկը և գետի միւս ափէն խըզրեց որ Արտաշէս արձակէ իր եղբայրը: Արտաշէս ազատ ձգեց եղբայրը և ամուսնացաւ Սաթինիկի հետ, հոչակեց զայն Հայոց թագուհի կամ Տիկնանց Տիկին: Այնպիսի հարուստ հարսնիք մը ըրին որ, կ'ըսեն թէ՛ ոսկի ու մարգարիտ կը նետուէր ժողովուրդին:

Երբ պատերազմները վերջացան, Արտաշէս օտար երկիրներէ շատ մը գաղթականներ բերաւ և շէնցուց իր երկիրը, հողերը բաժնեց գիւղացիներուն մէջ և բոլոր հողերու օտարները իրարմէ կտտելու համար քառանկիւն քարեր կանգնեցուց: Մեծ խնամք տարաւ և ծաղկեցուց ամէն տեսակ արհեստներ: Շինել տուաւ շատ մը մեհեաններ և ուրիշ գեղեցիկ շէնքեր: Երկար ատեն թագաւորելէ ետք, Արտաշէս մեռաւ. ամբողջ ժողովուրդը լացաւ իր վրայ: Թագուհի խնամ փառաւոր եղաւ.



Սաթինիկ

Արտաշէսի դագաղը ոսկեղէն էր, անկողինը բնիզեայ, մարմին

վրայ փռուած վերարկուն ոսկեթել: Դուխը թագ էր զբած և առջևը՝ ոսկէ դէնքը: Դագաղին շուրջը կեցած էին որդիներն ու ազգականները: Յետոյ կուգային նախարարները, զօրապետները, պաշտօնեաները և զօրքե-



Արտաղ Բ.

րը, ամէնքն ալ զինուած: Դագաղի առջևէն փողերը կը հնչէին ախուր եղանակներ, իսկ ետեւէն կ'երթային սևեր հագած, մազերը բաց թողած սգաւոր կիներ, եղերանայրեր, որոնք կուլային ու երգեր կ'երգէին: Յետոյ կուգար ռաւիկ ժողովուրդը:

Երբ դագաղը կ'իջնէին գերեզման, Արտաշէսը սիրողներէն շատերը անձնասպան կ'ըլլային: Այն ատեն իր մեծ որդին—նախանձոտ Արտաւաղը կ'ըսէ.

— Դուն կ'երթաս և բոլոր աշխարհը հետդ կը տա-

նիս, ուրեմն ես աւերակներու վրայ պիտի թագաւորեմ»:

Կը պատմեն թէ երբ այս նախանձոտութիւնը կը լսէ Արտաշէս, դադարին մէջէն զլուխը կը վերցնէ ու կ'անիծէ իր չար որդին.

— «Եթէ դուն Մասիս լեռը որսի երթաս, դեւերը թող քեզ բռնենն ու պահեն. հոն մնաս և այլևս լոյս աշխարհ չտեսնես»:

Ռամիկ ժողովուրդը կ'ըսէ թէ երբ Արտաւազդ ծնաւ, կախարհները գողցան զայն և տեղը դրին դեկ ձազը:

Գ Ա Ս 17. — Ա Ր Տ Ա Ի Ա Չ Գ Բ.

Արտաշէսի աթոռը նստաւ իր մեծ որդին, Արտաւազդ Բ. և թագաւորեց քանի մը օր միայն: Անգամ մը երբ ձի հեծած և շուները հեան առած որսի կ'երթար Մասիսի լանջերուն վրայ, խոր ձորի մը մէջ կ'իյնայ ու իր մարմինն ա' չգտնուիր: Ժողովուրդն իսկոյն ըսաւ թէ հօր անէծքը կատարուեցաւ. թէ քաջերը կամ դեւերը բռնեն են Արտաւազդը, և չլթայակապ կը պահեն մութ այրի մը մէջ: Թագաւորին երկու հաւատարիմ շուները, որ հետը որսի էին գացած, կը կրծեն իրենց տիրոջ շղթաները և կ'ուզեն ազատել զայն: Սակայն երբ շղթաները կը բարակնան շուներու ատամներուն տակ, այն ատեն — կիրակի օրերը — հայ դարբինները իրենց մուրճերը կը զարնեն սալերուն և ատով նորէն կ'ամրացնեն չար թագաւորին շղթաները: Եթէ Արտաւազդ դուրս ելլէ իր քարայրէն, պիտի կործանէ աշխարհը:

Գ Ա Ս. 18. — Վ Ա Ղ Ա Ր Շ Ե Ի Խ Ո Ս Ր Ո Վ Ա.

Արտաւազդի կորսուելէն ետքը, Հայաստանի գահը քարձրացան անոր եղբայրները, իսկ անոնց մահէն ետքը՝ Տիգրան Գ. ի — Արտաւազդի փոքր եղբոր տղան, Վաղարշ:

Վաղարշ իր գործերով քիչ մը կը նմանի իր պապին — Արտաշէս Բ. ին: Ան Բասէն գաւառին մէջ շինեց Վաղարշաւան քաղաքը (Քէօփրիւ քէօյ): Մասիս և Արագած մեծ սարերու միջև, Արարատեան դաշտի կեդրոնը, Քասախ գետին ափը կար փոքրիկ աւան մը, որ կը կոչուէր Վարդգիս աւան: Վաղարշ մեծ պարիսպներով պատեց զայն, շատ գեղեցիկ շէնքեր շինեց, քաղաքը մեծցուց և անունը դրաւ Վաղարշապատ: Մինչև այսօր Ամենայն Հայոց կաթողիկոսը կը նստի Վաղարշապատի Էջմիածին վանքին մէջ: Անկէ քիչ մը հեռու կը գտնուի Երեւան հին քաղաքը:

Վաղարշ իր աթոռը փոխադրեց Վաղարշապատ և սկսաւ զբաղիլ իր ժողովուրդի համար օգտակար գործեր կատարելով: Հաստատեց Հայոց Նոր-Տարին՝ Նաւասարդամսու 1ին (մեր Օգոստոսի 9ին): Այդ օրը մեծ հանդէսներ կը կատարէին կռատուներու, գիւղերու և քաղաքներու մէջ, թմբուկներ կը զարնէին, փողեր կը փչէին, ձիեր, եզներ ու եղջերուներ կը վաղեցնէին:

Վաղարշի օրով Կովկասի լեռներէն իջան շատ մը բարբարոս լեռնականներ և սկսան աւերել Հայաստանի հիւսիսային մասերը, թալլել ու կողոպտել այն կողմերու Հայերը: Վաղարշ բազմաթիւ զօրքով գնաց անոնց վրայ, մեծ ջարդ տուաւ ու փախցուց մինչև Կովկասի լեռներուն միւս կողմը: Այդ կռիւներու ատեն նեա մը զպաւ և Վաղարշ մեռաւ:

Իրեն յաջորդեց որդին — Խոսրով Ա. որ զօրքով
գնաց հիւսիսային թշնամիներու վրայ և լուծեց հօրը
վրէժը:



Խոսրով Ա. կը յաղթէ հիւսիսային ազգերուն

Այնուհետև Խոսրով խաղաղ ապրեցաւ և Հայաստան ծակեցաւ ու հարստացաւ: Խոսրով բարեկամ մնաց ե՛ւ Պարթեւներուն, ե՛ւ Հռոմայեցիներուն. երբեք չխառնուեցաւ անոնց կոիւնքերուն:

Այդ ատենները Պարսկաստանի մէջ մեծ փոփոխութիւն մը տեղի ունեցաւ: Արտաշիր Սասանեան անուն Պարսիկ մը ապստամբեցաւ թոյլ ու փճացած Պարթև թագաւորին դէմ, տապալեց զայն ու ինքը դարձաւ Պարսկաստանի թագաւոր:

Խոսրով երբ այդ լսեց, փութաց օգնել Պարթևական Արշակունի թագաւորին, որովհետև ինքն ալ Ար-

շակունի էր: Խոսրով յաղթեց Արտաշիր Սասանեանի բանակին և մտաւ Պարսկաստան: Հոն շինեց քաղաք մը և անունը դրաւ «Դա ի վրէժ Արտաշիր»ի, որ ետքէն կրճատուելով, դարձաւ Դաւրէժ կամ Թաւրիզ:

Արտաշիր փախաւ Հնդկաստան, բայց կաշառեց դաւաճան Արշակունի մը — Անակ Պահլաւունին, որ խոստացաւ սպաննել Խոսրովը:

Անակ այնպէս ձեւացուց թէ կը փախչի Արտաշիրի ձեռքէն: Արտաշիր ալ մաս մը զինուած մարդեր զրկեց որ հետապնդեն Անակը: Այսպիսով Անակ մտաւ Հայաստան և Խոսրովի ապաւինեցաւ: Այս վերջինը հաւատաց և սիրով հիւրընկալեց իր ազգակից Արշակունին: Օր մը Անակ որսի ատեն զարկաւ սպաննեց Խոսրովը ու սկսաւ փախչիլ, որպէս զի երթայ Պարսկաստան ու իր զարշնչի դաւաճանութեան զինն ստանայ: Բայց հայ նախարարները ետեւէն ինկան, բռնեցին Երասխ գետի կամուրջին վրայ և գետը նետեցին: Խոսրով մեռնելու ատեն հրամայեց կոտորել Անակի ամբողջ գերդաստանը:

Այդ հրամանին համաձայն, Անակի ցեղը սուրէ անցուցին: Միայն ծծմայրը փախցուց անոր երեք տարեկան որդին, տարաւ Կեսարիա, քրիստոնեայ մկրտեց և անունը դրաւ Դրիգոր:

ԴԱՍ 19. — Տ Ր Դ Ա Տ Մ Ե Ծ

Խոսրովի մահուան լուրն առնելով, Արտաշիր վերադարձաւ Պարսկաստան, նստաւ անոր գահը: Յետոյ մեծ զօրքով եկաւ տիրեց Հայաստանի: Հրամայեց կոտորել Խոսրովի գերդաստանը: Արտաւազդ Մանդակունի

իշխանը, որ թագաւորին Տրդատ անուն զաւկին խնամակալն էր, փախցուց Տրդատը ու տարաւ Հոռոմ: Հոն Տրդատ կը մեծնար ու կը կրթուէր Լիկիանոս անուն հռոմայեցի իշխանի մը տան մէջ: Իսկ Օտա Ամատունի նախարարը փախցուց թագաւորին Խոսրովի դուխտ աղջիկը, հեան ալ արքայական զանձները և ամբոցաւ լեռներու մէջ շինուած Անի ամրոցը (Կամախ): Պարսիկները տիրացան Հայաստանի: Քսանդրից տարի մեր երկիրը դարձաւ անոնց մէկ նահանգը:



Տրդատ քաղաւոր

Տրդատ կ'աճէր և մեծ քաջագործութիւններ կը գործէր Հոռոմի մէջ: Անգամ մը հրապարակային խաղերու տան վայրի ցուլի մը եղջիւրներէն բռնելով, վիզը ոլորեց, եղջիւրները հանեց և ցուլն սպաննեց: Անգամ մըն ալ, երբ կառքով ձիարշաւի ելած էին, Տրդատի հակառակորդը խորամանկութեամբ զայն վար նետեց և իր կառքը յառաջ քշեց: Տրդատ կատղեցաւ. ինկաւ կառքին ետեւէն և անիւներէն բռնեց այնպէս ուժով, որ ձիերը չկրցան առաջ շարժիլ: Զօրքին մէջ ալ Տրդատ իր ուժով մեծ հռուշակ հանեց: Օր մը ազատեց իր բարերար Լիկիանոս կոմսին կեանքը: Անգամ մըն ալ, երբ հռոմէական բանակը կը փախչէր, Տրդատի ձին սպաննուեցաւ և ինքն իր զէնքերն ու ձիու բոլոր սարքը շալկած, լողալով

անցաւ Եփրատ գետը: Վերջապէս օր մըն ալ Դիոկղեափանոս կայսեր տեղ մենամարտի ելաւ Գլթաց Հոչէ հսկայ թագաւորին հետ, յաղթեց անոր, գերի բռնեց ու քերաւ կայսեր իբրև նուէր:

Այս և ուրիշ շատ քաջութիւններ Տրդատի անունը հանեցին Հոռոմի մէջ: Երբ Դիոկղեափանոս կայսրը ազատեցաւ իր մնասակար թշնամիներէն, զօրք տուաւ Տրդատին որ երթայ և իր հօր գահը խլէ Պարսիկներէն:

Մինչ Տրդատ փառքով կ'առաջանար Հոռոմի մէջ, Գրիգոր ալ կը մեծնար Կեսարիոյ մէջ, ամբանալով քրիստոնէական հաւատով: Երբ իր ծծմայրը պատմեց հօրը՝ Անակի ստորին արարքը, Խոսրովի մահը և անոր զաւկին Հոռոմ դռնուխլը, Գրիգոր որոշեց երթալ Տրդատի քով, հաւատարմօրէն ծառայել անոր և քաւել հօր մեղքերը:

Երբ Տրդատ զօրքով Հայաստան մեկնեցաւ, Գրիգոր ալ անոր հետ էր: Գրիգոր խիտտ հաւատարիմ սպասաւոր մը եղաւ և Տրդատ շատ կը սիրէր զայն: Կեսարիա հասնելուն պէս, հայ իշխանները եկան իրենց իսկական թագաւորին քով: Օտա Ամատունին ալ բերաւ թէ՛ Խոսրովի դուխտը և թէ՛ թագաւորական զանձները: Տրդատ նշանակեց Օտան հայկական զօրքի հազարապետ, իսկ իր կեանքը փրկող Արտաւազդ Մանդակունին կարգեց հայ զօրքերու սպարապետ կամ ընդհանուր հրամանատար:

Սմբատ Բագրատունի իշխանը թագ դրաւ Տրդատի զուլխը և օժեց Հայերու թագաւոր: Տրդատ հայ և հռոմայեցի զօրքերով առաջ գնաց, յաղթեց Պարսիկներուն ու տէր դարձաւ իր հայրենի երկրին: Մաս մըն ալ անոնց երկրէն խլելով, միացուց Հայաստանի:

ԴԱՍ 20. — ՏՐԴԱՏ ԵՒ ԼՈՒՍԱԻՈՐԻՉ

Տրդատ յաղթելով պարսիկ զօրքին, մտաւ Երիզաւեանը (Երզնկա) : Հոն կը գտնուէր Կուսակաշտ Հայերու ամէնէն մեծ աստուածուհին — Ոսկեմայր Անահիտը : Տրդատ հրամայեց Գրիգորին զո՛հ մատուցանել Անահիտին, որովհետեւ, կ'ըսէր, ան է պարզեւած այս յաղթութիւնները :

Գրիգոր գաղտնաբար քրիստոնեայ դարձած ըլլալով, չուզեց երկրպագել մետաղէ շինուած կուռքի մը : Տրդատ բարկացաւ և հրամանը սաստկացուց : Երբ Գրիգոր նորէն չհնազանդեցաւ, Տրդատ հրամայեց տանջել զայն : Ամէն տեսակ տանջանքներ տուին Գրիգորի, բայց ան հաստատ մնաց իր հաւատքին մէջ և չերկըրպագեց կուռքերուն : Այն ատեն հայ իշխանները պատմեցին թէ Գրիգոր զաւակն է թագաւորին հայրը՝ Խոսրովը դաւաճանորէն սպաննող Անակի :

Երբ Տրդատ այս ալ իմացաւ, հրամայեց իր հաւատարիմ ծառան ձգել Մասիսի մօտերը, Երասխի ափը գտնուող խոր փոսի մը մէջ, ուր կը նետէին մարդասպանները :

Այդ Խոր Վիրապին մէջ Գրիգոր մնաց 15 տարի : Կը պատմեն թէ բարեպաշտ կին մը ամէն օր մէկ-մէկ հաց կը նետէր գուրին մէջ տանջուող Գրիգորին :

Այդ միջոցին Հոռմի մէջ ալ քրիստոնէութիւնը շատ տարածուած էր : Բայց ամէնքն ալ գաղտնի կը պաշտէին իրենց կրօնը : Այդ գաղտնի քրիստոնեաներէն խումբ մը կոյսեր, հալածուելով Դիոկղետիանոս կայսրէն, փախան եկան Հայաստան : Կայսրը թուղթ գրեց Տրդատի որ զանոնք գտնէ ու իրեն զրկէ :

Տրդատ գտաւ կոյսերը իր մայրաքաղաքին, Վաղարշապատի մէջ : Գաշուած աղքատիկ հնձան մը, անոնք ուլունքներ կը շինէին, կը ծախէին ու իրենց հաւատը պաշտելով կ'ապրէին գաղտնաբար : Տրդատ ուզեց կին առնել անոնցմէ մէկը, որ շատ գեղեցիկ էր և կը կոչուէր Հովիտիմէ կոյս : Սակայն անոնց մայրապետ Գայիանէն Գրիստոսի անունով յորդորեց Հովիտիմէն որ շամուսնանայ Տրդատի հետ : Թագաւորը զայրացաւ և կոյսերէն ՅՅ հոգի կտորել տուաւ, իսկ չորս կոյսեր փախչելով աղատեցան :


Այդ անմեղ կոյսերը խողխողելէ ետք, թագաւորը տաստիկ խղճահարեցաւ : Կ'ըսեն թէ խիղճը այնքան տանջեց զինքը որ, տեսակ մը խելագարութիւն եկաւ վրան, խող դարձաւ և փախաւ անտառները : Ամէն տեսակ բժիշկներ կանչեցին, բայց անկարելի եղաւ բժշկել :

Այն ատեն թագաւորին քոյրը-Խոսրովիդուխտ երազին մէջ տեսաւ թէ միայն Գրիգոր կրնայ բժշկել թագաւորը : Որովհետեւ երազներու շատ կը հաւատային, Խսկոյն Օտտա Ամատունին գնաց Խոր-Վիրապէն հանեց Գրիգորը և փառքով բերաւ Վաղարշապատ : Բոլորն ալ կը զարմանային թէ այդ մարդը ինչպէս կրցեր է 15 տարի ողջ մնալ Խոր-Վիրապին մէջ, և սուրբ կը համարէին զայն :

Գրիգոր աղօթեց և բժշկեց խող կտրած թագաւորը ու անոր զիւհար մտերիմները : Յետոյ սկսաւ քարոզել Գրիստոսի հաւատքը : Տրդատ և Աշխէն թագուհին, անոնց հետ ալ Խոսրովիդուխտ և բոլոր նախարարները ընդունեցան քրիստոնէութիւնը : Շատ չանցած Ս. Գրիգորը զրկեցին Կեսարիա, ուր քրիստոնեայ եպիսկոպոս կար, և եպիսկոպոս ձեռնադրել տուին : Ս. Գրիգոր Կե-

աարիայէն հետը առնելով իր Արիստակէս և Վրթանէս որդիները, եկաւ Հայաստան, մկրտեց ամէնքն ալ և քրիստոնեայ դարձուց մեր աշխարհը: Ասոր համար կոչուեցաւ Ս. Գրիգոր Լուսաւորիչ:

Լուսաւորիչ հաստատեց Ս. Էջմիածնի վանքը, իսկ



Էջմիածին

անոր քովերը, կոյսերու նահատակուած տեղերուն վրայ շինել տուաւ Ս. Հռիփսիմէի, Ս. Գայիանէի և Շողակաթի վանքերը, որոնք այս օր ալ կանգուն են, անշուշտ նորոգուած ու վերաշինուած:

ԴՍՍ 21. — ՏՐԴԱՏԻ ՅԱՂՈՐԴՆԵՐԸ

Լուսաւորիչ և Տրդատ, ծերանալով, քաշուեցան լեռները ճգնելու և հոն մեռան:

Հայաստանի թագը ժառանգեց Տրդատի որդին՝ Խոսրով Բ.: Խոսրով չունէր Տրդատի քաջութիւնը, բայց արդարութիւնը կը սիրէր անոր պէս: Անոր օրով հայ իշխաններու մէջ երեւցան քանի մը կարիճ զօրավարներ:

Երբ կովկասի լեռներէն թափառական ժողովուրդ մը յարձակեցաւ Հայաստանի վրայ, Խոսրով անոնց դէմ զրկեց իր երկու կարիճ զօրավարները—Բագարատ ասպետը և Վահան Ամատունին: Ասոնք դաջին և Սրարատեան դաշտին մէջ, Էջմիածնէն քիչ մը հեռու, Օշական դիւղի ձորերը քշեցին թշնամին և հոն կոտորեցին զանոնք: Խոսրով մեծ կուիւ մըն ալ ունեցաւ Պարսիկներուն հետ և յաղթեց անոնց:

Խոսրովէն վերջ Հայոց թագաւոր եղաւ անոր որդին—Տիրան Բ., որ թող, վախկոտ և անպիտան մարդ մըն էր: Որպէս զի ոչ Պարսիկները արեւելքէն, ոչ ալ Յոյները արեւմուտքէն իր վրան չյարձակին, Տիրան սկսաւ հարկ վճարել երկուքին ալ, և խաղաղ ապրեցաւ, վարելով փճացած կեանք մը:

Բայց Տիրան չկրցաւ երկար առնն բարեկամ մնալ Պարսիկներուն ալ, Յոյներուն ալ: Գրիստոնէութիւնը Հայերուն մէջ մտնելէն ետք, Հայերը սկսած էին Յոյներուն կողմը բռնել, որովհետեւ անոնք ալ քրիստոնեայ էին, իսկ Պարսիկներն արեւն ու կրակը կը պաշտէին: Այդ պատճառով Պարսիկները սկսան թշնամանալ:

Այդ առեւնները Յոյներու Յուլիանոս Ուրացղ կայս-

ըր մեծ զօրք առած, կը քայլէր Պարսից Շապուհ թագաւորին դէմ, և մարդ զրկեց Տիրանի որ իրեն օգնութեան գայ: Տիրան վախցաւ և օգնական զօրք զրկեց Յոյներուն: Շապուհ լսեց այդ և զայրացաւ:

Պատերազմի սկիզբները Յուլիանոս յաղթեց, բայց երբ արդէն հասաւ անոնց Տիզբոն մայրաքաղաքին առջև և մեծ ճակատամարտ մը մղեց, Յոյները յաղթուեցան և Յուլիանոս ալ սպաննուեցաւ: Պատերազմէն ետք Շապուհ խորամանկութեամբ իր քով կանչեց Տիրանը, բոլոր զինուորներուն առջև նախատեց զաջն, աչքերը հանել տուաւ և զրկեց Հայաստան, Արագած լեռան ստորոտը, Կուաչ աւանը սպրկելու:

Տիրան շատ չարութիւններ ըրաւ հայ հողերու կաններուն: Փայտերով ձեծել տուաւ Յուսիկ կաթողիկոսը (Լուսաւորիչի թոռը, Վրթանէսի որդին) և մեռցուց: Երբ Դանիէլ անուն ծերունի քահանայ մը յանդիմանեց թագաւորն այդ դազանութեան համար, Տիրան խեղդել տուաւ Դանիէլն ալ:

ԴԱՍ 22. — ԱՐՇԱԿ Բ. ԵՒ ՄԵԾՆ ՆԵՐՍԷՍ

Պարսից թագաւորը թէև վրէժ լուծեց Տիրանէն, բայց վախցաւ որ հայ իշխանները բոլորն ալ կ'աննին Յոյներուն կողմը, եթէ հայ թագաւոր մը չդնէ անոնց վրայ: Ուստի անմիջապէս Հայերու վրայ թագաւոր կարգեց Տիրանի որդին, Արշակ Բ: Այդ միջոցին Հայերու կաթողիկոսն էր Ներսէս Մեծը, Լուսաւորչի թոռան թոռը:

Երբ Յոյներու Վաղէնտիանոս կայսրը լսեց Արշակի

դան ելլելը, իսկոյն դեսպաններ զրկեց որ Արշակ ետ կենայ Պարսիկներու բարեկամութենէն և իր կողմը դառնայ, իրեն հարկ տայ: Արշակ անպատուեց և վճռատեց յունական դեսպանները: Կայսրը բարկացաւ և իր

Թէոդորոս զօրավարը մեծ զօրքով զրկեց անոր վրայ: Արշակ շուարեցաւ և խնդրեց Ներսէս Մեծէն որ երթայ Յոյներուն քով և փրկէ զինքը:

Ներսէս գնաց, մեղմացուց Թէոդորոս զօրավարի սիրտը և համոզեց կայսրն ալ: Կ. Պոլիսի կայսերական պալատէն Ողիմպիազա անուն յոյն իշխանունի մը կը նութեան զրկուեցաւ Արշակի և այսպիսով բարեկամութիւնը կնքուեցաւ:



Ներսէս Մեծ

Երբ պարսիկ թագաւորը տեսաւ Արշակի ընթացքը, պատրաստուեցաւ զօրք զրկել անոր վրայ: Արշակ նորէն մարդ զրկեց և համոզեց որ իրեն ալ բարեկամ ու հարկատու կ'ըլլայ: Բայց Շապուհ կ'ուզէր Յոյներուն դէմ պատերազմիլ, ուստի պահանջեց Արշակէն օգնական զօրք զրկել իրեն: Արշակ չէր ուզեր ոչ մէկուն հետ աւրուիլ, ուստի շատ քիչ մարդ զրկեց Պարսիկներուն օգնելու: Յոյները երբ այդ լսեցին, կատ-

ղեցան: Այսպէսով, թէ Պարսիկները և թէ Յոյները հաւասարապէս թշնամացան Արշակի:

Արշակ մէկ միջոց միայն ունէր իր թշնամիներէն ազատելու, — այն է՝ միացնել բոլոր հայ իշխանները, սիրով կապել զանոնք իրենց թագաւորին հետ և հզօր բանակ մը կազմելով պաշտպանել երկիրը: Սակայն Արշակ խորամանկ, խաբեբայ և անբարոյական մարդ էր: Չզուեցուց և իր դէմ հանեց բոլոր հայ նախարարները կամ իշխանները:

Մասիսի ստորոտը շինել տուաւ Արշակաւան անուանով քաղաք մը, ուր ժողովեց ամէն կողմէ գող, աւազակ, չարագործ փախստական անձերը, հայ իշխաններու ծառաները, անոր դէմ չարիք գործողները: Հայ իշխանները կատղեցան թագաւորին այդ դաւաճանութեան դէմ:

Արշակ խիստ նախանձոտ մարդ էր: Սպաննել տրւաւ իր եղբորորդին, Գնէլը, որպէս զի տէր դառնայ անոր զանձերուն և ամուսնանայ անոր կնոջ—գեղեցիկ Փառանձեմի հետ: Փառանձեմ Մրջնիկ անուանով քահանայի մը ձեռքով՝ հաղորդութեան թոյն խառնելով թունաւորել տուաւ Ոգիմարիազ թագունին:

Այս արտաբնները զայրացուցին հայ նախարարները: Անոնք զօրքով ինկան Արշակի և անոր անպիտան քաղաքին վրայ, կոտորեցին բնակիչները և Արշակն ալ փախցուցին: Այն ատեն մէջ մտաւ Ներսէս կաթողիկոսը, նախարարներու սուրէն ազատեց Արշակաւանի բոլոր ծծկեր մանկիկները՝ փոխադրեց իր հիմնած որբանոցները, պահեց ու մեծցուց: Հայրապետը միեւնոյն ատեն հաշտեցուց թագաւորն ու նախարարները: Չհաշտուեցան երկուքը միայն—Մերուժան Արծրունին և Վահան Մամիկոնեանը, որ անցան Պարսկաստան և դարձան Շապուհի հաւատարիմ ծառաներ:

Արշակի դէմ բարկացած էր Յունաց կայսրն ալ: Ուստի այս անգամ ալ աղաչեց Ներսէս կաթողիկոսին երթալ Պոլիս և նորէն զինքը բարեկամ դարձնել կայսեր: Ներսէս մեծ ընծաներով հասաւ կ. Պոլիս, բայց կայսրը զայրացած ըլլալով Արշակի դէմ, չընդունեց Ներսէսը, այլ հրամայեց աքսորել անմարդաբնակ կղզի մը (Պաթմոս կղզին):

Արշակ մինակ մնաց: Չկար Ներսէսը որ իր լուսամիտ խորհուրդներով ետ կհեցնէր զայն չար գործերէ: Արշակ վրեժ էր պահեր հայ իշխաններէն: Երբ Ներսէս



Արշակ Բ. անձնապահ կ'ըլլայ

բացակայ էր, հրամայեց կոտորել անոնցմէ շատերը: Նախարարները զայրացան և Պարսիկներուն կողմը բռնեցին: Վերջապէս Շապուհ զրկեց իր Այանոզան զօրա-

վարը որ եկաւ մեծ զօրքով և Պարսկաստան գերի տա-
րաւ Արշակը: Փառանձեմ թագուհին առաւ արքայա-
կան գանձերը և փախաւ Արտազերս ամրոցը: Նախա-
րարներու մէկ մասն ալ, տեսնելով որ Շապուհ կ'ուզէ
բռնել բոլոր հայ իշխանները, իրենց ընտանիքներն ա-
ռիւն և փախան յունական երկիրները:

Շապուհ կատղեցաւ: Մեծ զօրք տուաւ դաւաճան
հայ իշխաններուն - Մերուժան Արծրունիին և Վահան
Մամիկոնեանին, ու զրկեց Փառանձեմի դէմ: Արշակն
ալ շղթայի զարկաւ և դրաւ Անյուշ բերդը: Դաւաճան
հայ իշխանները գրաւեցին Արտազերսը երկար կռիւ-
ներէ ետք և թագուհին գերի տարին Պարսկաստան, ուր
Պարսիկները զայն ցիցը հանեցին: Այս դժբաղդութիւն-
ները լսելով, Արշակ անձնասպան եղաւ Անյուշ բեր-
դին մէջ:

ԴԱՍ 23. — ՄԵՐՈՒԺԱՆ, ՆԵՐՍԷՍ ՄԵԾ ԵՒ ՊԱՊ

Արշակ Բ-ի գերի իյնալէն ետք, Շապուհ ուզեց
ոչնչացնել Հայերու թագաւորութիւնը և Հայաստանը
միացնել իր մեծ երկրին: Անոր նպատակն էր Հայերը
կրակապաշտ դարձնել և քրիստոնէութիւնը ջնջել, որ-
պէս զի Հայերը Յոյներուն հետ բարեկամ չմնան:

Ատոր համար Շապուհ մեծ զօրքով Հայաստան
զրկեց ուրացող հայ իշխան Մերուժան Արծրունիին: Այս
իշխանը քրիստոնէութիւնն ուրանալով, ընդունած էր
Պարսիկներու կրօնը և ամուսնացած՝ Շապուհի Որմիզ-
դուխտ քրոջ հետ:

Մերուժան եկաւ մեր երկիրը և շատ անօրէնու-
թիւններ գործեց: Բոլոր խելացի ու մաքուր հոգեւո-
րականները լռեց և աքսորեց Պարսկաստան. հայ իշ-
խաներու կիներն ու երեխաները փակեց բերդերու մէջ,
պարսիկ զինուորներու պահպանութեան տակ, խաբե-
լով, կաշառքով, ձեծով ու բռնութեամբ շատերը ստի-
պեց դառնալ կրակապաշտ:

Երբ այս ամէնը տեսաւ Մեծն Ներսէս, շատ ցաւե-
ցաւ: Աքսորէն դեռ նոր դարձած, Կ. Պոլիս կը հաս-
նէր, ուր կայսր էր նստած իր հին բարեկամը, Թէո-
դոսը: Ներսէս ազերսեց որ կայսրը ազատէ Հայաստանը
կրակապաշտներու ձեռքէն և Հայերու թագաւոր հռո-
չակէ Արշակի որդին Պապը, որ Պոլիս կը գտնուէր իբ-
րև պահանջ:

Թէոդոս չէր ուզեր որ իր թշնամի Պարսիկները
զօրանան, իրենց միացնեն Հայաստանի պէս լեռնային
ամուր երկիր մը, ուստի իր Տերենտիանոս զօրավարին
մեծ զօրք տուաւ և Ներսէսի ու Պապի հետ զրկեց Հա-
յաստան:

Մերուժան փախաւ Յոյներու և Հայերու միացած
զօրքին սուղեւէն: Շապուհ նոր զօրք տուաւ ու կրկին
դայն զրկեց Պապի դէմ: Երկու բանակները զարնուե-
ցան Նպատ լեռան քով, Չիրաւ դաշտին վրայ: Երբ
Հայերն ու Յոյները կը կռուէին դաշտին մէջ, Հայրա-
պետը բազկատարած կ'աղօթէր լեռան կատարէն և Աս-
տուծմէ կը խնդրէր յաղթութիւն չնորձել Հայերուն:

Քրիստոնեայ բանակը յաղթեց. Պարսիկները ջախ-
ջախուելով, փախան: Մերուժան ալ փախաւ: Բայց դա-
ւաճանի ձին վիրաւորուած ըլլալով, Սմբատ Բագրա-
տունի իշխանը ետեւէն հասաւ, բռնեց զայն և հրաչէկ
չամփուր մը կտրեցնելով, զրաւ անոր գլուխը և ըսաւ.

— «Ո՛վ Մերուժան, դուն կ'ուզեիր Հայոց քազաւոր ըլ-
շալ. ահա ես կը պատկեմ քեզ. իբր քազադիր սասկես ես
կը կասարեմ իմ հայրսկիսն պաշտօնս»:

Այսպէս սպաննուեցաւ դաւաճանը:



Մերուժան շամփուրով կը պատկուի

Մերուժանի ընկեր և նոյնպէս դաւաճան Վաճան
Մամիկոնեան իշխանն ալ սպաննուեցաւ իր զաւակին —
Սամուէլ Մամիկոնեանի ձեռքով:

Պապ թագաւոր օժուեցաւ և նստաւ Հայոց գահը:
Քիչ մը ատեն Պապ լսեց Ներսէս Մեծի խորհուրդները.
Վարձատրեց բոլոր քաջ նախարարները, եղաւ արդա-
բասէր: Բայց չուտով սկսաւ անբարոյական և յոռի
կեանք մը անցնել: Ներսէս միշտ կը խրատէր և կը
կը յանդիմանէր անպիտան թագաւորը: Պապ զայրա-
նանալով, թունաւորեց ու մեռցուց Մեծ Հայրապետը:

Քիչ ետքն ալ իր երկրէն վտարեց յոյն զօրքը և ուզեց
Պարսիկներու հետ բարեկամանալով ջարդել Յոյները:
Սակայն Տերենտիանոս զօրավարը յարձակեցաւ իր
վրայ, գերի բռնեց և զրկեց Պոլիս, ուր կայսրը հրա-
մայեց գլխատել անարժան թագաւորը:

ԴԱՍ 24. — ՎԵՐՋԻՆ ԱՐՇԱԿՈՒՆԻՆԵՐԸ

Պապ մեռաւ, իսկ իր որդիները դեռ անչափահաս
էին: Թէոդոս կայսրը Հայոց գահը նստեցուց Պապի եղ-
բօրորդին — Վարազդատը: Այս հայ իշխանը Տրդատ
Մեծի պէս շատ մը քաջութիւններ գործած էր Կ. Պո-
լիս եղած ատենը. կռիւմարտի ու զաղանամարտի մէջ
չէր ունեցած իրեն հաւատարմ մէկը: Կայսրը կը կարծէր
որ Վարազդատ իրեն հաւատարիմ պիտի մնայ, որով-
հետեւ երկար ատեն ապրած էր Յոյներու հետ, անոնց
երկրին մէջ: Սակայն Վարազդատ ալ Պապին պէս
սկսաւ մօտենալ Պարսիկներուն և խուսափիլ Յոյներու
լուծէն: Կայսրը զայրացաւ և իր զօրավարներուն հրա-
մայեց բռնել զայն և զրկել Կ. Պոլիս: Վարազդատ
զրկուեցաւ Կ. Պոլիս, ուր չլթացի դարնուեցաւ և աք-
սորի մէջ մեռաւ:

Թէոդոս հնար մը մտածեց Հայաստանը իր ձեռքը
պահելու համար: Երկու մասի բաժնեց մեր երկիրը.
արեւելեան մասը տուաւ Պապի մէկ զաւակին, իսկ ա-
րեւմտեան մասը՝ միւսին: Արեւելեան մասին թագաւոր
եղաւ Արշակ Գ., արեւմտեան մասին՝ Վաղարշակ Բ.:
Բայց Վաղարշակ նոյն տարին մեռաւ և ամբողջ Հա-
յաստանը մնաց Արշակ Գ.ին:

Այդ միջոցին մեռաւ Թէոդոս կայսրը, որուն մեծ երկիրը բաժնուեցաւ երկու մասի: Արեւելեան Կայսրութեան գահն ելաւ Արկադիոս որդին, որ շատ թոյլ մարդ մըն էր: Խորամանկ Շապուհ խօսք մէկ ըրաւ Արկադիոսի հետ, և Հայաստանը բաժնեցին երկու մասի — արեւելեան մասը մնաց Պարսիկներուն, արեւմտեանը՝ Յոյներուն:

Արշակ, որ Դուին կը նստէր, չուզեց մնալ կրակապաշտ Պարսիկներու իշխանութեան տակ, առաւ իր գանձերը և շատ մը հայ իշխաններու հետ մէկտեղ անցաւ Յոյներու բաժինը: Շապուհ չուզեց պարսիկ կուսակալ կամ մարդպան դնել Հայերուն վրայ, որովհետեւ կը վախնար թէ Հայերը կը միանան Յոյներուն հետ: Այդ պատճառով Շապուհ իր ձեռքի տակ եղած հայ երկրին վրայ թագաւոր զրաւ Արշակունիներու ցեղէն իշխան մը — Խոսրով Գ.:

Արշակ Գ. ալ անդաւակ մեռաւ և Խոսրով Գ. եղաւ նաև յունական Հայաստանի թագաւոր, պայմանով որ Յոյներուն ալ հարկ տայ: Սակայն Պարսիկներուն հաճելի չէր Խոսրովի բարեկամութիւնը Յոյներու հետ. անոնք կը վախնային որ հայ և յոյն՝ քրիստոնեայ ըլլալով, կը միանան և կը խլեն իրենցմէ Հայաստանը: Ատկէ զատ, Խոսրով կաթողիկոս նշանակած էր Սահակ Պարթևը — Ներսէս Մեծի որդին. իսկ Պարսիկները Լուսաւորչի ամբողջ ցեղը կը համարէին իրենց թշնամի, որովհետեւ այդ ցեղն էր որ քրիստոնեայ դարձուց Հայերը, հեռացուց զանոնք Պարսիկներէն և մօտեցուց քրիստոնեայ արեւմուտքին:

Շապուհ մեծ զօրքով իր Արտաշիր որդին զրկեց Խոսրովի վրայ: Արքայորդին եկաւ, քիչ մը պատերազմելէ ետք զերի բռնեց Խոսրովը և տարաւ Պարսկաս-

տան (400 թուականին), ու փակեց Անյուշ բերդին մէջ:

Խոսրովի տեղ թագաւոր կարգուեցաւ իր եղբայրը — Վառմապուհ: Գահն և մէկ տարի խաղաղ կառավարեց այդ խոհեմ և խելացի թագաւորը, բարեկամ մնալով թէ՛ Յոյներուն և թէ՛ Պարսիկներուն:

Անոր թագաւորութիւնը նշանաւոր եղաւ հայ տառերու զիւտով: Սահակ կաթողիկոսը և Մեսրոպ Մաշտոց վարդապետը մեծ հոգ կը տանէին հայ մանուկներու ուսման: Բայց անոնք չուտով տեսան որ առանց հայերէն գիրերու, յոյն և ասորի տառերով անկարելի է հայ մանուկները կրթել. տեսան որ Հայը չուտով պիտի կորսնցնէ իր մայրենի լեզուն, եթէ՛ գիր չունենայ: Երկար աշխատեցան հայ գիրեր հնարելու համար: Թագաւորն ու կաթողիկոսը Մեսրոպ վարդապետը զրկեցին Ասորեստան, Փիւնիկէ և Յունաստան, որպէս զի լաւ մը ուսումնասիրեն անոնց լեզուն, տառերը, պատմութիւնը և ապա Հայերուն համար ալ գիրեր յարմարցնեն: Մեսրոպ գնաց, երկար ուսումնասիրեց և վերջապէս հայերէն գիրեր հնարեց ու բերաւ: Սահակ և Մեսրոպ անմիջապէս աշակերտներ հաւաքեցին, սորվեցուցին հայերէն գրել-կարգալ, թարգմանեցին Ս. Գիրքը, գրեցին



Ս. Մեսրոպ

բազմաթիւ շարադրութիւններ: Հայ գրականութիւնը ծաղկեցաւ, հայ լեզուն զօրացաւ: Հայը թէև կորսնցուց իր թագաւորութիւնը, բայց ստեղծեց լեզու և գրականութիւն, որոնց շնորհիւ պահեց իր ազգութիւնը:

Վառմշապուհ թողուց անչափահաս որդի մը—Արտաշէս կամ Արտաշիր: Կաթողիկոսն ու նախարարները



Սահակ Խաչատրիս

ինդրեցին Պարսիկներէն և Արտաշիրը նստեցուցին հայկական գահը: Բայց ան ալ եղաւ թոյլ, ապականուած ու ատելի թագաւոր մը: Նախարարները շուտով զուեցան անկէ և գրեցին պարսիկ թագաւորին որ ազատէ զիրենք այդպիսի անպիտան թագաւորէ մը: Սահակ Պարթև գիտէր որ եթէ այս անգամ ալ թագաւորը գահէն վար առնեն, Պարսիկները այլևս հայ թագաւոր չպիտի նշանակին. ուստի ինչրեց որ հայ իշխանները այդպիսի բան չընեն: Իշխանները զայրացան ու պարսիկ թագաւորէն խնդրեցին ոչ միայն Արտաշիրը վար առնել գահէն, այլ և Սահակ Պարթևը զրկել կաթողիկոսական աթոռէն: Պարսիկներն ալ ձիջդ այդ կ'ուզէին. թագաւորն ու կաթողիկոսը կանչուեցան Տիրդոն—պարսիկ արքունիքը: Հոն զանոնք զըրկեցին իշխանութենէ և պահեցին Պարսկաստան. Հայերուն վրայ ալ կառավարիչ նշանակեցին պարսիկ Վեհմիհրշապուհը, իսկ կաթողիկոսութիւնը տուին Սուրմակ երէցին (432):

Այսպէս ինկաւ Արշակունիներու թագաւորութիւնը և Լուսաւորիչի Սերունդէն ալ խլուեցաւ կաթողիկոսութիւնը:

ԴՍՍ 25. — ՇԻՆ ՀԱՅԵՐՈՒ ՆԵՐՔԻՆ ԿԵԱՆՔԸ

Հայերը առաջ կռապաշտ էին, բայց 301 թուականին ընդունեցին քրիստոնէութիւնը: Առաջ անոնք գիր չունէին, այլ կը գրէին ասորերէն և յունարէն տառերով, բայց Ս. Մեսրոպ և Ս. Սահակ գիր գտան 406 թուականին:

Հայ թագաւորներու մայրաքաղաքներն եղան Արմաւիր, Արտաշատ, Վաղարշապատ, Դուին, և այլն: Սկիզբները թագաւորն ալ իր ժողովուրդին պէս պարզ կեանք կ'անցընէր. կը բնակէր հասարակ շէնքի մը մէջ: Բայց ետքէն թագաւորներն սկսան շինել փառաւոր պալատներ, ապրիլ Ասորեստանի կամ Պարսիկներու շուայ թագաւորներուն պէս, հագնիլ ծիրանի ոսկեզօծ պատմուճան, ոսկեթել ասեղնագործ տափաս, ոտքի կապիչներ կամ զանկապաններ, մէջքերը կապել ոսկեզօծ դօտի և հաղնիլ կարճիկ բաճկոն մը: Ոտնամանները սանդաղներ էին, կարմիր կամ դեղին կաշիէ: Հանդիսաւոր օրերու մէջ կը դնէին ոսկիէ թագ մը, զարդարուած բազմաթիւ թանկազէն քարերով: Գրիստոնէոյ թագաւորները ունէին նաև խաչ՝ իրենց թագին վրայ:

Թագաւորին ներկայանալու համար, պէտք էր աջ ձեռքը վեր բարձրացնել և ծռիլ անոր առջև, իբրև նշան խոնարհութեան: Անոր ներկայութեան ոչ ոք

համարձակէր նստիլ, մինչեւ որ արքան հրաման չտար :

Թագաւորին հաւասար պատիւներ կը ստանար նաև թագուհին — Հայոց Տիկնակնց Տիկիկը : Թագաւորէն ետք կուգային ազնուականները կամ նախարարները : Ասոնք կը կոչուէին Ագասակի կամ Ագասորեար : Առաջ այդ ազնուականներն ալ կ'ապրէին պարզ ժողովուրդին պէս, կը զբաղէին իրենց հօտերով և հողերով, իսկ յետոյ սկսան իրենց հողերը մշակելու տալ շինակալներուն կամ անագասներուն և ապրիլ անոնցմէ ասնուած հարկերով :

Նախարարները խիստ շատ էին : Անոնց ցեղերը կը կոչուէին Տուն : Օրինակ՝ Սիւնեաց երկրի (Ղարաբաղի) իշխանները կը կոչուէին Սիւնեաց Տուն, Սիւնեաց Տաւուսեր կամ Սիւնիներ. Վանի իշխանները կը կոչուէին Արծրունիներ, Տարօնիքը — Մալիկունեակներ, Շիրակիքը — Կանասարակներ և այլն : Նախարարական մեծ տուներն իրենց ձեռքին տակ ունէին պղտիկ աղնուականները : Իսկ բոլոր ազնուականները միասին պարտաւոր էին հնազանդիլ Հայոց Արքային :

Պատերազմի ատեն պղտիկ նախարարները կը ժողովէին իրենց զօրքերը և կ'երթային մեծ նախարարներու բանակը, մեծերն ալ կը ժողովէին իրենց զօրքերը և կ'երթային կը միանային թագաւորի բանակին հետ :

Թագաւորն ունէր իր սեփական մեծ կալուածները և ան ամէնէն մեծ նախարարն էր : Նախարարներն ալ ունէին իրենց մանր ու խոշոր կալուածները : Այդ կալուածներուն վրայ կ'ապրէր ռալիկ կամ շինակալ կամ անագաս ժողովուրդը, որ հարկ կուտար իր կալուածատիրոջ կամ սակոսիրոյ : Շինականը կը մշակէր աղնուականին կամ նախարարին կամ ագասակիին հողերը : Թագաւորը հարկ կ'առնէր իր հողերը մշակող, անոնց

վրայ բնակող շինականներէն. անոր հարկ կուտային նաև կալուած ունեցող նախարարները : Կային նախարարներ ալ որ կալուած չունէին, բայց մեծ պաշտօններ կը վարէին զօրքի կամ թագաւորի արքունիքին մէջ :

Կային աւագ և կրսւտ նախարարներ : Աւագ էին մեծ կալուածներ ունեցողները, կրստեր կ'ըսուէին մանր կալուած ունեցողները, կամ ամենեւին կալուած չունեցողները :

Աւագ նախարարները իրաւունք ունէին թագաւորին ներկայութեանը նստելու : Կը նստէին բարձրու վրայ : Այդ բարձրը կամ գահերը շարուած կ'ըլլային Կարգով — առաջին գահ, երկրորդ գահ, և այլն : Անոնց վրայ կը նստէին նախ ամէնէն մեծ — հարուստ և զօրաւոր նախարարը, յետոյ քիչ մը փոքրը, և այլն :

Նախարարները կը կառավարէին իրենց երկիրները թագաւորէն անկախ. կը դատէին իրենց ժողովուրդը, իրենց համար զօրք կը կազմէին, յաճախ իրարու դէմ պատերազմ կը մղէին :

Թագաւորներու և նախարարներու ամէնէն աւելի սիրած զուարճութիւններն էին զինավարժութիւնը և որսորդութիւնը :

Ազնուականներուն հաւասար ուժ և անոնցմէ աւելի ազդեցութիւն ունէին կռապաշտ Հայերու մէջ քուրմերը, իսկ քրիստոնեայ Հայերու մէջ՝ հոգեւորականները :

Քուրմերը ունէին մեծամեծ կալուածներ, սեփական զօրք, շատ մեծ հարստութիւն : Անոնք կը ծառայէին մեհեաններու մէջ և ժողովուրդէն ու իշխաններէն կը ստանային առատ նուէրներ : Շատ կրօնասէր իշխաններ աստուածներուն կը նուիրէին ընդարձակ հողեր իրենց շինականներով, անտառներ, արօտներ, և այլն : Քրիստոնէական շրջանին մէջ ալ նոյն նուիրատուութիւնը շա-

րունակուեցաւ եկեղեցիներու և վանքերու անունով :
 Գուրմերն ու հոգեւորականները երբեմն շատ կը
 զօրանային և մեծ ազդեցութիւն ձեռք կը բերէին թէ
 թագաւորին և թէ նախարարներուն վրայ : Թէ՛ քուր-
 մերը և թէ՛ քրիստոնեայ հոգեւորականները յաճախ
 կ'ըլլային նախարարական կամ նոյն իսկ թագաւորա-
 կան ցեղէ :

Հասարակ ժողովուրդը կը բաժնուէր քաղաքային և
 գիւղականներու : Քաղաքացիները բարձր կը
 համարուէին շինականներէն : Նախարարներուն և թա-
 գաւորին հարկ տուողը շինականներն էին : Քաղաքա-
 ցիներն կը զբաղէին արհեստներով և վաճառականու-
 թեամբ, իսկ շինականները՝ երկրագործութեամբ և անաս-
 նապահովութեամբ : Քաղաքացիներու տուած տուրքերը
 շատ չնչին էին :

Հայաստանի մէջ կային բազմաթիւ մանր ու խոշոր
 քաղաքներ : Հայ թագաւորներէն շատերը շինած են
 իրենց անունով աթոռանիստ քաղաքներ : Այդ քաղաք-
 ներուն մէջ մեծ առեւտուր կ'ըլլար : Բայց որովհետեւ
 Հայաստան ծով կամ նաւարկելի մեծ դետեր չունի,
 այդ պատճառով առեւտուրը շատ չէր զարգացած :



ԿՐՕՆԱԿԱՆ ՊԱՏԵՐԱԶՄՆԵՐ



ԳԱՍ 26. — ՎԱՐԴԱՆԱՆՅ ՊԱՏԵՐԱԶՄԸ

Երկու մեծ պետութիւններ—Բիւզանդիոն և Պարս-
 կաստան երկար առեւն կը ջանային տէր դառնալ Հա-
 յաստանի : Պարսիկները կը կարծէին որ եթէ Հայերը
 բնդունին իրենց արեւապաշտական կրօնը, այլևս Հայ չեն
 մնար, կը դառնան Պարսիկ, կը ձուլուին իրենց հետ և
 Հայաստան կը միանայ Պարսկաստանին, իսկ Յոյներն
 ալ երբեք չեն կրնար իրենց ձեռքէն խլել այդ բնուային
 հօր երկիրը : Այս նպատակով, Պարսիկները ոչնչացու-
 ցին Արշակունիներու թագաւորութիւնը և Հայաստանը
 կառավարեցին իրենց կուսակալներով կամ Մարզպան-
 ներով : Առաջին մարզպանը եղաւ Վենամիհրդապուռ :

Այդ Պարսիկը խաղաղութեամբ կառավարեց Հա-
 յաստանը : Անկէ վերջ մարզպան կարգուեցաւ Սիւնեաց
 իշխան Վասակը : Թէ Սիւնիներու և թէ Արծրունիներու
 երկիրները դրացի ու սահմանակից էին Պարսիկներուն .
 ուստի Արծրունիներն ալ, Սիւնիներն ալ շատ կը վախ-
 նային Պարսիկներէն : Շապուհի օրով Մերուժան Արծ-
 րունին դաւաճանեց հայ ազգին . այժմ ալ երբ Պար-
 սից թագաւորն էր դուռը Յաղկերա Բ., դաւաճանու-
 թեան դերը կատարեց Սիւնեաց փառասէր իշխանը,
 Վասակը :

Յաղկերա սկզբները կը վախնար ստիպել Հայերը
 ուրանալու իրենց կրօնը, որովհետեւ կը կարծէր թէ
 քրիստոնեայ Յոյները պիտի օգնեն անոնց : Բայց երբ
 արշաւեց Յոյներուն վրայ և մեծ յաղթութիւն մը տա-

բաւ, ա՛լ չվախցաւ անոնցմէ: Լսելով իր Միհրներսէհ հազարապետին, պատերազմ յայտարարեց Հոնկրուն դէմ, որոնք կը բնակէին Պարսկաստանէն դէպի հիւսիս, Ասիոյ տափաստաններուն մէջ: Յազկերտ հրամայեց հայ նախարարներուն զօրքով իրեն օգնութեան գալ: Եօթ տարի հայ զօրքը պահեց թշնամիին դէմ, Պարսից երկրի խորերը, հեռու հայ երկրէն, որպէս զի Հայերը տկարանան և ինք իր նպատակին հասնի:

Միհրներսէհի խորհուրդով, Յազկերտ ընդարձակ թուղթ մը գրեց Հայաստան մնացած նախարարներուն: Այդ թուղթին մէջ ան կը ծագրէր քրիստոնէութիւնը, կը գովէր կրակապաշտութիւնը, և կ'առաջարկէր Հայերուն թողուլ սխալ կրօնը, ընդունիլ իրենց «լոյս հաւատը»:

Հայ իշխաններն ու հոգեւորականները ազգասէր Յովսէփ կաթողիկոսին նախադահութեամբ ժողով ըրին և կտրուկ մերժում մը գրեցին թագաւորին: Յազկերտ երբ այդ պատասխանը առաւ, սաստիկ զայրացաւ, որովհետև թուղթին մէջ Հայերը ծագրած էին Զրադաշտի կրօնը: Իսկոյն հրաման ելաւ որ հայ նախարարները երթան Տիղբոն, արքային պալատը: Նախարարները կաթողիկոսին հետ ժողով ըրին, խաչով, Աւետարանով երդուեցան հաստատ մնալ իրենց կրօնին վրայ և գացին Տիղբոն: Գացողներու գլխաւորներն էին — Վասակ մարզպանը, Վարդան Մամիկոնեան սպարապետը և Տարօնի տէրը, Վահան Ամատունին և ուրիշներ: Թագաւորը սպառական պատիւներով չընդունեց զանոնք. այլ բարկացաւ, սպաննաց թէ ամբողջ հայ ազգը բնաջինջ կ'ընէ, զօրք կը ղրկէ և նախարարներու կիներն ու զաւակները ջարդել կուտայ — եթէ իրենց կրօնը չուրանան և կրակը չպաշտեն: Հայ իշ-

խանները բանտ նետուեցան, մինչև որ իրենց հաւանութիւնը տային: Անոնք ալ բանտին մէջ խօսք մէկ ըրին երեսանց ուրանալ իրենց հաւատքը, երթալ իրենց երկիրը և ապա զօրք ժողվել ու կուռիլ Պարսիկներուն դէմ:



Վարդան Մամիկոնեան

Յազկերտ շատ ուրախացաւ, երբ լսեց նախարարներուն ուրացումը: Անմիջապէս 700 մոզ և գունդ մըն ալ զօրք տալով, մեծ պարզեւներով ղրկեց Հայաստան: Երբ նախարարներու ուրացութեան լուրը Հայաս-

տան հասաւ, հոն չհասկցան զաղանիքը. կարծեցին որ ստոյգ է: Ուստի ամէնքն ալ երդուեցան չընդունիլ հաւատուրաց և դաւածան իշխանները: Այնպէս որ, երբ հայ նախարարները, մոզերն ու պարսիկ զօրքը հասան Անգղ գիւղը (Ծաղկոտան դաւառ), ժողովուրդը Ղեւոնդ Երէցի առաջնորդութեամբ անոնց դէմ ելաւ և կատաղի կռուի բռնուեցաւ պարսիկ զօրքին և մոզերու հետ: Մոզերն ու զօրքը փախան Պարսկաստան, իսկ հայ իշխանները ցրուեցան իրենց տեղերը: Պարզուեցաւ որ հայ իշխանները չեն ուրացած իրենց հաւատքը, բացի Վասակ մարզպանէն. որուն երկիրը շատ մօտ էր Պարսիկներուն: Վասակի երկու որդիները պատանդ էին Յազկերտի քով և Յազկերտ խոստացած էր Հայոց թագաւոր ընել զինքը:

Չմեռը թէ Յազկերտ, թէ հայ իշխանները պատրաստուեցան պատերազմի: 451 թուականին, դարնան բացուելուն պէս, հայ զօրքը հաւաքուեցաւ Տղմուտ գետին ափը, Աւարայրի դաշտին մէջ: Հայերու հրամանատարն էր Վարդան սպարապետը: Վասակ և իր կողմնակից շատ մը իշխաններ աւին իրենց զօրքերը և քաշուեցան իրենց լեռները, չուզելով պատերազմիլ Պարսիկներուն հետ: Մնաց Վարդան Մամրիկոնեան, իր հաւատարիմ ընկերներով և 65,000 զօրքով:

Պարսիկներու զօրքը խիստ շատ էր: Հրամանատարն էր Մուշկան Նիւսերաւուրա: Բացի անհամար զօրքէն, Պարսիկները բերած էին նաև շատ մը փիղեր, որոնք վարժուած էին իրենց կնճիթներով և օտքերով մարդեր կոտորելու:

Կռիւը սկսաւ 451 Յունիս 2-ին: Երկու կողմէն ալ կռուեցան մեծ քաջութեամբ: Հայերէն ինկան Վարդան Մամրիկոնեան և ուրիշ ութ իշխաններ, 1025 ալ զինուորներ, ընդամէնը 1036 նահատակ: Իսկ Պարսիկները կորսնցուցին 3544 մարդ:

ԴԱՍ 27. — ՎԱՐԴԱՆԱՆՅ ՊԱՏԵՐԱԶՄԷՆ ՅԵՏՈՅ

Պատերազմէն յետոյ հայ իշխանները քաշուեցան իրենց լեռները, ամրացան և սկսան նեղել Պարսիկները: Իւրաքանչիւր իշխան լեռներէն կ'իջնէր, յարձակում կը գործէր Պարսիկներուն վրայ, կը կոտորէր ու նորէն կը քաշուէր իր ամուր լեռները: Այն ատեն Մուշկան Նիւսերաւուրա մէկտեղ հաւաքեց իր բոլոր ցրուած զօրքը, որպէս զի չկոտորուին, և գրեց Յազկերտին թէ անկարելի է Հայերը կրօնափոխ ընել. եղած կոտորածներուն ալ մեղքը նետեց Վասակի վրայ:

Յազկերտ հրամայեց բռնել Յովսէփ կաթողիկոսը, Ղեւոնդ Երէցը, և շատ մը հոգեւորականներ ու իշխաններ և զրկել Տիգրոն: Վասակ ալ հրաման ստացաւ երթալ Տիգրոն, իսկ անոր տեղ մարդպան կարգուեցաւ Ատորոմիդդ Պարսիկը: Թագաւորը հրաման տուած էր բանալ հայ եկեղեցիները, ազատ թողուլ որ ամէն մարդ իր ուղած կրօնը պաշտէ, իսկ գաղանապէս հրամայած էր դրամով ու պաշտօններով խարել մարդիկ, գրաւել զանոնք դէպի պարսիկ կրօնը. լաւ մարդիկը պաշտօնի չգնել, միայն ուրացողներն ու դաւածանները բարձրացնել:

Երբ հայ հոգեւորականներն ու իշխանները հասան Տիգրոն՝ ջորիներու վրայ կապուած, անոնցմէ ետք հասաւ Վասակ, փառաւորապէս զարդարուած: Թագաւորը դատաւատան տեսաւ: Հաստատուեցաւ Վասակի երկերեսանի դերը: Չայն բանտ նետեցին, ուր և մեռաւ ստակալի թշուառութեան մէջ: Իսկ միւս հայ իշխաններն ու հոգեւորականները աքսորուեցան Պարսկաստանի խորերը: Հոն բոլոր հոգեւորականները 2—3 տա-

քի պահելէ ետք, նահատակեցին. իսկ հայ իշխանները 12 տարի բանտերու մէջ շղթայակապ մնացին և երբ Յազկերտ մեռաւ, ներման արժանացան ու դարձան իրենց տեղերը:

ԴԱՍ 28.— ԵՐԿՐՈՐԴ ԿՐՕՆԱԿԱՆ ՊԱՏԵՐԱԶՄԻ

Պարսիկները երբ տեսան որ կարելի չէ Հայերը կրակապաշտ դարձնել բռնի ուժով ու կոտորածներով, սկսան դիմել խորամանկութեան: Խաբելով, կաշառքով, պաշտօններ տալով՝ անպիտան և ուրացող մարդերը առաջ կը քաշէին, իսկ լաւ և արժանաւոր անձերը միշտ կը լքէին, առանց պաշտօնի կը ձգէին: Երբ Պարսից թագաւոր եղաւ դռուող Պերոզը, այն ատեն վերսկսաւ քրիստոնէութիւնը բռնի ուժով Հայերու մէջէն ջնջելու խնդիրը:

Հայ իշխաններէն մէկ քանին ընդունել էին կրակապաշտութիւնը: Ժողովուրդն ալ սկսած էր խարուիլ թէ՛ Ասորոմիզդ և թէ՛ անկէ վերջ եկող Ասորվչնասպ պարսիկ մարզպաններու անուշ լեղուէն, կաշառքներէն ու խորամանկութիւններէն:

Մեծ վտանգ կը սպառնար հայ ազգին ու կրօնին: Այդ միջոցին կաթողիկոս էր Գիւտ մեծանուն, որ անդադար կը զգուշացնէր իր ժողովուրդը Պարսիկներու խորամանկութիւններէն: Պերոզ տեսնելով որ Գիւտ կը խանգարէ Հայերու հաւատարմութեան գործը, կանչեց զայն Տիզրոն, անարգեց և կաթողիկոսութենէ զրկելով, ետ դարձուց:

Հայ ազգին օգնութիւն հասու նորէն նոյն Մամի-

կոնեան տոհմէն: Վարդան Մամիկոնեան ունէր աղջիկ մը — Շուշանիկ զոր կնութեան էր տուած Վրաց Վազգէն թագաւորին. արու զաւակ չէր թողած: Վարդանի եղբայր Հմայեակ ունէր երեք մանչ զաւակ, որոնց երէցին անունն էր Վահան: Այս երեքն ալ Պարսիկներուն ձեռք գերի էին ինկած, և սղատուելով վրացի իշխանի մը կողմէ, տարուած էին Վրաստան: Հոն անոնց մայրը; Զուիկ ազգասիրական ոգիով կրթած էր զանոնք: Մամիկոնեան տանուտէր եղաւ Վահանը, որ ցոյց տուած էր մեծ խելք, ճարպիկութիւն և քաջութիւն:

Պարսիկներու հալածանքը նորէն սաստկացած էր: Վարդանանց պատերազմէն ճիշդ 30 տարի ետք, հայ իշխանները զաղտնի ժողով ըրին և ապստամբեցան Պարսիկներուն դէմ:

Մմբատ Բագրատունին նշանակեցին հայկական իշխանութեան գլուխ, իսկ Վահանը՝ սպարապետ: Հայ կառավարութեան մայրաքաղաքն եղաւ մարզպաններու նշտած քաղաքը, Դըււին (Մասիսի մօտերը):

Պերոզ իսկոյն հրամայեց Ասորվչնասպ մարզպանին՝ մեծ զօրքով երթալ Հայերու վրայ: Անոր միացան



Վահան Մամիկոնեան

Գաղիչոյ և Գարջոյ Խոռխոռունի, Գդիհնն Սիւնի և ուրիշ ուրացող իշխաններ: Թէև Վահան դեռ չէր կրցած 400է աւելի զօրք ժողվել, բայց այդքան քիչ մարդերով ինկաւ Պարսից 7000 զօրքին վրայ, Մասիսի ստորոտները, ջարդել տուաւ ու փախցուց: Ատրվչնասպ մարդպանն ալ սպաննուեցաւ այդ կռիւին մէջ: Յաջորդ տարին անազին զօրքով Վահանի վրայ քալեց Ատրներսէն պարսիկ զօրավարը: Վահան իր բուռ մը կտրիճներով անոր ալ լաւ ջարդ մը տուաւ Արտազ դաւառին մէջ, Աւարայրի դաշտին մօտերը: Եկաւ Միհրան պարսիկ զօրավարը, եկան և ուրիշները, բայց Վահան չորսսարի շարունակ իր քանի մը տամնակ հերոսներով ամէնուն ալ դիմադրեց, ամէնքն ալ ջախջախեց:

Այդ ատենները (484) սպաննուեցաւ դաժան Պերոզը և դահը նստաւ եղբայրը՝ Վաղարշ, որ շատ խաղաղասէր մարդ էր: Վաղարշակ տնանելով Հայերու կատաղի դիմադրութիւնը և իրրեւ խաղաղասէր, Նիխոր զօրապետը զրկեց Վահանի քով հաշտութիւն կնքելու: Վահան երեք պայման առաջարկեց հաշտութեան համար.

- 1) Դադարեցնել քրիստոնէութեան դէմ եղած հալածանքը.
- 2) Պաշտօն չտալ անարժան, ուրացող և դաւաճան մարդոց.
- 3) Թագաւորը նկատողութեան չառնէ զրպարտութիւնները և մատնութիւնները, այլ լաւ մը քննութիւն կատարէ և այնպէս գործ տեսնէ:

Նիխոր ընդունեց Վահանի այս երեք պայմաններն ալ և ներկայացուց Վաղարշ թագաւորին: Թագաւորը ուրախութեամբ հաւանեցաւ և Հայաստան խաղաղեցաւ: Քանի մը ամիս ետք, թագաւորը Հայաստանի մարդպան կարգեց Վահանը, որով Հայերը խիստ ուրախացան:

Վաղարշի մահէն ետք, Պարսից դահը ելաւ Պերոզի որդին, Կաւսա: Այս թագաւորը ջնջեց իր հօրեղբօր

տուած արտօնութիւնները և կրկին մոգեր ուղարկեց, կրակատուներ շինեց Հայաստանի մէջ: Վահան զայրացաւ, դէնք առաւ և կոտորելով զօրքն ու մոգերը, վտարեց Հայաստանէն: Կաւսա կ'ուզէր նոր զօրք զրկել, բայց ինքը դանձնիկեց եղաւ իր հակառակորդ Պարսիկներուն կողմէ: Վահան 25 տարի խաղաղութեամբ կառավարեց մեր երկիրը:

ԳԱՍ 29.— ՄԱՐԶՊԱՆՆԵՐ, ԳԱՅԼ ՎԱՀԱՆ ԵՒ ՍՄԲԱՏ.
Կ Ի Ի Ր Ա Պ Ա Ղ Ա Տ Ն Ե Ր

Վահանի մահէն յետոյ, Պարսիկները կառավարեցին Հայաստանը հայ մարդպաններով կամ կուսակալներով: Նշանակուեցան նաև չորս պարսիկ մարդպաններ, բայց անոնք ալ խաղաղ մարդիկ էին, բացի Սուրէն անուն մէկէն որ դարձեալ կրօնական հալածանք հանեց Հայերու դէմ: Հայերը Վարդան Բ. Մամիկոնեանի առաջնորդութեան ասկ մտնելով, յարձակեցան Սուրէնի ու անոր մոգերուն վրայ. կոտորեցին զօրքն ու մոգերը. սպաննեցին Սուրէնը և քանդեցին ատրուշանները:

Հայ մարդպաններէն նշանաւորներն էին Վահանէ կրտսեր եղբայրը, Վահէն, յետոյ Մժէժ Գնունին, Աըմբատ Բագրատունի: Բազմայաղթը, Դաւիթ Սահառունին, և այլն:

Պարսից Խոսրով Բ. թագաւորը 140,000 զօրքով Յոյներուն դէմ պատերազմի գացած ատեն, հրաման տուաւ Տարօնի տէր Մուշեղ Մամիկոնեանին որ իր զօրքով ինքն ալ քալէ Յոյներու վրայ: Մուշեղ չլսեց

Թագաւորին հրամանը, բրովհետեւ չուզեց թշնամանալ Յոյներուն հետ: Երբ Խոսրով վերջացուց Յոյներու դէմ պատերազմը և վերադարձաւ իր երկիրը, 30,000



Մուշեղ Մամիկոնեան

զօրք տուաւ իր քեռորդի Միհրանին և զրկեց Տարօնի վրայ: Մուշեղ Պարսիկներու դէմ զրկեց իր ազգական Վահան Մամիկոնեանը, որ իր զարմանալի քաջութեան համար կը կոչուէր Գայլ Վահան:

Վահան խորամանկութեամբ բարեկամ ձեւացաւ Միհրանի և անկէ առնելով 4000 հոգի, կոտորել տուաւ

Հայերու ձեռքով: Երկրորդ անգամ կոտորել տուաւ 2000 պարսիկ զօրք, երրորդ անգամ 1000, չորրորդ անգամ՝ կրկին 1000: Այս ամէնը այնպիսի ճարպիկութեամբ և արագութեամբ կը կատարէր որ, Պարսիկները չէին հասկնար իր խորամանկութիւնը: Գիշեր մըն ալ խնջոյքի ատեն, սպաննեց Միհրանն ու անոր օգնական պարսիկ իշխանները:



Գայլ Վահան

Այդ ատենները մեռաւ Մուշեղ և Տարօնի իշխան եղաւ Գայլ Վահան: Վահան 28,000 հոգիէ ընտիր բանակ մը կազմեց և սպասեց պարսիկ յարձակումներուն:

Խոսրով Բ. անոր դէմ զրկեց իր Վախթանգ զօրապետը: Վախթանգ նախ 4000 մարդ զրկեց Վահանի վրայ: Վահան իր զաւակին՝ Սմբատի հետ ելաւ Պարսիկներուն դէմ, պաշարեց 4000 պարսիկ զօրքը և այնպիսի ջարդ մը տուաւ որ, հազիւ 50 հոգի ազատեցան: Յետոյ եկան 5000 հոգի. Վահան և Սմբատ ասոնց ալ լաւ ջարդ մը տուին: Գայլ Վահան մեռաւ 90 տարեկան հասակին մէջ

և տեղը բռնեց կտրիճ Սմբատը: Վախթանգ քաղեց անոր վրայ, բայց Սմբատ 10,000 զօրքով դէմ ելաւ, խորտակեց բանակը և Վախթանգն ալ սպաննելով, ընտանիքը դերի տարաւ:

Պարսկաստանը սաստիկ տկարացած էր: Երկրի մոզերն ու իշխանները ծանր հարկերով կը հարստանալէին ժողովուրդը: Աղքատ ու աւուր հացի կարօտ ժողովուրդը այլ ևս սիրա չունէր կռուելու հայրենիքի թըշնամիներուն դէմ: Երկրի իշխաններն ալ իրարու դէմ կը կռուէին:

Անոնց այդ տկարութենէն օգտուեցան Յոյները. գրաւեցին պարսկահայ նահանգներու մէկ մասը և Դաւիթ Սահառունին նշանակեցին Հայերու կառավարիչ կամ Կիւրապաղաս:

Սակայն միտյն Պարսկաստանը չէր քայքայուած: Յունաստանն ալ տկարացած էր: Ք.է 630 տարի ետքը երեւան եկած էր նոր և հզօր պետութիւն մը—Արաբականը:

Արաբներն ընդունելով Մահմէտի կրօնը և միանալով, Արաբիոյ մէջ հզօր պետութիւն մը հիմնեցին և յետոյ անկէ ելլելով, տիրեցին Միջագետքի, Ասորիքի և խուսեցին Պարսկաստան: Պարսկաստանին տիրելէ ետք, 640ին Ապաիւրահման զօրավարը 18,000 արաբ զինուորներով մտաւ Հայաստան: Անոր դէմ ելաւ Տիրան Մամիկոնեան հայ իշխանը (Գայլ Վահանի թոռնորդին) իր զօրքերով: Արաբները աւերեցին շատ գիւղեր ու քաղաքներ. գրաւեցին Դուին մայրաքաղաքը, մեծ կոտորած ըրին և 35,000 հայ զերի տարին:

Այսպէս՝ Արշակունիներու անկումէն յետոյ, Հայաստան 200 տարի մնաց Պարսիկներուն ձեռքը: Այդ ատենները երբեմն մեր ամբողջ երկիրը կ'իյնար Յոյներու իշխանութեան տակ, երբեմն ալ քանի մը դա-

ւառներ կը մնային Յոյներու ձեռքը: Պարսիկները կ'ուզէին կրակապաշտ ընել Հայերը, իսկ Յոյները կ'ուզէին իրենց կրօնին դարձնել: Երկու կողմն ալ կրօնական հալածանք հանած էր Հայերուն դէմ: Վերջապէս Արաբները եկան, գրաւեցին Հայաստանը և նոր ու կատաղի հալածանք հանեցին Հայերուն դէմ:

ԴԱՍ 30. — Հ Ա Յ Ա Ս Տ Ա Ն Ա Ր Ա Ւ Ն Ե Ր Ո Ւ Ի Շ Խ Ա Ն Ո Ւ Թ Ե Ս Ն Տ Ա Կ

Արշակունիներու թագաւորու թեան անկումէն յետոյ, Հայաստանի արեւելեան մեծ մասը Պարսիկներուն ձեռքը մնաց, իսկ արեւմտեան փոքր մասը Յոյներուն ձեռքը ինկաւ: Յոյներն ու Պարսիկները անդադար պատերազմներ կը մղէին իրարու դէմ, որպէս զի գրաւեն մեր ամբողջ երկիրը: Բոլոր պատերազմներն ալ Հայաստանի մէջ կ'ըլլային. այդ պատճառով հայ ժողովուրդն էր որ միշտ կը վնասուէր, կ'աղքատանար ու կը կոտորուէր:

Երբ Արաբները տիրեցին Պարսկաստանի և Պարսիկները դարձուցին մահմէտական, արեւելեան Հայաստանը, որ առաջ Պարսիկներուն իշխանութեան տակ էր, ինկաւ Արաբներուն ձեռքը:

Բայց Յոյները չէին ուզեր որ Արաբները տիրեն Հայաստանի պէս ամուր երկրի մը և անկէ ալ մտնեն իրենց հողերը — Փոքր Ասիա կամ Անատոլու: Այդ պատճառով, ինչպէս առաջ Պարսիկներուն դէմ, այժմ ալ Արաբներու դէմ սկսան պատերազմներ մղել: Այդ

պատերազմներն ալ տեղի կ'ունենային Հայաստանի մէջ, և նորէն Հայն էր ջարդուողը, աղքատացողը: Յոյնը կուգար և կը պահանջէր որ հայ իշխաններն ու ժողովուրդը իրեն հարկ տան. ո՛վ որ չհնազանդէր, կը կոտորէին, կը կողոպտէին: Երբ յոյն զօրքը կ'երթար, կուգար Արարը և կը պահանջէր որ իրեն հարկ տան, իրեն հնազանդէին: Այսպէս Հայը 200 տարի մնաց Յոյնի և Պարսիկի կրակին մէջ, 200 տարի ալ Յոյնի ու Արարի կրակներուն միջև:

Արաքներու տիրապետութիւնը աւելի գէշ եղաւ քան Պարսիկներունը: Արաք խալիֆաները կը նշանակէին մեր երկրին համար կառավարիչ մը, որ կը կոչուէր Ռասիլան, ինչպէս Պարսիկներու դրած կառավարիչը կ'ըսուէր մարզպան, Յոյներու դրածը՝ կիւրաղսպաս: Այդ ուտիկաններէն մէկ քանին սոսկալի արիւնհեղութիւններ գործեցին Հայաստանի մէջ: Անոնք կոտորեցին էն նշանաւոր հայ հոգեւորականները և, մանաւանդ, հայ իշխանները: Անոնք կ'ուզէին բոլորովին ջնջել հայ իշխանները, որպէս զի ժողովուրդը մնայ առանց գլխաւորներու և չապստամբի Արաքներու դէմ:

Արաք ոստիկաններու ամէնէն գազան և խտտա սիրաններն էին Կաշմ և Բուղա: Կաշմ խաբէութիւնով կը հրաւիրէ բոլոր երեւելի հայ իշխանները Նախիջևան քաղաքը, կը ժողվէ զանոնք այդ քաղաքի եկեղեցիին մէջ և, փայտ շարել տալով ամէն կողմէն, կը հրկիզէ (704): Յետոյ իր արաք զօրքերը կը ղրկէ Հայաստանի գաւառները և կը հրամայէ կողոպտել ու կոտորել ամէն հանդիպած հայ գիւղերն ու քաղաքները: Հայ ժողովուրդը, առանց իշխաններու մնացած ըլլալով, չի կրնար դիմադրել: Միեւնոյն ատեն բազմաթիւ Հայեր ալ գերի բռնելով, կը ղրկէ Արաքներու մայրաքաղաքը, Դամասկոս:

Երկրորդ գազան ոստիկանն էր Բուղա (850): Ասիկա եղաւ կատարեալ պատուհաս մը Հայերու համար: Յոյր գաւառները զօրք ղրկեց, որոնք արիւնով ծածկեցին գիւղերն ու քաղաքները, դաշտերն ու ձորերը: Կը մանէին և կ'այրէին գիւղերն ու քաղաքները. սուրէ կ'անցնէին բնակիչները: Փախստականներու ետեւէն կ'իյնային և կը կոտորէին: Տասնեակ հագորներով Հայեր կը կապէին և գերի կը ղրկէին դէպի Դամասկոս: Այդ գերիներու մեծ մասը ճամբան կը կոտորէին և ամանջանքներով կը մեռցնէին:

Ոստիկանները ամէնքն ալ այդպէս գազան չէին. գտնուեցան լաւեր ալ, որոնց իշխանութեան օրով Հայերը ազատ էին խիստ հալածանքներէ:


Արաքները Հայերը չէին նեղեր կրօնի պատճառով, քայց սոսկալի տուրքեր կ'առնէին. այնպէս որ ժողովուրդը խիստ աղքատ վիճակի մը մէջ էր անոնց օրով: Անոնք դիտումով այդպէս խեղճ կը պահէին ժողովուրդը և կը ճգնէին ոչնչացնել անոր իշխանները, որպէս զի Հայը չկարենար ապստամբիլ իրենց դէմ:

Արաքներու զօրութիւնը երկար չտեւեց: Անոնք այնքան շատ երկիրներ գրաւեցին և իրենց թագաւորութիւնը այնքան մեծցաւ, որ այլևս անկարելի եղաւ մէկ թագաւորով մը կամ խալիֆայով մը կառավարել: Նուաճուած երկիրներն սկսան ապստամբիլ: Արաք զօրավարները, ոստիկաններն ու ամիրանները իրարու դէմ պատերազմի ելան. ամէն մէկը կ'ուզէր ինքը խալիֆա ըլլալ: Այսպէսով տկարացաւ արաքական հզօր պետութիւնը: Հայ իշխաններն ալ օգտուեցան Արաքներու թուլութենէն և կամաց կամաց զօրանալով, հիմնեցին անկախ իշխանութիւններ և թագաւորութիւններ: Նոր կազմուած թագաւորութիւններու ամէնէն ուժեղն ու նշանաւորն էր Բագրատունիներու թագաւորութիւնը՝ Անի մայրաքաղաքով, յետոյ Արծրունեացը՝ Վան մայրաքաղաքով:

ԲԱԳՐԱՏՈՒՆԻՆԵՐՈՒ ՀԱՐՍՏՈՒԹԻՒՆԸ

Դ Ա Ս 31. — Ա Շ Ո Տ Ա.

Արաքներու տիրապետութեան ստան կային չորս մեծ նախարարութիւններ Հայաստանի մէջ, — Սյունեաց,



Ս շ ո ս Բագրատունի

րու զլիւնն թագ զնելու կամ թագաւոր պսակելու պաշտօն ունէին, ատոր համար կը կոչուէին քազադիտ

Արծրունեաց,
Մալիկոնեաց
և Բագրատունեաց տանու-
տիրութիւնները: Ա. մէնէն
հարուստը
Բագրատունի-
ներն էին Ա-
րաքներու օ-
րով: Բագրատունիները
չատ հին տոհմ
էին: Կ'ըսեն
թէ անոնք հը-
րէական ծա-
գում ունէին:
Արչակունիներ
րու [օրով] Ա-
նոնք Հայոց
թագաւորներ

ապէս: Այդ բարձր պաշտօնը կ'անցնէր անոնց տոհմին մէջ որդիէ որդի:

Արաքներու օրով Բագրատունիները դրամով ու զէնքով ձեռք էին բերած շատ մը երկիրներ, այնպէս որ անոնց բոլոր հողերը միասին՝ կրնային կազմել բաւական մեծ պետութիւն մը: Իրենց ժողովուրդէն կրնային հանել 40,000 զինուոր, ամէնքն ալ լաւ զինուած:

Բագրատունիները շատ զգոյշ և խորագէտ իշխաններ եղան: Անոնք բռնեցին Արաքներու կողմը, միշտ անոնց հետ բարեկամ մնացին, մեծագումար կաշառքներ տուին անոնց ամիրաներուն և խալիֆաներուն: Իրենցմէ մէկը, Սմբատ, անցաւ Արաքներու կողմը, երբ հայ իշխանները միացան Սեւաստ անուն պարսիկ իշխանի մը հետ և ապստամբեցան Արաքներու դէմ: Սըմբատ գառաճանեց հայ ժողովուրդին, անցաւ Արաքներուն կողմը և պատճառ եղաւ շատ մը Հայերու կոտորուելուն: Սակայն Բուզա ոսափկանը անոր ալ չինայեց միւս հայ երեւելիներուն հետ գերի տարաւ Գամասկոս: Հոն Սմբատն ալ բանտ նեղեցին և ստիպեցին ուրանալ իր կրօնը, դառնալ մահմետական, բայց Սմբատ չուրացաւ և սպաննուեցաւ: Արաքներէն բանտի մէջ՝ մեծ տանջանքներով: Ատոր համար մահէն վերջ զայն կոչեցին Սմբատ Խոստովանող, այսինքն իր մեղքերը քաւող և կրօնի համար նահատակուած:

Միայն Սմբատն էր որ ժամանակ մը դաւաճանեց հայկական շահերուն. միւս Բագրատունիները ամէնքն ալ կտրիճ և ազգասէր իշխաններ են եղած, բայց զգուշաւոր և խորամանկ: Անոնք Արաքներէն ստացան հայաստանի զօրքին սպարապետութիւնը կամ հրամատարութիւնը:

Երբ Բուզա ոստիկանը քարուքանդ ըրաւ Հայաստանը և տաննակ հազարաւոր դերիներով մեկնեցաւ Պաղտատ, Հայերու վրայ նշանակեց նոր ոստիկան մը: Այդ ատեն սպարապետ էր Սմբատ Խոստովանողի որդին, Աշոտ Բագրատունին: Աշոտ չյուսահատեցաւ իր հօրը դառն մահէն, այլ մեծ եռանդով աշխատեցաւ օգնել հայ ժողովուրդին, շինել Բուզայի քանդած և այրած գիւղերը, քաղաքներն ու վանքերը, խաղաղեցնել երկիրը, մաքրել աւազակները: Միւսնոյն ատեն Աշոտ շարունակեց իր հաւատարիմ ծառայութիւնը չպակսեցնել Արաքներու հանդէպ: Մէկ կողմէն հայ ժողովուրդի սիրելին եղաւ, միւս կողմէն մեծ յարգանքներ վայելեց Պաղտատի ամիրապետէն կամ խալիֆայէն, որ այդ ատեն կը կոչուէր Մահմուտ-ձաֆր: Ամիրապետը այնքան սիրեց զայն որ, Իշխանաց Իշխան պատուանունը տուաւ անոր ՏՃԾ թուականին:

Աշոտ մեծ ընծաներ զրկեց Պաղտատ և խնդրեց ազատ թողուլ Բուզայի տարած հայ դերիները: Ամիրապետը լսեց անոր խնդիրը: Հայ իշխանները ազատուեցան և վերադարձան իրենց երկիրները: Աշոտ իր աղջիկներէն մէկը կնութեան տուաւ Սիւնեաց իշխանին, միւսը՝ Արծրունեաց տանուտէրին: Այսպիսով իրեն հետ կապեց երկու ամէնէն զօրաւոր հայ իշխանական տուները: Իսկ ժողովուրդը արդէն շատ կը սիրէր զինքը:

Այն ատեն, երբ Հայաստան խաղաղ կը զարգանար Աշոտի ուժին և խոնհմութեան շնորհիւ, Պարսկաստանի մէջ մեծ խռովութիւն կը տիրէր: Արաքներու Խալիֆային թուլութենէն օգտուելով, ձահապ պարսիկ իշխանը 80,000 զօրքով կ'ապստամբի Խալիֆային դէմ և կը մտնէ Հայաստան: Աշոտ անոր դէմ կը զրկէ իր եղբայրը—Աբաս սպարապետը: Երասխի ամերուն վրայ հա-

յերը լաւ մը կը ջարդեն պարսիկ զօրքը և կը փախցընեն: Խալիֆան, տեսնելով Աշոտի քաջութիւնն ու հաւատարմութիւնը, կը խորհի:

«Եթէ ես անոր թագ չտամ և թագաւոր չընեմ, այնքան ուժ ունի որ, ինքը պիտի ապստամբի և թագաւոր պիտի դառնայ»:

Այսպէս մտածելով, Պաղտատի խալիֆան Աշոտին զրկեց թագաւորական թագ, թուր և զրեւաններ: Անի քաղաքին մէջ Գէորդ կաթողիկոսը փառայեղ հանդէսներով թագաւոր օծեց զայն ՏՃԾին: Երբ այդ լուրը հասաւ Բիւզանդիոն, Յոյներու Վասիլ Արչակունի կայսրը, ուղելով բարեկամ մնալ հայ թագաւորին և Հայերու սիրտը գրաւել, իր կողմէն ալ մեծ ընծաներ և թագ զրկեց Աշոտին:

Աշոտ իր աթոռը հաստատեց Ախուրեան գետի ափը գտնուող Բագարան քաղաքին մէջ, իր պետութեան մէջ վերահաստատեց Արչակունիներու օրով եղած կարգերը, մեծ հոգ տարաւ երկրագործութիւնը և վաճառականութիւնը ծաղկեցնելու համար: Ինքը անձամբ պտտեցաւ իր երկիրը, տեսաւ ժողովուրդին ցուերը և աշխատեցաւ դարմանել: Յետոյ գնաց Կ. Պոլիս, այցելեց Լեւոն կայսեր, առեւտրական և բարեկամական դաշինք կապեց անոր հետ: Վերադարձին դեռ իր մայրաքաղաքը չհասած, մեռաւ:

Այսպէսով Հայերը ունեցան իրենց թագաւորութիւնը, բայց այդ թագաւորութիւնը բոյորովին անկախ չէր, այլ հարկ պիտի տար Պաղտատի Խալիֆային: Բագրատունիները թագաւոր էին իրենց հողերուն վրայ և կը հրամայէին հայ նախարարներուն, բայց Դուինի մէջ կը նստէր նաև արաբ Ոստիկանը, որ մօտէն կը հսկէր հայ թագաւորին և իշխաններուն վրայ, որպէս զի չըլլայ թէ անոնք միանան Յոյներու հետ և վրաս հասցնեն խալիֆային:

ԴԱՍ 32. — ԱՇՈՏ Ա.Ի ՅԱԶՈՐԴՆԵՐԸ

Աշոտ Ա.ի յաջորդեց իր որդին, Ամբաս: Սակայն Պարսիկներու, Յոյներու և Արաբներու 400 տարուան տիրապետութիւնը փճացուցած էր հայ իշխանները. անոնք կորսնցուցեր էին միարան գործելու հոգին. իւրաքանչիւրը կ'ուզէր ինք թագաւոր ըլլալ, միանալով արաբ ոստիկաններուն և անոնց ծառայ դառնալով: Ատկէ զատ, Հայերու մէջ սովորութիւն էր որ հօր գահը կ'անցնէր մեծ որդին, իսկ Արաբներու մէջ գահը կ'անցնէր թագաւորական տոհմի մէջ ամէնէն երէցին: Այնպէս որ Արաբները յաճախ կ'օգնէին ոչ թէ Հայոց սովորութեան համեմատ օրինաւոր թագաւորին, այլ իրենց հասկցած ձեւով—տոհմի մէջ ամէնէն հասակաւոր կամ աւագ անդամին: Ատկէ կը ծագէին անվերջ պատերազմներ հայ իշխաններու միջև՝ զահ բարձրանալու համար:

Սմբատ երբ թագաւոր եղաւ, իսկոյն անոր դէմ ելաւ հօրեղբայրը—Աբաս սպարապետը: Աբաս քանի մը հայ իշխաններու հետ միացած, ապստամբեցաւ Սմբատի դէմ և ինքը ուզեց թագաւոր ըլլալ: Սմբատ վրայ հասաւ, յաղթեց և զերի բռնեց հօրեղբայրը:

Սմբատ վերանորոգեց հօր զաշնագիրը Լեւոն կայսեր հետ, Արաբները կասկածեցան: Աւշին ոստիկանը մեծ զօրքով մտաւ Սմբատի երկիրը: Սմբատ պատրաստ էր պատերազմի, բայց Ոստիկանը, վախնալով անոր ուժէն, քաշուեցաւ դնաց: Սմբատ սկսաւ Հայաստանի անկախ մնացած մասերն ալ իր ձեռքն առնել: Աւշին ոստիկանը կրկին զօրք առաւ և եկաւ Սմբատի վրայ, բայց լաւ ջարդ մը ուտելով, փախաւ: Այն ատեն Արաբները օգ-

նեցին Արծրունեաց փառասէր իշխաններուն և Արծրունիները իրենց հահանգին մէջ առանձին թագաւորութիւն մը հիմնեցին (908): Ատով տկարացաւ Բագրատունիներու ուժը:


Սմբատի յաջորդեց երէց որդին—Աշոտ Բ., որ իր քաջութեան պատճառով կը կոչուի Երկաթ: Աշոտ Երկաթ կատաղի պատերազմներ մղեց հայ ապստամբ նախարարներու և եճուսեֆ արաբ ոստիկանին դէմ. ամէնուն ալ յաղթեց, բայց երկիրը աւերակ դարձաւ և ժողովուրդը թշուառութեան մատնուեցաւ:

Աշոտի մահէն ետք, թագաւոր եղաւ եղբայրը—Աբաս, որ Կարս փոխադրեց իր ախոռը և խիստ ամբացուց զայն: Հոն շինեց Առաքելոյ փառաւոր եկեղեցին, որ մինչև այսօր ալ կանգուն է, բայց Ռուսերու զինուորական սաճար է դարձած: Աբասի կառավարութիւնը շատ խաղաղ անցաւ. հայ ժողովուրդը քիչ մը շունչ առաւ, ծաղկեցաւ:

Աբաս թողուց երկու որդի՝—Աշոտ և Մուշեղ: Աշոտ նստաւ հօր գահը, բայց եղբայրը չուզեց հնազանդիլ անոր. իր ընկերներուն և կողմնակիցներու հետ միացած, ապստամբեցաւ անոր դէմ և առանձին թագաւորութիւն մը հիմնեց Վանանդ զաւառին մէջ, մայրաքաղաք հռչակելով Կարսը իր ամուր բերդերով (968):

Աշոտ Գ. որ իր աթոռը հաստատած էր Շիրակ զաւառի Սնի քաղաքին մէջ, տեսնելով Արծրունիներու և իր եղբոր առանձին թագաւորութիւնները, չուզեց հետեւիլ իր հօր ու հօրեղբոր ուղղութեան: Տեսաւ որ նիրքին պատերազմները կը քանդեն Հայերու տունը, կը տկարացնեն անոնց ուժը. տեսաւ նոյնպէս որ Արաբները դիտամբ հայ մանրիկ թագաւորութիւններ կը

հիմնեն և իրարու դէմ կը հաննն: Ուստի այլ ևս չուզեց
ամէնքն ալ նուաճել պատերազմով, հանգիստ թողուց:
զանոնք և ինքն ալ նուիրուեցաւ հայրենի հողերու վրայ
ապրող խեղճ ժողովուրդին վիճակը բարելաւելու: Վե-
րանորոգեց քանդուած գիւղերն ու քաղաքները, շինեց



Ասոս Աղորմածի յաղթական կամարը

բազմաթիւ եկեղեցիներ, հիւանդանոցներ, անկեղանոցներ,
որբանոցներ. և անոնց նուիրեց մեծամեծ կալուածներ,
որպէս զի մշտական եկամուտներ ունենան: Հոգ տարաւ
աղքատներուն: Կ'ըսեն որ Աշոտ երէք սեղան չէր նըս-

տեր մինակը, այլ միշտ քանի մը աղքատներ ու մուրա-
ցիկներ կը կանչէր մասնակցելու իր ճաշին: Այդ պատ-
ճառով ալ կոչուեցաւ Աշոտ Ողորմած:

Աշոտ խելացի մարդ էր. շատ լաւ զիտէր թէ միայն
բարի գործեր կատարելով անկարելի էր ապրիլ այն ա-
տենը. թշնամիները շատ էին և զօրաւոր: Ուստի նորո-
գեց իր երկրի բերդերն ու ամրոցները, բազմացուց և
լաւ սպառազինեց իր զօրքը, որու թիւը հասաւ 90,000ի,
թէ հետեւակ և թէ ձիաւոր:

Այդ ատենները արար զօրապետ Համուռն ապըս-
տամբեցաւ Պաղտատի ամիրապետին կամ խալիֆային
դէմ. տակն ու վրայ բրաւ Միջագետքը և Ատրպատա-
կանը, յետոյ մտաւ Հայաստան: Աշոտ իր զօրքով քալեց
անոր վրայ, ջարդեց զօրքը, սպաննեց Համուռնը և ա-
պստամբութիւնը խզեց: Ատով Աշոտ թէ իր երկիրն ա-
զատեց և թէ Ամիրապետին բարեկամութիւնը շահեցաւ:

Աշոտ Գ. խաղաղ թագաւորեց 26 տարի և մեռաւ,
ձգելով երկու դաւակ, Սմբատ և Գագիկ: Սմբատ թա-
գաւորեց 13 տարի և իր հօր ճամբուն հետեւեցաւ: Ամ-
րացուց իր երկրին սահմանները, զօրացուց Անի մայրա-
քաղաքը, ուժ տուաւ երկրագործութեան, առևտուրին
ու արհեստներուն: Մէկ անգամ միայն ստիպուեցաւ
պատերազմի ելլել, այն ալ իր հօրեղբօր, Կարսի Մուշեղ
թագաւորին դէմ: Պատերազմը երկար չտեւեց. երկու
հայ իշխաններն ալ հասկցան իրենց եղբայրասպան պա-
տերազմին անմտութիւնը և հաշտուեցան:

Սմբատ Բ. ին յաջորդեց եղբայրը—Գագիկ Ա. որ
եղաւ Բագրատունիներու ամէնէն իմաստուն և մեծա-
գործ թագաւորը (990—1020 թ.): Անոր 30 տարուայ
թագաւորութիւնը անցաւ շատ խաղաղ. թշնամիները
կը վախնային անոր ուժէն. զրացի հայ թագաւորներն

ու իշխանները միշտ կը վայելէին անոր օգնութիւնները և ամէնքն ալ կը սիրէին զայն: Գազիկ իր ամբողջ ուժը նուիրեց ժողովուրդին զարգացման. բայաւ շատ մը դպրոցներ, վանքերու մէջ հաւաքել տուաւ բազմաթիւ աշակերտներ և ծաղկեցուց ուսումը, որ այն ատեն միայն կրօնական ոգի ունէր:

Բագրատունիներու այս երեք թագաւորներուն 69 տարուան խաղաղ իշխանութիւնը հանգստութեան չրջան մը եղաւ քայքայուած ու աղքատացած հայ ժողովուրդին համար: Հանգիստ կեանք ունենալով, հայ ազգը քարգաւաճեցաւ ու հարստացաւ. դպրոցները շատցան, արհեստները ծաղկեցան, առեւտուրը մեծ չափերու հասաւ և երկրագործութիւնն այնքան առաջ գնաց որ, բոլոր խոպան հողերն սկսան մշակել:

ԳԱՍ 33.— ԱՆԻ ՔԱՂԱՔԸ

Շիրակ գաւառը և Անի քաղաքը կը պատկանէին Կամսարականներու: Երբ Կամսարականները տկարացան ու աղքատացան, ծախեցին իրենց այդ կալուածը հարուստ Բագրատունիներուն: Աշոտ Բագրատունիի պսպը, Աշոտ Մասեկեր դնեց Շիրակը և հեռանալով հայրենի Սպեր գաւառէն, եկաւ բնակեցաւ Անի աւանին մէջ: Այնուհետև Անին սկսաւ ծաղկիլ ու մեծնալ և Աշոտ Ողորմածի, Սմբատ Բ. ի և Գազիկ Ա. ի օրով դարձաւ փառաւոր և հսկայ քաղաք մը:

Անին շինուած է բարձր թերակղզիի մը վրայ: Արեւելեան և հարաւային կողմէն խոր ձոր մը կ'անցնի, որու մէջէն կը հոսի Ախուրեան գետը: Արեւմտեան կողմը

կ'երկարի ուրիշ խոր ու ընդարձակ ձոր մը որ կը կոչուի Ծաղկոցաձոր: Անոր մէջէն ալ վտակ մը կը վազէ և կը թափի Ախուրեան գետը: Այդ երկու ձորերն ալ ապառաժուած են, բայց Ախուրեանի ձորը պարսպած և ժայռեր ունի, այնպէս որ այդ կողմէն պարիսպներ չինելու պէտք



Ա.ԳԻ—Մաղասաբերդ

չէ տեսնուեր: Իսկ Ծաղկոցաձորը աւելի անանցանկի ըլլալով, հոն չինուած են զոյգ պարիսպներ:

Քաղաքի հիւսիսակողմն ալ փոքր ձոր մը կայ՝ որ կը կոչուի Գայրաձոր, իսկ մնացած մասը հիւսիսէն բաց է, տափարակ դաշտ մը Ախուրեանէն մինչև Ծաղկոցաձոր: Այդտեղ ալ Բագրատունի թագաւորները շինել տուած են երկու շարք բարձր և հաստ պարիսպներ՝ տաշուած, կարմիր քարերէ: Պարիսպները տեղ-տեղ կը բարձրանան

և կոր ձև առնելով, կը կազմեն աշտարակներ: Աշտարակները ունին բազմաթիւ մանրիկ պատուհաններ, որոնց մէջէն հայ զինուորները նետեր կ'արձակէին քաղաքը պաշարող թշնամիին վրայ: Այժմ կը տեսնուին 11 մեծ դուռներու հետքեր: Այդ դուռներէն մէկը կը կոչուէր Աւագ Դուռ, միւսը Դունայ Դուռ և այլն: Աւագ դրան դէմ, երկրորդ պարսպին վրայ փորագրուած է մեծ առիւծը:

Անին կը կոչուէր «Հազարուամէկ Եկեղեցիներու» քաղաք: Այդ բազմաթիւ եկեղեցիները շինել են տուած Աշտ Ողորմած, Սըմբատ Բ. և Գագիկ Ա.:



Գագիկ Ա.ի արձանը

բերդ, իսկ ատոր ալ ամէնէն բարձր ու անմատչելի մասը, թերակղզիի ժայռուտ ծայրը կը կոչուէր Աղջկանց Բերդ:

Սքանչելի գեղեցկութիւն ունին Մայր Եկեղեցին,

Սըմբատ Բ. և Գագիկ Ա.: Այժմ կանգուն են պարիսպներու մեծ մասը և քանի մը եկեղեցիներ պալատներ, թանգարան մը, արաբական մզկիթ մը և ուրիշ շէնքեր, բոլորն ալ աւերակ վիճակի մէջ: Քաղաքի հին մասը, որ ուրիշ զոյգ մը պարիսպներով կը բաժնուէր նոր ու ընդարձակ մասէն, կը կոչուէր Միջնա-

Առաքելոց, Լուսաւորչի, Ս. Գրիգոր Ապուղամբենցի եկեղեցիները, որոնք այժմ ալ կէս մը կանգուն են: Կանգուն է նաև Բագրատունիներու փառաւոր պալատը Ծաղկոցաձորի ափին, իսկ անկէ քիչ մը արեւելա-հարաւ սքանչելի թանգարանը: Փրօֆէսոր Մար պեղումներ կատարելով, Միջնաքերդին մէջ գտած է Գագիկ Ա.ի շինել տուած Ս. Լուսաւորիչ հոյակապ եկեղեցիին հիմերը, և Գագիկի արձանը:

Թէ Մայր Եկեղեցին և թէ շատ մը ուրիշ շէնքեր կառուցած է Տրդատ անուանով ճարտարապետ մը: Անիի շէնքերը շինուած են հայկական ոճով, կը նմանին մաս մը Արաբներու, մաս մըն ալ հին Բիւզանդիոնի շէնքերուն:

ԴԱՍ 34. — ՅՈՎՀԱՆՆԷՍ-ՍՄԲԱՏ. — ՍԵՆՃՈՒՔԵԱՆ ԱՐՇԱԽԱՆՔԸ. — ԱՐԾՐՈՒՆԻՆԵՐՈՒ ԹԱԳԱԻՈՐՈՒԹԵԱՆ ՎԱԽՃԱՆԸ. — ԱՆԻԻ ՎԱՃԱՌՈՒՄԸ

Գագիկ Ա. մեռաւ 1020ին և թողուց երկու որդի, Յովհաննէս-Սմբատ և Աշտ:

Առաջինը թոյլ, վախկոտ և զինուորական գործերու անտեղեակ մէկն էր, երկրորդը՝ կարիճ, ճարտար և հնարամիտ երիտասարդ մը: Բայց թագաւոր եղաւ անդրաշիկը, Յովհաննէս-Սմբատ. և այդ օրուրէն արդէն հանգիստն ու խաղաղութիւնը անհետացան Հայաստանէն:

Երկու եղբայրներու միջև երկար պատերազմներ ծագեցան գահի համար. շատ արիւն հոսեցաւ, մինչև որ Պետրոս Գետադարձ կաթողիկոսը և Վրաց Գիորգի թա-

գաւորը հաշտեցուցին երկուքը: Յովհաննէս-Սմբատ թագաւորեց Անիի և չրջականերուն վրայ, իսկ Աշոտ՝ Պարսկաստանի և Վրաստանի սահմանակից նահանգներուն վրայ: Սակայն ատով չվերջացաւ երկու եղբայրներուն կռիւը: Աշոտ քանի մը անգամ դաւեր լարեց իր աւագ եղբոր դէմ, որպէս զի գահը խլէ անոր ձեռքէն, բայց չյաջողեցաւ:

Երբ երկու հայ եղբայրները սկսան իրարու դէմ դաւեր լարել, նոր փորձանք մը ծագեցաւ Հայաստանի զլխուն, ինչպէս 400 տարի առաջ արաբական փորձանքն էր պայթած:

Միջին Ասիոյ տափաստաններէն Սելճուքեան կոչուած թուրք ցեղ մը, նեղուելով իր դրացի ցեղերէն, Հասան պէյի առաջնորդութեամբ փախաւ իր հայրենիքէն և արշաւեց դէպի հարաւ-արեւելք, նոր հայրենիք փնտռելու: Սելճուքները կը գաղթէին իրենց քառանիւ սայլերով, ու անով-տեղով: Կին ու երախայ, կահ-կարասիներ ու ստացուածք կը լեցնէին այդ սայլերու կամ վաջկներուն մէջ. զինուած այդ մարդերը սայլերու կարաւանին չորս կողմը պաշարած, իրենց հօտերն ալ մէջերնին առած, կ'երթային նոր երկիրներ: Այս փայլասուն ցեղը կը կուռէր կասաղօրէն: Այրերու հետ յաճախ կը կուռէին կիներն ալ:

Սելճուքները կտրեցին անցան ամբողջ Պարսկաստանը և մասն Միջագետք: Պաղտատի ամիրապետները այնքան ուժ չունէին որ դիմադրէին անոնց բարբարոս ու կատաղի խումբերուն: Արաքներու մեծ խալիֆայութիւնը տկարացած, մահուան դուռն էր հասած, երկրին ներսը անվերջ ներքին կռիւներ կը տիրէին:

Հասան կը մեռնի և տեղը կը նստի Տուղրիլ պէյ: Սա իր խառնիճազանճ գունդերը Միջագետքէն կը նե-

տէ Հայաստանի վրայ: Առաջին հարուածը կը հասնի Վասպուրականի Սենեքերիմ թագաւորին: Տուղրիլ կատաղի ճակատամարտ մը կուտայ Արծրունիներու թագաւորութեան զօրքերուն: Հայերը կը կուռին մեծ քաջութեամբ, բայց կը յաղթուին թշնամիին անհամար ու կատաղի բազմութենէն: Աւերելով Վասպուրականը, Տուղրիլ կ'անցնի Յովհաննէս-Սմբատի հողերը: Հոս ալ Հայերը մեծ եռանդով կը կուռին, բայց կը յաղթուին: Տուղրիլ հոն ալ աւերածութիւններ ու կողոպուտներ գործելով, կ'անցնի Պարսկաստան:



Տուղրիլ

Արաքներէն խլելով ամբողջ Պարսկաստանը, Տուղրիլ կը վերականգնէ պարսիկ պետութիւնը և ինքը կ'ըլլայ անոր արքայից-արքան կամ շահին-շահը: Սակայն այլ ևս արեւապաշտ կամ կրակապաշտ չէր նոր Պարսկաստանը, այլ մահմէտական:

Վասպուրականի Սենեքերիմ թագաւորը կը զգայ որ Սելճուքները նորէն պիտի յարձակին իր երկրին վրայ և այս անգամ պիտի գրաւեն. կը զգայ նոյնպէս որ ինքը չպիտի կրնայ դիմադրել անոնց պէս անարկու դրացիի մը, և կ'առաջարկէ Յոյներու կայսր Վասիլ Բ.ին առնել Վասպուրականը և իրեն տալ Սեբաստիա քաղաքը իր չրջականերով: Կայսրը ուրախութեամբ կը համաձայնի և Սենեքերիմ 1021ին իր ամբողջ սոււնով, իշխաններով ու զօրքով կը տեղափոխուի հոն:

Այդ միջոցին Յունաց Վասիլ կայսրը մեծ զօրքով կ'արշաւէ Վրաց Գէորգի թագաւորին վրայ: Յովհաննէս-Սմբատ մեծ օգնութիւն էր ընծայած Գէորգիին, ասոր համար սաստիկ կը վախնար Յոյներու յարձակումէն: Անիի թագաւորը, խորհրդակցելով Պետրոս Գետադարձ կաթողիկոսին հետ, թուղթ մը կը գրէ Վասիլ կայսեր, որով Անին կը կտակէ Յոյներուն, միայն իր մահէն վերջ, եթէ այժմ կայսրը հանգիստ թողու զինքը: Այդ թուղթը կը կոչուի Յեկխար: Կաթողիկոսը թուղթը կը տանի կայսեր. ան ալ կարդալով և իմանալով այդ անակնկալը, կ'ուրախանայ և զօրքը քաշելով, կը հեռանայ Հայոց սահմաններէն:

Կը մեռնի Վասիլ կայսրը և իրեն կը յաջորդէ Կոստանդինը: Աս ալ մահուան անկողնին մէջ իր քով կը հրաւիրէ հայ ծանօթ քահանայ մը՝ որ յարաբերութիւններ ունէր կաթողիկոսարանի հետ և անոր տալով Անիի յետկարը, կ'ըսէ.

— «Տար այս թուղթը, տուր քու թագաւորիդ և ըսէ անոր իմ կողմէն՝ թէ ինչպէս ամէն մահկանացու, ես ալ յաւիտենականութեան սեմին վրայ եմ կայնած և չեմ ուզեր յախշտակել ուրիշի մը սեփականութիւնը. թող ուրեմն ետ առնէ իր թագաւորութիւնը և իր ժառանգին տայ» (1029):

Կիրակոս քահանան կ'առնէ յետկարը, կը պահէ իր քով և հինգ տարի վերջը մեծ գինով կը վաճառէ Միքայէլ Ե. կայսեր:

ԳԱՍ 35. — ՆԱԽԱՐԱՐԱԿԱՆ ԵՐԿՈՒ ԿՈՒՍԱԿՅՈՒ-ԹԻՒՆՆԵՐԸ. — ԳԱԳԻԿ Բ. — ԱՆԻ ՅՈՅՆԵՐՈՒՆ ԿԸ ՏՐՈՒԻ

Մեռաւ Յովհաննէս-Սմբատը (1040): Գիչ առաջ մեռած էր անոր եղբայր Աշոտը, ձգելով 14 տարեկան մանչ դաւակ մը, Գագիկ: Պետութեան խնամակալ նշանակուեցաւ Վեստ Սարգիս Սիւնին, իսկ զօրքերու սպաքապեան էր Վահրամ Պահլաւունի նախարարը:

Վեստ Սարգիսի ձեռքն էին սէրութեան գանձերն ու բերդերը: Ան փառամոլ և խորամանկ մարդ մըն էր և իր շուրջը հաւաքած էր շատ մը կողմնակիցներ: Վեստ Սարգիս կ'ուզէր ինքը թագաւոր ըլլալ, իսկ եթէ չյաջողէր, գո'նէ չէր ուզեր Անին տալ Սեղձուքներու, այլ կը ցանկար յանձնել քրիստոնեայ Յոյներուն: Իսկ Վահրամ և իր կուսակիցները կ'ուզէին անպատճառ գահ նստեցնել Աշոտի որդի պատանի Գագիկը և պահպանել հայկական թագաւորութիւնը:

Այս երկու իշխանական կուսակցութիւններն անվերջ կռիւներ և վէճեր ունէին իրարու հետ, երբ Միքայէլ Ե. կայսրը մարդ զրկեց և պահանջեց Անին իր չրջականերով: Հայ իշխանները վայրկեան մը միարանեցան և մերժեցին Յոյներու պահանջը, բայց կռիւները նորէն ծայր տուին: Կատուեցաւ Միքայէլ կայսրը և մէկ քանի անգամ զօրք զրկեց որ գրաւէն Անին: Իր զրկած չորս բանակներն ալ ինկան, ջարդուեցան ու ցիր ու ցան եղան Վահրամ սպարապետի փոքրիկ բանակին առջև: Վեստ Սարգիս և իր կուսակիցները կորսնցուցին իրենց ուժը. Անիի ընակիչները ոգեւորուեցան և բոլորն ալ անցան Վահրամի կողմը:

Վահրամեանները իսկոյն բերել տուին Գագիկը և 1042ին Պետրոս Գետադարձ կաթողիկոսը օծեց զայն Հայոց թագաւոր, Գագիկ Բ. անունով :

Վեստ Սարգիս տեսաւ որ իր ծրագիրը ջուրը ինկաւ : Եւ ահա քաշուեցաւ Անիի միջնաբերդը, դուռները զոցեց և ամրացաւ : Գագիկ մինակը, առանց զօրքի մտաւ խնամակալին բերդը և համոզեց որ հեռանայ : Վեստ Սարգիս քաշուեցաւ և ամրացաւ Մասիսի մօտերը, Սուրմաուի բերդը . հետն առած պետութեան գանձերը և բերդերու բանալիները, ապստամբեցաւ Հայոց թագաւորին դէմ : Գագիկ քիչ մը զօրք առաւ,



Անիի պաշտպանութիւնը

զաւորն հետն առաւ Վահրամ Պաճաւունիի եղբորորդին՝ Գրիգոր Մագիստրոսը և քաղեց Սեյճուքներու վրայ, որոնք Հայաստանի քանի մը մասերուն տիրած էին . խորտակեց անոնց ուժը և վտարեց զանոնք իր երկիրներէն :

Սակայն երիտասարդ ու անփորձ թագաւորը չուտով խարուեցաւ Վեստ Սարգիսի կեղծաւոր լեզուէն, ազատեց զայն բանտէն և դարձուց իր խորհրդականը :

զնաց զրաւեց անոր բերդը, խլեց ձեռքէն արքունի գանձերը, առաւ բերդերու բանալիները, զինքն ալ ձերբակալեց և Անի բերելով, բանտը նետեց : Կտրիճ ու եռանդուն թա-

Ու շատ չանցած, Վեստ Սարգիս թագաւորը զժտեցուց Գրիգոր Մագիստրոսի և միւս Վահրամեաններու հետ :

Այս ներքին կռիւներու պահուն, մեռաւ Միքայէլ կայսրը և իրեն յաջորդեց Կոստանդին Մոնոմախոսը : Այս վերջինը նորէն մարդ զրկեց և Անին պահանջեց : Բայց մերժում ստանալով Հայերէն, կայսրը երկու անգամ մեծ բանակներ զրկեց Հայերուն վրայ : Կ'ըսուի թէ Վեստ Սարգիսը ինք նամակով խորհուրդ էր տուած յոյն կայսեր՝ այդպէս վարուելու : Գագիկ քաջութեամբ ելաւ Յոյներուն դէմ, երկու անգամ ալ խորտակեց անոնց բանակները :

Մոնոմախոս, Վեստ Սարգիսի խորհուրդով, զիմեց խորամանկութեան, երբ տեսաւ որ չպիտի կրնայ ուժով յաղթել : Հրաւեր զրկեց Գագիկին և խնդրեց զալ Կ. Պոլիս՝ զաշն կապել և մշտական յարաբերութիւն հաստատել : Գագիկ կասկածի մէջ ինկաւ և չէր ուզեր երթալ : Վեստ Սարգիս, Պետրոս Գետադարձ և ասոնց մարդիկը կը խրախուսէին և կը համոզէին թագաւորը որ երթայ : Ի զուր Վահրամեանները կը յորդորէին զգոյշ մնալ, չհաւատալ երկրի ներքին ու արտաքին թշնամիներուն : Գագիկ խաբուեցաւ կաթողիկոսի և Վեստ Սարգսեաններու խօսքերէն և դնաց, քաղաքին բանալիները յանձնելով Պետրոս կաթողիկոսին :

Մոնոմախոս նախ շատ մեծ պատիւներով ընդունեց զայն, իսկ յետոյ սկսաւ պահանջել Անին, Երբ Գագիկ մերժեց, այն ատեն կայսրը զայն աքսորեց կղզի մը, և ստիպեց որ հրաժարի իր գահէն : Գաղիկ չհրաժարեցաւ : Երբ այդ լուրը հասաւ Անի, իշխանները սկսան խորհրդակցել թէ ի՞նչպէս վարուին : Սակայն Պետրոս կաթողիկոս և Վեստ Սարգիսը Անիի 40 բանալիները յանձնեցին Յոյներուն, մեծ կաշառք մը ստանալով կայսրէն :

Երբ Գաղիկ լսեց որ իր իշխաններն ու կաթողիկոսը դա-
 ւաճաններ են, յուսահատելով հրաժարեցաւ իր գահէն
 1045ին և Անիի փոխարէն ստացաւ Կապադովկիայի Բի-
 զու քաղաքը: Հոն ամուսնացաւ Սերաստիոյ Դաւիթ
 Արծրունի թագաւորին աղջկան հետ:

Բանալիներն ստանալով, կայսրը խփոյն մեծ բանակ
 մը ղրկեց, որպէս զի երթայ ստանայ իր նոր կալուած-
 ները: Սակայն Վահրամեանները փակեցին դուռները և
 անձնատուր չեղան: Յոյները չկրցան քաղաքը գրաւել.
 պաշարումը վերցուցին ու սկսան հտ քաշուիլ: Այդ
 պահուն հասաւ Գաղիկի հրաժարման լուրը: Վահրամ-
 եանները բացին քաղաքին դուռները և հրաւիրեցին հե-
 ուացող Յոյները՝ գալ տիրել իրենց փառաւոր մայրաքա-
 ղաքին: Այնուհետև Յոյներն սկսան հալածել Հայերը:
 Նախ բռնեցին Պատրոս Գետաղարձը և կապելով Կ. Պո-
 լիս բերին: Բոլոր նշանաւոր հայ իշխանները կա՛մ բան-
 տերուն մէջ մեղուցին, կամ դաւաճանօրէն թունաւո-
 րեցին, որպէս զի ժողովուրդը մնայ առանց առաջնորդ-
 ներու: Ժողովուրդին վրայ ալ սաստիկ ծանր հարկեր
 դրին: Այս միջոցներով անոնք կ'աշխատէին ոչնչացնել
 հայ ազգութիւնը, յունացնել լոյրը:

Կան զօրքը անարգել գրաւեց հայ երկրի մէկ քանի մա-
 սերը: Կարճ ատեն մը դիմադրեցին քանի մը բերդա-
 քաղաքներ, ինչպէս Սմբատաբերդ, Արծն և այլն, բայց
 անոնք ալ ինկան, որովհետև Յոյները ամենեւին չօգնե-
 ցին իրենց հաւատարիմ հպատակ Հայերուն:

Սելճուքները աւարի տուին իրենց գրաւած բոլոր
 տեղերը, մարդիկը սուրէ անցուցին, գիւղերն ու քա-
 ղաքները կրակի տուին ու ինչ որ կրցան՝ կործանեցին:
 Երբ քիչ մը մօտեցան յունական հին դաւառներուն, այն
 ատեն Յոյները 60,000 զօրքով կլան Սելճուքներու դէմ:
 Յոյներուն միացան հայ իշխաններ (Գրիգոր Մագիստրոս)
 և վրաց թագաւորը: Բայց Սելճուքները յաղթեցին և
 Վրաց թագաւորն ալ գերի տարին:

Այդ ալ բաւական չտեսնելով, Տուղրիլ անձամբ մտաւ
 Հայաստան. գրաւեց դեռ ազատ մնացած մասերը և
 արիւնով ներկեց ամբողջ երկիրը. սուրը, կողոպուտը
 և կրակը անձարձակ կը տիրէին ամէն կողմ: Կենդանի
 մնացածներու մէկ մասն ալ գերի տարուեցան Պարսկաս-
 տան: Տուղրիլի դիմադրեց և ազատեցաւ Մանաղկերս
 քաղաքը:

Տուղրիլի մահէն ետքը՝ անոր եղբայր՝ Ալփասլանը
 քալեց Անիի վրայ. որ մինչ այդ ազատ էր մնացած:
 Քաղաքը քաջութեամբ դիմադրեց: Պարսպին մէկ մասը
 քիչ մը քանդուեցաւ, բայց դեռ անկարկի էր գրաւել:
 Վերջապէս 1064ին առաջին անգամ Անին առնուեցաւ:
 Փողոցները և Ախուրեանը ներկուեցան բնակիչներու
 արիւնով: Թշնամին աւարի տուաւ ամբողջ քաղաքը.
 կործանեց հոյակապ շէնքերու մեծ մասը, բնակիչները
 թաղելով անոնց փլատակներուն տակ:

Կարսի Գաղիկ թագաւորը տեսնելով Սելճուքեան
 սոսկալի վտանգը, իր երկիրը տուաւ Յոյներուն (1065),

ԴԱՍ 36. — ՍԵԼՃՈՒՔՆԵՐՈՒ ՏԻՐԱՊԵՏՈՒԹԻՒՆԸ. —
 ՀԱՅ ԻՇԽԱՆՈՒԹԻՒՆՆԵՐՈՒ ՎԱԽՃԱՆԸ

Տուղրիլ պէյ դարձաւ Պարսից Շահ կամ Սուլթան,
 հաստատեց իր գահը, ամրապնդեց և կլաւ աշխարհակա-
 լութեան: Լսելով որ Յոյները տիրած են Հայաստանի,
 խփոյն զօրք ղրկեց անոնց դէմ: Եօթը տարի Սելճուք-


անոնցմէ ստացաւ Փոքր Հայքի Ծմնդաւ բերդը և հոն փոխադրուեցաւ իր ընտանիքով ու զօրքով: Այսպէս վերջացան հայ թագաւորութիւնները:

Երկրորդ անգամ եկաւ Ալիսապլան, տիրեց ամբողջ Հայաստանի, գրաւեց Կարսը, Կարինը, Բաբերդը. Սեբաստիան ու Կեսարիան: Յոյները մեծ բանակով ելան անոր դէմ, բայց ջարդուեցան և Ռոմանոս Դիոգինէս կայսրն ալ զերի ինկաւ: Սելճուքները անցան Յոյներու գաւառները և հասան մինչև Իկոնիա քաղաքը: Հոն հաստատուելով և ամրանալով, դարձան սպառնալիք Յոյներու գլխուն, որովհետև Իկոնիան քանի մը օրուան ճամբայ է Կ. Պոլսէն:

Ալիսապլանի որդին, Մելիք-Շահ լաւ վարուեցաւ Հայերուն հետ: Անոր օրով Սելճուքներու իշխանութիւնէն բաժնուեցաւ մէկ ճիւղ մը, որ իրեն մայրաքաղաք ընտրեց Իկոնիան: Այդ նոր սուլթանութիւնը կոչուեցաւ Ռումի (Հոռոմի, Յոյնի) սուլթանութիւն:

Գագիկ Բ. ալ երկա՛ր տարիներ թափառեցաւ, ուզեց վերստանալ իր կորուսած գահը. բայց անձնար եղաւ: Յոյները սպաննեցին զայն և թունաւորեցին անոր երկու որդիներն ու մէկ թուր, որով բոլորովին ոչնչացաւ Բագրատունիներու ցեղը:

ՌՈՒԲԻՆԵԱՆ ՀԱՐՍՏՈՒԹԻՒՆ



ԴԱՍ 37. — ՀԱՅԵՐՈՒ ԳԱՂԹԸ,

ՌՈՒԲԻՆԵԱՆ ԻՇԽԱՆՈՒԹԵԱՆ ԾԱԳՈՒՄԸ

Յուսահատած կրակապաշտ Պարսիկներու, կրօնամոլ Յոյներու, մահմէտական Արաբներու և բարբարոս Սելճուքներու հալածանքներէն, բազմաթիւ Հայեր կը հեռանային իրենց երկրէն, կը գաղթէին աւելի ապահով տեղեր: Ծատեր գացին դէպի Սև Ծովու ափերը, դէպի Կ. Պոլիս և ուրիշ քաղաքներ, ուր ե՛լ աւելի հանգըստութիւն կար, ե՛լ աւելի առևտուր:

Սակայն Արաբներու և մանաւանդ Սելճուքներու կործանարար արշաւանքներու ատեն, բազմաթիւ Հայեր ալ անցան յունական կայսրութեան երկիրները և հոն բնակութիւն հաստատեցին լեռնոտ և անմերձեկնալի տեղերու մէջ: Կը գաղթէին ոչ միայն հասարակ գիւղացիներ ու քաղաքացիներ, այլ և հայ իշխաններ:

Արաբներու օրով հայ գաղթականները խիստ շատցեր էին Տաւրոսի լեռներու և մանաւանդ անոր մէկ ճիւղին — Սմանոս կամ Սեաւ լեռան վրայ: Հայերն այդ կողմերն այնչափ էին աճեր, որ իրենց թիւով կրնային մրցիլ տեղացի յոյն բնակիչներու հետ: Անոնք հոն շիներ էին բազմաթիւ վանքեր, ուր հաւաքելով հայ մանուկներ, կարդալ-գրել կը սորվեցնէին: Հետզհետէ այդ վանքերու շուրջ հիմնուեցան հայ գիւղեր, ուր հաստատուեցան հայ իշխաններ, ախրելով չըջակայ հողերուն և բերդերուն:

Բիւզանդիոնի կայսրերը ուրախ էին որ իրենց սահ-

մաններուն վրայ այդ տեսակ մանր իշխանութիւններ կը հիմնուէին, որովհետեւ անոնք այդ սահմանները կը պաշտպանէին արարական և ուրիշ մահմէտական ցեղերու յարձակումներէն:

Հոն հաստատուած հայ իշխաններէն նշանաւոր էին Գող Վասիլ, որ տիրած էր Քեսուռի բերդին, Օշին՝ Արցախէն գաղթած, որ խլր էր Լամբրոնը մահմէտականներէն. անոր եղբայրը՝ Բաղունի որ տիրած էր Տարսան քաղաքին, Ապիրատ, Մովք ամուր դղեակի իշխանը Եփրատի ափերուն վրայ. վերջապէս՝ Գագիկ Բ. ի ազգական Ռուբէն իշխանը-Գուռմդէլ ամուր գիւղին տէրը, Բարձր Բերդի չրջանին մէջ:

Ռուբէն հոն հաստատուեցաւ 1080ին: Անոր բնակութեան տեղի դիրքը խիստ ամուր և անտոյկ էր, չորս կողմն ալ հոծ հայութիւն մը կար հաստատուած: Երջակայ Հայերէն բոլորն ալ մտան Ռուբէնի դրօշակին տակ: Ռուբէն մաքրեց այդ կողմերը Յոյներէն և ամրացուց իր իշխանութիւնը: Երջակայ հայ իշխանները զայն ճանչցան իբրև իրենց ղլխաւորը և աւելի ուժ տուին անոր: Տասնհինգ տարի Ռուբէն իմաստութեամբ իշխեց իր փոքրիկ երկրին և անոր անունով իր իշխանութիւնը կոչուեցաւ Ռուքիլեանց իշխանութիւն կամ Հարսուքիւն:

Ռուբէնի որդին, Կոստանդին ալ (1095) Յոյներէն խլեց քանի մը ամուր բերդեր, ընդարձակեց իր երկիրը և աթոռն ալ Գուռմդուլէն տեղափոխեց Վախկա ամուր բերդը:

Կոստանդինի օրով Եւրոպայէն սկսան դէպի արեւելք արշաւել բազմաթիւ քրիստոնեայ իշխաններ իրենց զօրքերով: Անոնք կուգային մէկ մէկ իրազ կապած իրենց թիւերուն վրայ և այդ պատճառով կը կոչուէին իրազակիրներ: Այդ ևւրոպացի իշխանները կ'երթային Երուսա-

ղէմը ազատկու մահմէտականներու ձեռքէն: Անոնք եկան, դուրս հանեցին մահմէտականները Պաղեստինէն և Սուրիայէն և հոն հիմնեցին նոր ու քրիստոնեայ իշխանութիւններ: Հայերը այդ նոր իշխանները կ'անուանէին Լաշիկ, որովհետեւ ամէնքն ալ կաթոլիկ էին:

Կոստանդին այդ Լատիններուն ճամբայ ցուցուց, պաշար ձարեց անոնց համար և շատ օգնեց անոնց՝ մահմէտականներուն դէմ: Անոնք ալ իրեն տուին մարտիկ իշխանական արտոյտը:

ԳԱՍ 38.—ԿՈՍՏԱՆԴԻՆԻ ՅԱՋՈՐԳՆԵՐԸ.— ԼԵՒՈՆ Բ.

Կոստանդինի յաջորդեցին Թորոս Ա., Լեւոն Ա., Թորոս Բ., Մլեհ և Ռուբէն Բ. իշխանները, որոնք ընդարձակեցին իրենց իշխանութիւնը: Լեւոնը գրաւելէ և ամրացնելէ ետք, անոնք եկան դաշտային Կիլիկիա և արեւելեան մինչև ծով: Յուսկան կայսրութիւնն շատ սկաւրացած էր այդ միջոցին: Մահմէտական Սելճուքները և Արաբներն ալ զօրաւոր չէին. անոնք ունէին բազմաթիւ մանր իշխանութիւններ, որոնք իրարու դէմ անվերջ կռիւներ կը մղէին: Եւ յետոյ, լատին խաչակիրները հիմներ էին քանի մը քրիստոնեայ իշխանութիւններ, այնպէս որ Ռուբինեանները մեծ երկիւղ չունէին ոչ մահմէտականներէն, ոչ ալ միւսներէն:

Ռուբէն Ա. ի օրէն հազիւ 100 տարի անցած, Հայերը արեւելեան Տաւրոսի լեռներէն մինչև Միջերկրական ծովը տարածուող բաւական ընդարձակ երկրին, հոն չինեցին բազմաթիւ բերդեր, քաղաքներ և նոյնիսկ նաւահանգիստներ:

1185ին Ռուբինեանց գահը բարձրացաւ Լեւոն Բ., Ռուբէն Բ.ի եղբայրը: Դեռ նոր գահ ելած էր Լեւոն, երբ իրարու ետեւէ Կիլիկիոյ վրայ քաղեցին Իկոնիոյ, Հալէպի (Բերիոյ) և Դամասկոսի մահմէտական սուլթանները: Լեւոն յարձակեցաւ նախ Իկոնիոյ, յետոյ Հալէպի և Դամասկոսի սուլթաններուն վրայ, խորտակեց ու փախցուց անոնց զօրքերը և քանի մը քաղաքներ ալ գրաւելով անոնց երկիրներէն, միացուց Կիլիկիոյ:

Նոյն միջոցին Եւրոպայէն եկած լատին իշխանները ներքին մեծ կռիւներու մէջ էին: Այդ դժտութիւններէն օգտուեցաւ Եգիպտոսի սուլթան Սալահէտտինը, որուն համար կ'ըսեն թէ Հայաստանէ գաղթած Բիւրառ մըն է: Մեծ զօրութիւնով քաղեց Լատիններու վրայ, յաղթեց անոնց և Պաղեստինն ու Երուսաղէմը իւրեց անոնց ձեռքէն (1187):

Յնցուեցան Եւրոպայի քրիստոնեայ իշխանները: Հռոմի պապը Սաչակիրներու նոր արչաւանք մը քարոզեց: Քրիստոնեայ զօրքին գլուխ անցաւ Գերմանիոյ Ֆրեադրիկ Շիկամօրուս (Բարբարոսա) կայսրը: Մօտենալով Կիլիկոյ սահմաններուն, կայսրը մարդ զրկեց Լեւոնի և օգնութիւն խնդրեց Մահմետականներուն դէմ. փոխարէն կը խոստանար արքայական թագ: Լեւոն իսկոյն մեծ պաշար զրկեց Սաչակիրներուն, ուղեցոյցներ տուաւ անոնց և ինքն ալ իր շքախումբով աճապարեց կայսեր տեսութեան: Կայսրը Կալիկաանոս գետին մէջ լողացած ատեն խեղդուեցաւ և Լեւոն չկրցաւ տեսակցիլ:

Ֆրեադրիկի մահը պատճառ եղաւ որ Լեւոնի թագաւոր հռչակուեմը ուշանայ: Անոր յաջորդը, Հէնրիկոս Զ. կայսրը, Հռոմի պապին հետ խորհրդակցելով, Լեւոնին զրկեց արքայական թագ մը և առիւծանշան դրօշ մը:

1198ի Ծնունդին օրը Տարսոնի մայր եկեղեցիին մէջ



Լ. Եւոն Բ. քաղաւոր


Լեւոն Բ. փառաւոր հանդէսով թագաւոր օծուեցաւ Գրիգոր Զ. կաթողիկոսին ձեռքով: Տարի մը ետքն ալ Բիւզանդիոնի կայսրը թագ զրկեց Լեւոնին և ճանչցաւ Հայերու անկախ թագաւորութիւնը:

Այնուհետև Լեւոն իր թողը փոխադրեց Սիս ու ամբողջ կարողութիւնը նուիրեց պետութեան բարեկարգման: Ան Բագրատունիներու պէս չփորձեց վերահաստատել Արշակունիներու կարգերը. իր

առջև կային եւրոպական շատ լաւ կարգեր: Ամէն ջանք թափեց իր պետութիւնը նմանցնելու լատին կամ եւրոպական պետութիւններուն: Հրաւիրեց շատ մը անգլիացի, ֆրանսացի, գերմանացի և իտալացի ձեռնհաս անձեր և անոնց պաշտօններ տուաւ իր պալատին, կառավարութեան և զօրքին մէջ: Բացաւ բաղմաթիւ դպրոցներ և անոնց մէջ ուսուցիչ նշանակեց թէ հայ և թէ եւրոպացի կրթուած անձեր: Հիմնեց կանոնաւոր դատարաններ, սահմանեց հարկերու ու տուրքերու չափը: Իր անունով հայերէն դրամ կարեց: Իբր մարդասէր, բարերար և մեծագործ մարդ, բացաւ աղքատանոցներ, որբանոցներ, անկիւանոցներ, առատ եկամուտներ յառակացնելով անոնց համար:

Լեւոնի մեծագոյն հօգերէն մէկը եղաւ երկրագործութեան, արհեստներու և առևտուրի զարգացումը:

Իր կրկրի վաճառականութիւնը ծաղկեցնելու համար, մեծ արտօնութիւններ տուաւ Եւրոպայի վաճառականներուն, մանաւանդ ձեռնովացիներուն և վենետիկցիներուն:



Լեւոն Բ.ի դրամներ

Ծաղկեցաւ, հարստացաւ ու զօրացաւ Կիլիկիան Լեւոն Բ.ի ՅՃամեայ թագաւորութեան օրով:

Լեւոն ունեցաւ շատ մը պատերազմներ թէ մահմետականներու և թէ Սուրիոյ լատին իշխաններուն դէմ, բայց միշտ յաղթող հանդիսացաւ:

Լեւոն Բ. մնաւ 1219ին: Հայ պատմագիրները անոր տուած են Լեւոն Մեծագործ անունը:

ԳԱՍ 39. — ԶԱՊԷԼ, ՀԵԹՈՒՄ Ա. ԵՒ ԼԵՒՈՆ Գ.

Լեւոն Բ.ի օրով Կիլիկիան սերտ յարաբերութեան մէջ մտաւ արեւմտեան ազգերու հետ, որոնք բոլորն ալ կաթոլիկ էին: Ինչպէս կրակապաշտ կամ արեւապաշտ Պարսիկները և յետոյ Յոյները մեծամեծ հալածանքներ հանեցին Հայերու դէմ, որպէս զի զանոնք զարձնեն իրենց կրօնին, նոյնպէս Լեւոն Բ.ի օրով ու անկէ յետոյ երկար

ատեն Հռոմի Պապերը ամէն ճիգ թափեցին կաթոլիկ զարձնելու Հայերը: Անոնք միշտ կը խոստանային օգնել



Ռուբինեան ձիաւոր

Հայերուն, խաչակիրներու նոր արշաւանք սկսիլ Հայերու թշնամի մահմէտականներուն դէմ, բայց միշտ կը պահանջէին նախ կաթոլիկութիւնն ընդունիլ, ապա յոյս դնել Պապերու վրայ: Եղան հայ թագաւորներ, իշխաններ, կաթողիկոսներ ու եպիսկոպոսներ, որոնք հակեցան կաթոլիկութեան, միայն թէ փրկէին Կիլիկիան: Բայց տեսնուեցաւ որ Հռոմի Պապն ալ կորսնցուցեր է իր առաջնուան ազդեցութիւնը. այլ ևս անոր չէին լսեր կաթոլիկ իշխաններն ու ասպետները:

Այդ միջոցին Հայերու մէջ երևացին լատին կրօնաւորներ, որոնք ամէն կերպ կ'աշխատէին ոչնչացը-

նել Հայ Եկեղեցին, զայն միացնել կաթողիկ եկեղեցիին հետ: Ասոր համար անոնք կոչուեցան Ունկրոսներ, կամ միացնողներ: Բայց անոնք շատ աննշան յաջողութիւն ունեցան Հայերու մէջ. մինչև այսօր ալ կաթողիկ Հայերու թիւը շատ նուազ է:

Լեւոն Բ. մանչ զաւակ չունէր, ուստի գահաժառանգ նշանակեց իր դեռահաս աղջիկը, Զապէլը, անոր վրայ խնամակալ դնելով Ատոմ Պայը և Կոստանդին աւագ-պարոնը: Ասոնք ալ ամուսնացուցին Զապէլը Անտիոքի լատին թագաւոր Փիլիպպոսի հետ, առաջուց պայման դնելով որ պիտի օծուի հայ ծէսով, պիտի վարուի հայ սովորութիւններու համեմատ և անազարտ պիտի պահպանէ Հայ Եկեղեցին: Բայց Փիլիպպոս դաւաճանեց իր խօսքին: Կոստանդին պարոնը անցաւ Հայոց զօրքի և իշխաններու գլուխը, զերի բռնեց ու բանաարկեց Փիլիպպոսը: Մէկ տարի յետոյ ամուսնացուց Զապէլը իր զաւակին, Հեթումի հետ (1226):

Հեթում Ա. թագաւորեց 44 տարի և ամուր ձեռքով պահեց Կիլիկիոյ անկախութիւնը թէ՛ Իկոնիոյ սուլթաններու, թէ՛ նոր երեւան եկած թաթարներու և թէ՛ մանաւանդ, Եգիպտոսի Մամլուքներուն դէմ: Անոր շատ օգնեցին իր հայրը և Սմբատ եղբայրը, հայ զօրքի սպարապետը, որ կը կոչուէր Գուլսուսայր:

Այդ միջոցին թաթարները խիստ զօրացած և տիրած էին Պարսկաստանի: Անոնք դեռ կուսպաշտ էին, մահմէտականութիւնը չէին ընդունած: Հեթում թէև Լեւոնի պէս լաւ յարաբերութիւններ պահեց արեւմտեան կաթողիկ թագաւորներու հետ, բայց զիտէր որ անոնցմէ օգնութիւն յուսալ անկարելի է. ուստի մտերիմ բարեկամութիւն հաստատեց թաթարներու Մանգոյ խանին հետ, եղաւ նոր դաշնակիցը մահմէտականներու դէմ:

Մամլուքները Եգիպտոսի արար սուլթաններու զինուորներն էին, որ կաղմուած էին սարուկներէ: Մակայն անոնք ապստամբեցան, գահընկէց ըրին նախկին սուլթանը և իրենց առաջնորդը նստեցուցին եգիպտական գահը: Այդպէս սկսաւ Մամլուքներու թագաւորութիւնը:

Անոնք եղան Կիլիկիոյ արիւնհարբու հակառակորդները և կործանեցին Կիլիկիան, մանաւանդ երբ թաթարներն ալ ընդունեցին Մահմէտի կրօնը և Հայերն այլ ևս ոչ մէկ զինակից ունեցան մահմէտական հզօր ցեղերու դէմ:

Հեթում թաթարներու օգնութեամբ յաղթեց Իկոնիոյ Սուլթաններուն և Մամլուքներուն, քանի մը պատերազմներու մէջ:

Իրեն յաջորդեց որդին, Լեւոն Գ., որ բացաւ շատ մը դպրոցներ, հիւանդանոցներ և ուրիշ հիմնարկութիւններ: Օրինակել տուաւ հայ գրականութեան դործերը և բաժնեց երկրի վանքերուն և դպրոցներուն:

Լեւոնի թագաւորութեան սկիզբները հայ իշխանները ապստամբեցան թագաւորին դէմ: Լեւոն խլեց անոնց բերդերը, բայց աղատ թողուց զիրենք: Այդ ներքին խառնակութիւններէն օգտուեցաւ Եգիպտոսի սուլթանը. քաղեց Կիլիկիոյ վրայ, զբաւեց ու կործանեց թանը. քաղեց Կիլիկիոյ վրայ, զբաւեց ու կործանեց Տարսուսը, բայց չարդ կերաւ Սիս քաղաքի բնակիչներէն: Լեւոն, որ ապաստանած էր լեռները, իջնելով սկըսաւ հայրաքար ինամել իր ժողովուրդը: Այդ ատեններ ուրիշ չարիքներ ալ պակաս չեղան. թէ ժանախտ ծագեցաւ և թէ սոսկալի սով մը:

Եգիպտոսի Մամլուքները անգամ մըն ալ քալեցին Կիլիկիոյ վրայ, բայց այս անգամ Լեւոն և իր ձերուհի հօրեղբայրը, Սմբատ Գունաստապը Կիլիկիոյ կիրճերուն

մէջ փակեցին զանոնք և այնպէս սոսկալի ջարդ մը տուին զօրքին որ, գրեթէ ոչ մէկը ողջ մնաց:

Լեւոն անգամ մըն ալ Թաթարներու հետ միացած. մտաւ Ասորիք և ջախջախեց Մամուլքները: Յետոյ 7 տարի ալ հանգիստ թագաւորեց և մեռաւ 1289ին:


40.— ԶԵԹՈՒՄ Բ. ԵՒ ԻՐ ԵՂԲՍՅՐԵՒԸ. — ԼԵՒՈՆ Գ.

Լեւոն Գ.ի յաջորդեց իր որդին, Հեթում Բ.: Թագաւորեց 16 տարի, բայց այդ ժամանակին մէջ երեք անգամ վանք քաշուեցաւ, կրօնաւորի կեանք անցուց և իր աթոռը տուաւ նախ իր աւաջին եղբորը, Թորոս Գ.ին: Յետոյ նորէն դահ ելաւ. սպա դահը տուաւ երկրորդ եղբորը, Սմբատին, որու ձեռքէն յափշտակեց կրտսեր եղբայրը, Կոստանդին: Սմբատ բռնեց Հեթումը և կուրացուց. բայց կ'ըսեն թէ հրաշքով բացուեցան աչքերը և ժողովուրդը երրորդ անգամ թագաւորեցուց զայն: Վերջապէս Հեթում անգամ մըն ալ քաշուեցաւ գահէն և թագաւոր օձել տուաւ իր Թորոս եղբոր զաւակը, Լեւոն Գ.: Իսկ ինքը վանք քաշուեցաւ Թագաւորահայր անունով:

Այս տասնևւեց տարուան ներքին խառնակութիւններու և եղբայրասպան կռիւներու պահուն, Կիլիկիոյ վրայ մէկ քանի անգամ արշաւեցին Մամուլքները, Սելճուքեան Թուրքերը և վերջն ալ Թաթարները:

Սկիզբները Հեթում և Սմբատ զաւանցեցան Թաթարներու հետ, քալեցին հօր Մամուլքներու վրայ և երկար պատերազմներ մղեցին. բայց չկրցան կորելի անոնց ուժը և զուրս վանել Ասորիքէն: Իսկ Ղազան

խանի մահէն ետքը (1302), գահ ելաւ Ղարբազանդը, ընդունեց մահմէտականութիւնը և Թաթարները վերջնականապէս թշնամացան Հայերու հետ:



Լեւոն Գ. դաւաւոր

Այն ատեն երեք մահմտական ցեղերը, Սելճուք, Թաթար և Մամուլք, խառնեցին Կիլիկիոյ վրայ, իրարու հետէ դրաւեցին հայաշատ քաղաքներն ու Հոռոմկլայ բերդը, կողոպտեցին, աւերեցին, ու գերի վարեցին ոչ միայն ժողովուրդը, այլ և Ստեփաննոս կաթողիկոսը:

Հայերը յոյսերը կտրած Թաթարներէն, դիմեցին

Կիպրոսի լատին թագաւորներուն որ իրենց խնամի էին և Յունաց կայսրներուն . բայց ոչ մէկ օգնութիւն ստացան : Ճարահատ , հայ թագաւորները (Հեթում Բ . և Լեւոն Դ .) , իրենց հետ ունենալով Գրիգոր Է . Անաւարդեցի կաթողիկոսը , Հռոմին խոստացան Հայոց Եկեղեցին միացնել կաթողիկ եկեղեցիին , եթէ իրենց օգնէին : Պապը խոստացաւ օգնութեան ուղարկել Ֆրանսայէն : Հայոց կաթողիկոսը դաւանութեան թուղթ մը պատրաստեց , որով մեծ փոփոխութիւններ կ'ուզէր ներմուծել Հայ Եկեղեցիի ձէսերուն մէջ , որպէս զի Պապը օգնէ Կիլիկիոյ թագաւորութեան՝ մահմէտականներու դէմ : Գրիգոր Է . մեռաւ , առանց իր ծրագիրը գործադրելու : Լեւոն Դ . մեծ ժողով գումարեց Սիւ մայրաքաղաքին մէջ , հրաւիրելով հայ հոգևորականները և իշխանները . հոն բռնի ընդունիլ տուաւ կաթողիկոսին թողած դաւանութեան թուղթը , բայց երբ կ'ուզէին այդ ձէսերով արարողութիւն կատարել , ժողովուրդը զայրացաւ և ապստամբեցաւ : Իսկ պապին խոստացած օգնութիւնը երբէք չհասաւ :

Օգտուելով այդ ներքին քաղաքական ու կրօնական խառնակութիւններէն , Թաթարներու Բիլարդու զօրավարը քաղեց Կիլիկիոյ վրայ , բռնեց Հեթում Բ . և Լեւոն Դ . թագաւորները և սպաննեց զանոնք :

ԴԱՍ 41. — ՕՇԻՆ ԵՒ ԼԵՒՈՆ Ե .

Լեւոնի և Հեթումի վրէժը լուծեց Լեւոնի փոքր եղբայրը , Օշին : Ժողովեց արքունի զօրքը , անցաւ հայ բանակին գլուխը և ջախջախելով Թաթարները , դուրս ըրաւ Կիլիկիայէն (1308) :

Օշին շինել տուաւ քաղմաթիւ բերդեր և եկեղեցիներ : Նշանաւորներն էին Տարսոն քաղաքի շուրջը քաշած հաստակուռ պարիսպները և նոյն քաղաքի փառաւոր եկեղեցին , որ այսօր մղկիթի է վերածուած :

Օշին ալ կը կարծէր որ եթէ Հայոց Եկեղեցին ընդունի կաթողիկ եկեղեցիի ձէսերը և անոր հետ միանայ , պապերն ու կաթողիկ թագաւորները պիտի օգնեն իրեն : Այդ պատճառով ան ալ , Լեւոն Դ .ի պէս , մեծ ժողով մը գումարեց Ատանայի մէջ , վերաքննութեան ենթարկեց Սիսի ժողովին որոշումները և նորէն ընդունիլ տուաւ : Սակայն անկարելի եղաւ գործադրել այդ նոր որոշումները , որովհետեւ մեծ խառնակութիւն ելաւ հայ ժողովուրդին մէջ : Թէ՛ պապը , թէ՛ Ֆրանսայի թագաւորը մեծամեծ խոստումներ տուին Օշինին օգնելու Մամլուքներու դէմ , բայց ոչ մէկը ու է օգնութիւն ըրաւ : Օշին ստիպուեցաւ նորէն իր ուժերով մարանչիլ մահմէտական հզօր բանակներու դէմ , մինչև իր մահը (1320) :

Իրեն յաջորդեց տաանամեայ որդին , Լեւոն Ե . որու



Լեւոն Ե .

վրայ խնամակալ կարգուեցաւ Օշին իշխանը: Թագաւորի խնամակալը ջերմ պաշտպան էր հայ եկեղեցիի իրաւունքներուն, իսկ Թագաւորի լատին ուղղակիանները միշտ կ'աշխատէին կործանել Հայ եկեղեցին և կաթողիկոսութիւնն ընդունիլ տալ Հայերուն:

Այդ ներքին կռիւներուն շնորհիւ Կիլիկիան սաստիկ աւարացած էր: Հայերը իրարու դէմ կրօնական կռիւներ կը մղէին: Սահմաններու բերդերը քանդուած էին և վերաշինող չկար: Զօրքը քայքայուած վիճակ մը ունէր, կազմակերպող, հոգ տանող չկար: Իսկ ատոր հակառակ, մահմէտական իշխանութիւնները սաստիկ զօրացած էին: Մամլուքները տիրեր էին, Եգիպտոսէն զատ, Արաբիոյ, Պաղեստինի և Ատորիքի, մինչև Նփրատ: Բոլորն ալ կ'ուզէին ոչնչացնել հայկական թագաւորութիւնը, որովհետև Ասիոյ մայր ցամաքին վրայ ան միակ քրիստոնէայ պետութիւնն էր որ կրնար օժանդակել Ներսէսի քրիստոնէաներուն, մահմէտականներու դէմ պատերազմելու և Սուրբ Ներկիքը անոնց ձեռքէն իրելու համար:

Երբ Մամլուքները լուր տաին թէ Ներսէսիները իրաւակիրներու նոր արշաւանք մը կազմելու միտք ունին, իսկոյն դաշն կապեցին Թաթարներու և Իկոնիոյ սուլթանին հետ և ամէն կողմէ խուժեցին Կիլիկիաւեանցիին հանդիպած զիւղերն ու քաղաքները, կործանեցին բերդերն ու եկեղեցիները, դերի տարին ու կոտորեցին ժողովուրդը: Մինչև իսկ գերեզմաններէն մեռելները հանեցին ու գետերը թափեցին: Ամէնէն զարհուրելին եղաւ Այսա հարուստ ու վաճառաւաճ մեծ քաղաքին կործանումը:

Հայ ժողովուրդը երբ տեսաւ որ իր թագաւորը այդ սոսկալի բոստներուն անգամ կրօնական խնդիր-

ներով կը զբաղի, ցնցուեցաւ և ինքն սկսաւ իր հայրենիքի փրկութեան մասին մտածել: Կաղմուեցան ժողովրդական զինուած խումբեր, տեղ մը 200 մարդէ, ուրիշ տեղ մը 600 հոգիէ և այլն: Այդ կտրիճներու խումբերը դարանի մանելով կիրճերու բերանները, սկըսան զարհուրելի կոտորածներ տալ ասպատակներուն:

Ինքնապաշտպանութեան հայ խումբերը, այնպիսի սարսափ տարածեցին թշնամիներու վրայ որ, Մամլուքները ստիպուեցան 15 տարուան համար հաշտութիւն կնքել Հայերու հետ: Լեւոն Ն. սարսաւոր էր 50,000 ֆիօրին տարեկան տուրք վճարել Եգիպտոսի սուլթանին, ինչպէս և անոր տալ Այսա քաղաքի մաքսի և ծովային ողի եկամուտներուն կէսը: Իսկ սուլթանը պարտաւոր էր Կիլիկիոյ բոլոր բերդերը յանձնել Հայերուն, իր զօրքերը քաշել և Այսա քաղաքն ուրիշ կործանուած բերդերը շինել իր ծախքով:

Սակայն Լեւոն Ն. դարձեալ սկսաւ զբաղիլ կրօնական խնդիրներով. սպաննել սուլթան իր խնամակալը, հայ իշխանները հեռացուց պաշտօններէ և տեղը դրաւ լատին իշխաններ. սպաննել սուլթան իր կինը, որ Օշինի աղջիկն էր և ամուսնացաւ լատին կնոջ մը հետ: Այս բոլորը տեսնելով, հայ իշխանները և ժողովուրդը երես դարձուցին անկէ: Մամլուքները օգտուեցան Կիլիկիոյ այդ ներքին խառնակութիւններէն և անգամ մըն ալ խուժեցին ներս. սնարդել կործանեցին կանգուն մնացած բերդերն ու քաղաքները:

Լեւոն դիմեց Ներսէսիներու օգնութեանը: Ֆրանսայի թագաւորը և պապը կրկին խոստացան ոչ միայն օգնել Հայերուն, այլ և Պաղեստինը խլել Մամլուքներէն: Անոնց սպառնալիքներէն կատղեցան Եգիպտացիները: Ֆրանսայի թագաւորը 10,000 ֆիօրին դրամ զըր-

կեց, իսկ պատը քանի մը պարկ ցորեն. այս եղաւ արեւմուտքի օգնութիւնը: Իսկ Եգիպտոսի սուլթանը երկու անգամ արշաւեց Կիլիկիա և իր ամբողջ կատաղութիւնը թափեց Հայերու վրայ:

Լեւոն փախաւ լեռները: Թշնամին այն ատեն միայն ետ քաշուեցաւ, երբ Լեւոն Ե. խաչով ու Աւետարանով երդուեցաւ այլ ևս ու է կապ չպահել Եւրոպացիներու հետ:

Լեւոն Ե. մեռաւ 1341ին: Զաւակ չունէր և իրմով վերջացաւ Ռուբինեանց Տունը:

ԴԱՍ 42. — ԼՈՒՍԻՆԵԱՆ ԹԱԳԱՒՈՐՆԵՐ

Լեւոն անզաւակ մեռնելով, հայկական թագը անցաւ Կիպրոսի Լուսինեան ֆրանսացի թագաւորներուն, որովհետև անոնք մօր կողմէ ազգական էին Ռուբինեանց:

Լուսինեան սուէնէն Կիլիկիան ունեցաւ չորս թագաւոր, Կոստանդին Գ. (1342), Գուխտոն, Կոստանդին Դ. և Լեւոն Զ. (1365-1375):

Ատոնցմէ առաջին երկուքը ամէն միջոց զործադրեցին Հայ Եկեղեցին միացնելու համար կաթողիկ եկեղեցիին. հայրածեցին հայ իշխանները և անոնց տեղը դրին լատին իշխաններ, այնպէս որ բոլոր Հայերը զրգուեցան իրենց դէմ: Կոստանդին Գ. հազիւ մէկ տարի թագաւորեց, իսկ Գուխտոն երկու տարի և երկուքն ալ սպաննուեցան հայ իշխաններու ձեռքով:

Կոստանդին Դ. (1345) թագաւորեց 18 տարի: Այս թագաւորը շատ կտրիճ և խելացի մարդ էր, բայց ոչինչ

կրցաւ ընել, որովհետև Կիլիկիա բոլորովն ուժանդառ էր եղած ներքին կրօնական ու քաղաքական անվերջ կռիւներէն և մահմէտական հզօր դրացիներու կործանարար յարձակումներէն: Միանալով Կիպրոսի թագաւորին հետ, Կոստանդին երկու անգամ ջախջախեց Մամուլուքները և վտարեց Կիլիկիայէն: Անոր յաղթութիւններու շնորհիւ Կիլիկիան քանի մը տարի խաղաղութիւն վայելեց, բայց անոր մահով (1362) մօտեցաւ հայկական անկախութեան քայքայումը:

Կոստանդին Դ. անդաւակ մեռաւ և Կիլիկիոյ գահը երկու տարի թափուր մնաց: Շատերն ուզեցին թագաւորել և ստոր համար ալ պառակտումներ ծագեցան. Կոստանդինի ստեղծած ժամանակաւոր համերաշխութիւնը քայքայուեցաւ: Վերջապէս հայ և լատին իշխանները Կիլիկիոյ գահը սուին Լեւոն Լուսինեան իշխանին, որ Կիպրոսի թագաւորին ազգական էր (1365):

Լեւոն Զ. ի թագաւորութեան երկրորդ տարին Մամուլուքները կրկին խուժեցին Կիլիկիա: Լեւոն գնաց անոնց վրայ, բայց պարտուեցաւ և հաշտութիւն խընդրեց: Հինգ տարի յետոյ (1371), Եգիպտացիները անաւոր ուժերով մտան Կիլիկիա: Լեւոն պատերազմի մէջ վիրաւորուեցաւ և լեռները փախաւ: Վերջապէս 1374ին երրորդ անգամ Մամուլուքները եկան Կիլիկիա, իրենց սուլթան Մելիք-էլ-Աշրաֆ-Շապանի հրամանով: Այս անգամ ալ Լեւոն պարտուեցաւ և ամրացաւ Կապանի բերդին մէջ: Բերդը 9 ամիս պաշարելէ վերջ, Մամուլուքները առին և գերի տարին Լեւոն Զ., Մարիամ թագուհին, Բիննա աղջիկը և Շահան փեսան (1375): Արքայական ընտանիքը նախ բանտարկուեցաւ Գահրէէի մէջ: Երկու տարի վերջ սուլթանը մեղմացաւ և ազատ թողուց թագուհին և աղջիկը. բայց անոնք չուզեցին

ազատիլ առանց Լեւոնի: Մելիք-Աշրաֆի մահէն ետք, Քասթիլիայի Յովհաննէս թագաւորը պատուակալ դեսպաններ ղրկեց նոր սուլթանին մօտ և խնդրեց Լեւոնի ազատութիւնը:

Լեւոն Զ. ազատուեցաւ 1382ին, բայց Կիլիկիան մնաց Եգիպտոսի սուլթաններուն ձեռքը, յետոյ ինկաւ



Լեւոն Զ.ի դամբարանը

Գարամանը Թիւրքմէն ցեղին և 15րդ դարուն ալ՝ Օսմանցիներու իշխանութեան տակ:

Լեւոն Գահիրէի բանաէն ելլելով, նախ գնաց Երուսաղէմ ուխտի: Թագուհին և աղջիկը մնացին Ս. Յակոբայ վանքը ձգնելու, իսկ Լեւոն հանդիպեցաւ Վիպրոս, յետոյ Հռոմ և այնտեղէն ալ Քասթիլիա, անձամբ շնորհակալութիւն յայտնելու իր բարերարին: Այնուհետև գահը կորսնցուցած թագաւորը անցաւ Մատրիտ, Փարիզ, Լոնտոն. զարկաւ բոլոր արքունիքներու

դուռները որ օգնեն իրեն, Կիլիկիոյ գահը ազատելու մահմէտականներու ձեռքէն: Ամէն տեղ ալ մեծ խոստումներ կուտային, բայց յետոյ կը դրժէին:

Վերջապէս Լեւոն իր գահուն տիրանալէ յուսահատելով, մտաւ Փարիզի Կեղեասինեաց վանքը ձգնելու: Հոն մեռաւ 1393ին և թաղուեցաւ վանքին մէջ, մինչև այսօր ալ Փարիզ կը գտնուի իր շքեղ գերեզմանը:

ԴԱՍ 43. — ՀԱՅԱՍՏԱՆԸ ԲԱՂԱԲԱԿԱՆ ԿԵԱՆՔԻ ԱՆԿՈՒՄԷՆ ՄԻՆՉԵՒ ԹԱԹԱՐՆԵՐՈՒ ԱՐՇԱՒԱՆՔԸ

Բագրատունիներու իշխանութեան անկումով, վերջացաւ Մեծ և Փոքր Հայքերու քաղաքական անկախ կեանքը: Հայաստան անցաւ Յոյներու ձեռքը, բայց ոչ երկար ատենի համար: Սելճուքներու Տուղրիլ և Ալփասլան պէյերը մտան յունական սահմանները և քանի մը տարի կողոպուտի, կրակի ու արեան ասպարէզ դարձուցին Հայաստանը: Վերջապէս 1086ին Ալփասլանի որդի Մելիք շահ տիրեց բովանդակ հայ երկրին և Հայաստանը եղաւ պատկական Սելճուքներու մէկ նահանգը: Մելիք շահի օրով մեր երկիրը խաղաղ կեանք մը ունեցաւ (մինչև 1092): Սակայն անոր մահէն վերջ Սելճուքներու միահեծան լուծը ինկաւ. բոլոր նուաճուած մանր իշխանութիւնները գլուխ բարձրացուցին: Կրկին հիմնուեցան արաբ, պարսիկ, հայ անկախ մանրիկ իշխանութիւններ:

Հայ իշխանութիւններ կային Գուգարաց և Ուտէացոց, Աղուանից, Սիւնեաց, Վասպուրականի և Տա-

Այդ թափառական կամ վաչկատուն թաթար ցեղերէն ժ.Գ. դարու սկիզբները խիստ զօրացաւ Մոզոլ կոչուած ցեղը, որու մայրաքաղաքն էր Քարաքօրում (Պայքալ լիճէն քիչ մը դէպի հարաւ): Յեղապետը կը կոչուէր ձինկիզ խան: Այս փառասէր և կտրիճ խանը նուաճեց և միացուց բոլոր թաթար ցեղերը և կազմեց ուժեղ պետութիւն մը:

Ձինկիզ խան նախ անցաւ Չինական Պարսպը, գրաւեց Երկնային կայսրութիւնը, յետոյ անցաւ դէպի արեւմուտք, Հնդկաստան և յարձակեցաւ Խուարէզմի մեծ կայսրութեան վրայ, որ կը տարածուէր Կասպից ծովէն մինչև Հնդկաստան: Գրաւեց երկիրը, չէն քաղաքները կողոպտեց, կրակի տուաւ, բնակիչները ջարդեց կամ գերի վարեց: Ձինկիզ խան կը պատրաստուէր Եւրոպա արշաւել, բայց մեռաւ և իրեն յաջորդեց Ուխաթա խան:

Ուխաթա հրամայեց իր Չարմաղան զօրավարին՝ Հայաստան արշաւել: 1236ին առաջին անգամ անոնք իրենց կատաղի գունդերով ու գաղթականներով լեցուն սայլերու կարաւաններով երեւացին Հայաստանի մէջ՝ նախ կ'երեւային զինուած գունդերը. սրընթաց ձիերով կը յարձակէին, կը տիրէին դաւառներու, իսկ անոնց ետեւէն կը խուժէին իրենց ընտանիքները, վաչկներով կամ կառքերով, խառն ի խուռն բռնաւորուած, — կին, երեխայ, ստացուածք: Անոնց գլուխը մեծ էր, երեսները առանց մօրուքի, աչքերը նեղ, քիթերը տափակ, իսկ ձայները բարակ ու զիլ: Իրենց տիրած տեղերը կրակ ու աւեր կը սփռէին: Կաթնակեր մանուկները քարերուն զարնելով կ'ոչնչացնէին, կիներն ու աղջիկները իրենց մէջ կը բաժնէին, իսկ հասակաւորները սուրէ կ'անցնէին:

Այսպիսով թաթարները տիրեցին արեւելեան Հայաստանի, գրաւեցին Անին ու Կարսը, ոչնչացուցին անոնց բնակիչներու մեծագոյն մասը և անցան դէպի Կարին: Այդ ատեն Չարմաղանի յաջորդեց Բաչու կատաղի զօրապետը:

Կարին կը գտնուէր Իկոնիոյ սերձուքեան սուլթանի իշխանութեան տակ: Սուլթանը իր զօրքերով եկաւ պաշտպանելու Կարինը, բայց յաղթուեցաւ ու փախաւ:

Բաչու անկէ անցաւ Ծովաց Աշխարհը, մտաւ Վասպուրական և Տուրուբերան. ամէն տեղ մահ ու աւեր պիտելով, գրաւեց բովանդակ Հայաստանը և 1242ին անցաւ Միջագետք:

Ձինկիզ խանի կատաղի զօրութիւնէն սարսափահար՝ կը փախչէին Միջին Ասիոյ ցեղերէն շատերը, որոնք չէին միացած անոր հետ: Այդպէս փախան շատ մը թիւրքմէններ, անոնց հետ նաև թուրք ցեղ մը (թուրքաստանէն), որու առաջնորդն էր Սիւլէյման: Այս թիւրքմէն ցեղերն ալ ահագին աւերածութիւններ գործեցին Հայաստանի մէջ: Սակայն երբ բովանդակ Հայաստան ինկաւ թաթարներու ձեռքը. անոնց մէկ չնչին մասը անցաւ Իկոնիոյ սուլթանութեան հողերը, իսկ մեծ մասը մնաց թաթարներու իշխանութեան տակ:

Երբ թաթարները տիրեցին Ասիոյ մեծագոյն մասին, այն ատեն մտածեցին կարգ մտցնել իրենց պետութեան մէջ: Հսկայ երկիրը բաժնեցին մասերու և ամէն մէկ մասի վրայ մէկ-մէկ կառավարիչ նշանակեցին, որոնց պարտականութիւնն էր հնազանդութեան մէջ պահել իրենց շրջանը, հարկերը ժողովել և խանին զրկել:

1254ին Մանգոյ խանի հրամանով, եղբայրը, Հուլաղու եկաւ Հայաստան, մարդահամար կատարեց և հարկեր գրաւ: Բոլոր Հայերը՝ 10 տարեկանէ վեր, հարկ

րօնի ու Սասունի լեռնային շրջաններուն մէջ: Սակայն այս մանր հայ իշխանութիւններու միջև ինկած էին շատ աւելի զօրեղ այլազգի տիրապետութիւններ. այնպէս որ Հայերը ա՛լ չէին կրնար միանալ և գործակցիլ իրարու:

Այլազգի իշխանութիւններէն նշանաւոր էին Շահ-Արմէնի պետութիւնը, Վանայ ծովու արեւմտեան և հիւսիսային կողմերը՝ իր 12 քաղաքներով, Դուինի, Անիի և Կարսի շրջանները, ուր անկախ արաբ ամիրաներ կը նստէին: Իկոնիոյ սելճուք սուլթանները և քիչ մըն ալ Յոյները տէր էին դարձած մեր երկրի արեւմտեան մասին, իսկ արեւելեան մասերը ինկած էին պարսիկ շահերու ձեռքը: Պարսկաստանի մէջ ալ Սելճուքներու իշխանութիւնը ջնջուած էր և գահը անցած էր բնիկ պարսկական սոհմի մը ձեռք:

Այդ մանր իշխանութիւններու օրով, հիւսիսէն ասպարէզ կուգան Վրացիները: Անոնց Դաւիթ թագաւորը 1124ին կը տիրէ Անիի ու Շիրակի, բայց կը մեռնի և Անին ու Շիրակը կ'իյնան Փապուռն անուն թուրք ամիրային ձեռքը:

Վրացիները երկրորդ անգամ տիրեցին Անիի ու Հայաստանի հիւսիս արեւելեան մասերուն Գիորգի թագաւորին օրով (1161 և 1174): Գիորգի Անին յանձնեց Օրբէլեան իշխաններու վարչութեան: Վերջապէս Վրացիներու ազդեցութիւնը ամէնէն աւելի զօրաւոր եղաւ Հայաստանի վրայ Գիորգիի աղջկան՝ Թամար թագուհիին օրով:

Թամարի օրով շատ ծաղկեցաւ և զօրացաւ Վրաստան: Այդ միջոցին Վրաստանի մէջ կը գործէին երկու երեւելի հայ իշխաններ, Իվանէ Աթապէկը և Զաքարէ Սպասալարը: Ասոնց ջանքերով Թամար գրաւեց հիւ-

սիսային և արեւելեան Հայաստանը, մաքրեց մանր այլազգի իշխանութիւններէն և վտարեց Պարսիկները: Հայաստանի այդ մասերը մնացին Վրացիներու ձեռքը մինչև Թաթարներու արշաւանքը և յիսուն տարիի չափ խաղաղ ու անգորր կեանք ունեցան:

ԴԱՍ 44. — ԹԱԹԱՐՆԵՐՈՒ ԱՐՇԱՒԱՆՔԸ

Սելճուքներէն աւելի բարբարոս ցեղեր ժ.Գ. դարու սկիզբները խուժեցին Հայաստան: Այդ նոր բարբարոսները կը կոչուէին Թաթարներ, Թիւրքմէններ, և այլն: Ամէնէն զօրաւորները Թաթարներն էին, մանաւանդ սկիզբները:

Թաթարներու հայրենիքը կը գտնուի Պայքալ լիճին շուրջը, Սիպերիոյ և չինական մեծ անապատի (Կոպի կամ Շամօ) միջև տարածուած ընդարձակ լեռնադաշտին վրայ: Անոնց երկրէն կը բխին Ասիոյ մեծ գետերէն չորսը — Օպին, Ենիսէյը, Լենան և Ամուրը:

Թաթարները, ինչպէս միւս բարբարոս ժողովուրդները, մանր ցեղերու բաժնուած կ'ապրէին իրենց երկրին մէջ: Ամէն ցեղ ունէր իր ցեղապետը, զոր խաւ կը կոչէին իրենք: Անոնց ղլխաւոր զբաղումն էր խաշնարածութիւնը: Առաջ, երբ գետ անոնց թիւը շատ չէր աճած, իրենց լեռնադաշտը կրնար զիրենք կերակրել: այդ պատճառով անոնք պէտք չէին զգար իրենց երկրէն դուրս ելլելու, արշաւանքներ կազմելու: Սակայն ժ.Գ. դարու սկիզբները այնքան բազմացան որ, այլևս իրենց երկիրը գոհացում չէր տար. ճարահատ նոր բնակավայրեր պիտի մնտուէին:

պիտի տային. ազատ էին միայն կիներն ու հոգեւորականները: Հարկերու ծանրութենէն փախչողները կը բռնուէին և կը սպաննուէին. իսկ ով որ չէր կրնար վճարել տուրքը, անոր զաւակները կ'առնէին ձեռքէն և գերի կը տանէին դէպի Թաթարիստան:

Հարկերու մեծ մասը բերքերով կ'առնուէր, փոքր մաս մըն ալ՝ դրամով: Ամէն հայ տղամարդ պարտաւոր էր վճարել 1 սպիտակ (դրամ), 100 լիտր ցորեն, 50 լիտր գինի, 2 լիտր բրինձ, 3 տոպրակ, 2 պարան, 1 նետ, 1 պայտ. իսկ անասուն ունեցողէն կ'առնէին 20 անասունէ մէկը և 20 հատ ալ սպիտակ դրամ: Անոնք իրենց ձեռքն էին առեր երկրի բոլոր հարուստ աղահանքերը և երկաթահանքերը, ձկնառատ լիճերն ու գետերը. այնպէս որ անոնցմէ օգտուելու համար ալ պէտք էր հարկ վճարել տիրողներուն:

Թաթարներու այդ հսկայ պետութիւնը հազիւ 100 տարի կեանք ունեցաւ: Թաթարները մտաւորապէս ստոր ըլլալով, չկրցան քաղաքակրթութիւն ստեղծել, ձուլել տիրուած ժողովուրդները, ամուր կարգի հաստատել և հիմնաւոր կայսրութիւն մը կազմել: Ժ. դարու կէսերուն (1340), անոնց պետութիւնը քայքայուեցաւ, բաժնուեցաւ բազմաթիւ մանր ու խոշոր անկախ իշխանութիւններու. իրենք ալ իրենց երկրին մէջ կրկին մնացին Թափառական, մեծապէս նուազելով:

Հայաստանի մէկ մասը մնաց Պաղտատի խանին իշխանութեան տակ: Հարաւային դաւառներու վրայ տիրացան քիւրա պէկերը, Սասունի ամիրային գլխաւորութեամբ. արեւելեան դաւառները ինկան Պարսիկներու ձեռքը, իսկ արեւմուտքը բռնեցին Թիւրքմէնները: Անոնցմէ մէկ քանին անկախ էին, իսկ միւսները Հուլա-

ղուի յաջորդներու կամ Պաղտատի խաներու գերիշխանութեան տակ:

Այս վիճակին մէջ մնաց Հայաստանը մինչև Լէնկ-թիմուրի արշաւանքը (1387):

Գ Ա Ս 45. — Օ Ս Մ Ա Ն Յ Ի Ն Ե Ր

Երբ ձինկիզ խան իր կոտորի գունդերը ուղղեց դէպի արեւմուտք և մտաւ Արալ լճի ու Ամուտարիա-Միրտարիա գետերու տափաստանները, հոն կ'ապրէին խաչնարած վաչկատուն ցեղեր, որ ընդհանուր անունով կը կոչուէին Թիւրքմէններ կամ Թուրք ցեղեր: Թաթարներէն սարսափահար, այդ խաչնարած ցեղերը սկսան փախչիլ դէպի հարաւ և արեւելք:

Անոնցմէ մէկը, — Կէօք-խանի ցեղը, իր գլուխն ունենալով ցեղապետ Սիւլէյմանը, Թաթարներու առջեւէն փախաւ և մտաւ նախ Պարսկաստանի Խորասան նահանգը: Բայց երբ Թաթարները հոն ալ հասան, իր ցեղը. չուրջ 50,000 հոգիէ բաղկացած, առաւ և չուեց դէպի արեւմուտք, բնակութիւն հաստատելով Երզնկայէն մինչև Խլաթ՝ Բարձր Հայքի ստամաններուն մէջ: Երբ ձինկիզ խան մեռաւ, Սիւլէյման ուղեց դառնալ իր հայրենիքը, բայց եփրատը անցնելու առան, խղճուեցաւ: Որդիներէն երեքը ցեղին մեծ մասը առաջնորդեցին կրկին Թուրքաստան, իսկ կրտսեր որդին՝ քաջ էրթօղլուլը չուեց երթալ. 400 ընտանիքով անցաւ Իկոնիոյ սուլթան Ալայէտտին Գ. ի երկիրը, մտաւ անոր ծառայութեան մէջ և քաջութեամբ կռուեցաւ անոր թըչ-նամիներուն դէմ իբր հեծելազօր: Ալայէտտին ալ անոր

գաղանութեան լուրերը վաղուց հասեր էին Հայոց երկիրը: Ժողովուրդը լսելով անոնց մօտենալը, փախած էր լեռներն ու ձորերը, ապաստանելով անմատչելի և



Լէնկթիմուր

վայրի տեղեր: Սակայն Լէնկթիմուրի հրոսակները ինկան սարերն ու ձորերը, գտան թաքստոցները և անխնայ կոտորեցին փախստականները: Սիւնիքէն թա-

թարներն անցան Արարատ, Տուրուբերան և Վասպուրական, և ամէն տեղ նոյն աւերն ու արիւնք սփռեցին: Գրաւած վայրերէն երիտասարդները գերի կը վարէին, իսկ ձերերն ու մանուկները կը կոտորէին:

Ամէնէն աւելի դիմադրութիւն ցոյց տուաւ Սասունը. անոր տէր Գարա-Նուսուֆ քիւրտ իշխանը իր քիւրտ և հայ մարտիկներով երկար դիմադրեց, բայց ի վերջոյ յաղթուեցաւ և փախաւ:

Հինգ տարի կրակ, աւեր, կողոպուտ ու մահ տարածելով Հայաստանի մէջ՝ Լէնկթիմուր տիրեց ամբողջ հիւսիսային և արեւելեան Հայաստանի: Սակայն այդ հինգ տարուայ մէջ ժողովուրդը չկրցաւ երկիրը մշակել, ուտելիք հասցնել: Պահեստի պաշարը սպառեցաւ և 1393ին ստսկալի սով մը տիրեց: Կը պատմեն թէ ամէն տեսակի ընտանի կենդանիներ մորթել ուտելէ ետք, սկսան ուտել շուներ ու կատուներ ալ. իսկ երբ սոյն աւելի սաստկացաւ, մարդիկ սկսան իրար ուտել: հայրը կ'ուտէր իր զաւակները, եղբայրն՝ իր քոյրը...

Արեւելեան Հայաստանէն Լէնկթիմուր անգամ մըն ալ մտաւ Միջագետք և Ասորեստան, անկէ ալ անցաւ ուղղակի դէպ ի հիւսիս, Բարձր Հայք: Գրաւեց ու հողին հաւասարեցուց Բարձր-Հայքի շէն վայրերը և անկէ արշաւեց դէպ ի Փոքր-Ասիա, Օսմանցիներուն վրայ:

Ճամբան կատաղի և երկար դիմադրութիւն ցոյց տուաւ Սեբաստիա հայաշատ քաղաքը: Լէնկթիմուր երկար պաշարումէ ետք, խարէութեամբ ու երդումով գրաւեց քաղաքը, բայց դաւաճանեց իր երդման: Նախ կողոպտել տուաւ ամբողջ հարստութիւնը, ապա կիները կապեց կատաղի ձիերու պոչերէն և վազցուց դաշտերու մէջ. յետոյ դաշտի մը մէջ ժողվեց դեռաւոր երեխաները և իր ձիաւորներուն հրամայեց սմբակներու

տակ ճզմել բոլորն ալ: Վերջապէս 4,000 հայ մարտիկներ կենդանի թաղել տուաւ դաշտի մը մէջ, որ այնուհետեւ կոչուեցաւ Սեւ Հողեր:

Լէնկթիմուր շարունակեց իր ճամբան դէպի Էնկիւրիւ (Անկորա): Այդ միջոցին Սուլթան Պայազիտ (Երջրտըւ) պաշարած էր Կ. Պոլիսը: Լսելով իր երկրին սպառնացող վտանգը, սուլթանը վերցուց Կ. Պոլիս պաշարումը և իր բանակներն շտապով ուղղեց Լէնկթիմուրի դէմ: Էնկիւրիի մօտ երկու բանակներն իրարու զարնուեցան: Լէնկթիմուր յաղթեց և Պայազիտը գերի բռնելով, երկաթէ վանդակի մը մէջ դրած տարաւ: Սանը բազմաթիւ գերիներով ու հսկայական աւարով դարձաւ իր մայրաքաղաքը — Սմրղանտ, ուր շատ չանցած մեաւա (1405) և տեղը բազմեցաւ Շահրուխ:

ԴԱՍ 47. — ՀԱՅԱՍՏԱՆԻ ՎԻՃԱԿԸ ԼԷՆԿԹԻՄՈՒՐԻ ԱՐՇԱՒԱՆՔՆԵՐԷՆ ՅԵՏՈՅ

Լէնկթիմուրի հսկայական պետութիւնն ալ, ձինկիզխանի կայսրութեան պէս, արագօրէն քայքայուեցաւ, որովհետև ոչ մէկ լուսամիտ օրէնք, ոչ մէկ բարեկարգութիւն չհաստատեց տիրած երկիրներուն մէջ. ընդհակառակը՝ Թաթարներն իրենց ծանր հարկերով ու գազանութիւններով զրուեցուցին բոլոր հպատակ ազգերը:

Լէնկթիմուրի մահէն յետոյ, Սասունի Գարա Եուսուֆ քիւրտ իշխանը և Ետքէն ալ անոր որդին, Իսկէնտէրը (Շահ-Արմէն) տիրեցին Հայաստանի մեծ մասին և 25-30 տարի անընդհատ պատերազմ մղեցին Թաթար-

ներու և ուրիշ իշխաններու դէմ: Այդ միջոցին Հայաստան անգամ մըն ալ ինկաւ սովի ճանկերուն մէջ: Նոր սովն աւելի սոսկալի էր քան Լէնկթիմուրի օրով պատահածը:

Այդ անընդհատ կռիւներու միջոցին զօրացաւ Տիգրանակերտի Ազգոյունլի թիւրքմէն ցեղին իշխանը, որ տիրեց Հայաստանի հարաւային նահանգներուն: Իսկ անոր որդին, Ուզուն-Հասան, այնքան առաջ գնաց որ գրաւեց Պարսկաստանն ու Հայաստանը և նստաւ Պարսից գահուն վրայ (1468):

Ուզուն-Հասան ուզեց իր պետութեան արեւմտեան սահմաններն ընդարձակել: Մեծ զօրքով եկաւ գրաւեց Էրզրոմիան (Թոգատը), որ Օսմանցիներու իշխանութեան տակ էր: Սակայն Օսմանցիներն արդէն Սուլթան Մէհէմէտ Բ-ի օրով առեր էին Կ. Պոլիսը (1453) և մեծ կայսրութիւն մըն էին կազմեր թէ Եւրոպայի և թէ Փոքր-Ասիոյ մէջ:

Մէհէմէտ Բ. Փաթիհ իր յաղթական բանակներն ուղղեց Ուզուն Հասանի դէմ, ջարդեց անոր զօրքերը և գրաւեց Հայաստանի արեւմտեան մասերը (1473): Ան եղաւ Օսմանցիներու առաջին մուսքը Հայաստան:

Այդ ատենէն սկսաւ արիւնահեղ պատերազմներու հրկա՛ր շարք մը Պարսիկներու և Օսմանցիներու միջև հայկական հողի վրայ, Հայաստանի տիրապետութեան համար: Ուզուն-Հասանի յաջորդներէն իշխանութիւնն անցաւ պարսիկ Սաֆեան տան ձեռքը. բայց պատերազմները ոչ միայն չղաղրեցան, այլ և աւելի սաստկացան: Այդ պատերազմները տեւեցին 250 տարի, մինչև որ ասպարէզ եկան հիւսիսէն Ռուսերը և երկուքին ձեռքէն ալ սկսան խլել հայկական նահանգները:

Այդ պատերազմները կը մղուէին Հայոց երկրին մէջ

և հայ ժողովուրդը սոսկալի ներդրութիւններու և տառապանքներու կ'ենթարկուէր: Յաղթութիւնը փոփոխակի էր. մերթ կր տիրէին Պարսիկները, մերթ կը յաղթահարէին Օսմանցիները: Իսկ ոտքի տակ գացողը Հայն էր. կ'աւերէին անոր արտերն ու այգիները, կը կործանէին անոր գիւղերն ու քաղաքները:

Այս անտանելի տառապանքներուն չտոկայով Հայերն սկսան գաղթել իրենց երկրէն, հանգիստ փնտռել օտար աշխարհներու մէջ, ազատելով անվերջ կողմպուտներէն ու սրածուծութիւններէն:



ԳԱՍ 48. — ՀԱՅ ԳԱՂԹԱԿԱՆՈՒԹԻՒՆՆԵՐԸ.

— Շ Ա Հ - Ա Բ Բ Ա Ս

Շատ հին է հայ գաղթականութեան սկիզբը: Արշակունիներու անկման օրերուն Պարսիկները, քիչ ետքն ալ Յոյները բազմաթիւ Հայեր կը տանէին իրենց երկիրները, չէնցնելով ամառի գաւառները: Երբ է. դարու մէջ Արաբները մտան Հայաստան, անոնք ալ ահագին թիւով հայ գաղթականներ հանեցին մեր երկրէն, տարին ըսակեցուցին Ասորիք. Միջերկրականի ափերը և Եգիպտոս: Թ-Փ. դարերու մէջ այնքան էին աճեր այդ ցեղերու հայ գաղթականութիւնները որ, հարկ եղաւ երկու հաճառաջնորդութիւն հիմնել — մէկը Եգիպտոս, միւսը Երուսաղէմ:

Հայ գաղթականութիւնը սաստկացաւ Բագրատունիներու անկումէն յետոյ, Սելճուքներու և մանաւանդ թաթարներու օրով: Անին ու Շիրակը պարպուեցան

քնակիչները գաղթեցին դէպի հիւսիս՝ Ատտերխան, անկէ՝ Պուլկարներու հին մայրաքաղաքը, Սարայ, Վօլկայի ափը. յետոյ իջան Խրիմի թերակղզին, չէնցուցին Քէֆէ կամ Թէպոսիա քաղաքը, երբ ան ձնուղացիներու ձեռքն էր:

Որքան կը սաստկանային թաթարներու խժդժութիւնները, այնքան կ'աճէին հայ գաղթականութիւնները: Փախստականներու նորանոր գունդեր կ'երթային կը խառնուէին հիներու հետ: Երբ Խրիմ ինկաւ թաթարներու, յետոյ Օսմանցիներու ձեռքը, Խրիմի խոշոր հայ գաղութը պարպուեցաւ. Հայերը անկէ անցան Մօյտավիա, յետոյ Պուքովինա: Վերջապէս ահագին բազմութիւն մը (40,000 ընտանիք) հաստատուեցաւ Լեհաստանի մէջ:

Երբ Ռուբինեանց իշխանութիւնն ինկաւ. Կիլիկիայէն ալ բազմաթիւ Հայեր ցրուեցան դէպի Եգիպտոս և Իտալիա, ուր Չճ փառաւոր հայ եկեղեցիներ հիմնեցին:

Հայկական այդ գաղթականութիւններէն այսօր միայն խղճալի մնացորդներ կան: Անոնք աստիճանաբար ձուլուեցան տեղացիներու հետ, իրր Հայ չմնացին. ողորմելի մնացորդներն ալ այսօր հայ լեզուն մոռցած, գրեթէ բոլորովին օտարացած են:

Հայ գաղթականութիւնը աւելի ևս սաստկացաւ Պարսիկներու և Օսմանցիներու դարեւոր պատերազմներու ատեն: Շատերը կը փախչէին երկու կողուց կողմերու ձեռքէն ազատուելու համար, բայց շատերն ալ բռնի դուրս կը տարուէին իրենց երկրէն: Բռնութիւնով տարուած գաղթականութիւններուն ամէնէն մեծն ու զարհուրելին էր Շահ-Աբբասի կատարածը:

Երբ Շահ-Աբբաս բարձրացաւ Պարսից գահը, հաշտութիւն կնքեց Օսմանցիներուն հետ, 1585ին: Այդ դաշնագիրով Հայաստանը, Վրաստանը և Ասորպատականի մեծ մասը մնացին Օսմանցիներու ձեռքը:

Այդ երկիրներն իրենց ձեռքն առնելով, Օսմանցիներն սկսան սաստիկ նեղել տեղացիները: Կուսակալներու և պաշտօնեաներու հարստահարութիւններէն ազատելու համար, շատ մը Հայեր—կաթողիկոս (Մելքիսեփեկ), մելիքներ ու ժողովուրդ, հեղձեալ անցան Պարսկաստան, ուր Շահ-Աբբաս լաւ կը վարուէր անոնց հետ: Այդ խորամանկ Պարսիկը կ'ուզէր Հայերու ձեռքով



Շահ-Աբբաս

զարգացնել իր երկրին մէջ արհեստներն ու վաճառականութիւնը: Եկող նորեկները սիրով կ'ընդունէր, մեծամեծ արտօնութիւններ կուտար:

Օսմանցիներէն դժգոհ էին նաև շատ մը Գիւրտեր: Ասոնց պէկերէն ալ մէկ քանին՝ անցան Շահ-Աբբասի երկիրը:

Այդ դժգոհ գաղթականներէն մանրամասն տեղեկութիւն առնելով իրենց երկրի մասին, Շահ-

Աբբաս իր բանակով մտաւ Ատրպատական, գրաւեց Քաւրիզը Օսմանցիներու ձեռքէն և պաշարեց Երևանի քերզը: Միևնոյն ատեն իր զօրքերը ղրկեց Արարատեան նահանգի ամէն կողմերը, ժողվել տուաւ բազմաթիւ Հայեր և ուղարկեց Պարսկաստան:

Երևանն առնելէ ետք, իր բանակով առաջ անցաւ ու գրաւեց Կարսը: Հոն իմացաւ որ Օսմանցիները ահագին զօրութիւնով իր դէմ կուգան: Շահ-Աբբաս տեսաւ որ չպիտի կարենայ յաղթել Օսմանցիներուն, ուստի

հրամայեց հաւաքել Կարսէն մինչև Երասխ բնակող բոլոր Հայերը, այրել ու կործանել անոնց գիւղերն ու քաղաքները, ոչնչացնել անոնց պահեստի պաշարները և գերի վարելով Պարսկաստան, բնակեցնել իր ամալի գաւառները ու չէնցնել իր երկիրը: Ատկէ զատ, շահը կ'ուզէր յնասել Օսմանցիներուն. այդ համատարած աւերին մէջ, անոնց բանակը անկարող պիտի ըլլար ուտելիք և բնակարան գտնել:

Շահի զօրքերը ժողվեցին տամնեակ հազարաւոր հայ ընտանիքներ և սկսան բռնութեամբ քշել դէպի Պարսկաստան: Հայ գաղթականներու այդ անպաշտպան հօտին ետևէն կուգար պարսկական զօրք. որ կր փախչէր Օսմանցիներու առջևէն: Երբ Օսմանցիները Կարս հասան, Շահ-Աբբաս հրամայեց աճապարել:

Գաղթական Հայերը հասեր էին Երասխի սփը: Պարսիկ զօրքն ալ եկաւ հասաւ: Կամուրջ չկար գետին վրայ. պիտի անցնէին լաստերով: Լաստերն ալ քիչ էին: Իսկ Օսմանցիները արագօրէն կ'առաջանային, որպէս զի խլին ժողովուրդը Պարսիկներու ձեռքէն, չըրկուին իրենց «կաթնտու կով»էն:

Երբ Օսմանցիները շատ մօտեցան, Շահ-Աբբաս հրամայեց զօրքին ջուրն անցնիլ լաստերով, ինչ գաղթականներն ստիպել որ լողալով անցնին միւս ափը: Ու ժողովուրդը սարսափեցնելու համար՝ Պարսիկները չատերու գլուխները կտրեցին, երկար ձողերու ծայրերն անցուցած՝ սկսան մտրակելով, խարազանելով և սուրի հարուածներով հրել դէպի ջուրը: Մեր, կին, երեխայ և այր լեցուեցան յորդահոս գետին մէջ. տեսարանը զարհուրելի էր. անհամար խեղդուողները իրենց դիակներով ծածկեցին Մայր Արաքսի երեսը:

Նոյն ատենը և գրեթէ նոյն եղանակով Պարսկաս-

տան քչեցին հարուստ և վաճառաչահ Ջուղա քաղաքի քոյոր բնակիչները :

Խեղդուածները , մեռածները և կոտորուածները չհաշուելով , Շահ-Աբրասի տարած հայ գաղթականներութիւր կը հաշուեն 25,000 ընտանիք :

Տանելով իր երկիրը , Շահ-Աբրաս Հայերը բնակեցուց լաւ տեղեր : Ջուղայեցիները Սպահանի քով հիմնեցին Նոր-Ջուղա քաղաքը : Շահը Հայերու հետ շատ լաւ վարուեցաւ , մեծ իրաւունքներ ու արտօնութիւններ տուաւ , չնորհելով նաև կրօնի լիակատար ազատութիւն . յաճախ կ'երթար անոնց տունները , սիրալիր բնորոշուելութիւններ կ'ընէր անոնց , այնպէս , որ պարսիկ ժողովուրդն ալ կը վախնար հալածել Հայերը : Այս պայմաններուն մէջ , Հայերը շուտով զարգացան ու հարըստացան . մեծ առեւտուր սկսան Հնդկաստանի , Հնդկաչինի և Սուստեան կղզիներու , մանաւանդ Ճաւայի հետ :

ԴԱՍ 49. — ՂԱՐԱԲԱՂԻ ՄԵԼԻՔՆԵՐԸ

Պարսիկներու և Օսմանցիներու դարաւոր պատերազմներու ատեն , առ հասարակ Հայաստանի արեւելեան մասը Պարսիկներու ձեռքը կը մնար , իսկ արեւմտեան մեծագոյն մասը՝ Օսմանցիներու : Թէ Պարսկաստանը և թէ անոր ձեռքը մնացած հայկական նահանգները կը բաժնուէին շատ մը մանր մասերու և ամէն մէկ մաս կը վառավարուէր մէկ խանի մը ձեռքով : Այդ խանութիւնները տեսակ մը կիսանկախ , յաճախ նոյնիսկ ժառանգական իշխանութիւններ էին : Խանը պարտաւոր էր հարկ վճարել շահին և պատերազմի

ատեն զօրք հասցնել անոր . իսկ այնուհետև գրեթէ անկախ կը կառավարէր իր երկիրը : Պարսկական հին սովորութիւնները չքացեր էին և անոնց տեղը բռներ էին արաբական և մանաւանդ թաթարական սովորութիւնները :

Հայերը ամէն տեղ հպատակ էին Պարսիկ խաներուն . անոնց ճորտերը , անոնց հլու հնազանդ ծառաները կը համարուէին : Բացառութիւն կը կազմէին Ուտեաց , Արցախի և Սիւնեաց երկիրներու լեռնական մասերու բնակիչները : Այդ երեք գաւառներու սահմանակից մասերը յայտնի են Ղարաբաղ անունով : Այդ շրջանի մէջ կային հինգ մելիքութիւններ—Կիւլատանի , Ջրաբերդի , Սաչէնի , Վարանդայի և Դիզակի : Ասոնք կը կոչուէին Խաւնայի (Խամաս-հինգ) մելիքութիւններ :

Հայ մելիքները կիսանկախ դիրք մը ունէին : Անոնք հարկ կուտային իրենցմէ բարձր խաներուն , պատերազմի ատեն զօրքով կ'օգնէին անոնց , իսկ այնուհետև անկախօրէն կը կառավարէին իրենց լեռնոտ երկիրները :

Մելիքութիւնը ժառանգական էր : Երէց որդին կը կոչուէր մելիք և կը յաջորդէր հօրը , իսկ կրտսերները կը կոչուէին պեկեր և կը կազմէին երկրի ազնուակաշնութիւնը : Մելիքը և կառավարիչ էր , և՛ իշխան , և զօրապետ , և դատաւոր :

Հինգ մելիքութիւններու բնակչութեան թիւն էր իբր 300,000 , — $\frac{2}{3}$ ը Հայ , $\frac{1}{3}$ ը թաթար կամ Պարսիկ (Ատրպատականի թուրք) : Ամէն մէկ մելիք ունէր իր զինուած մարդերը և իր բերդը , կառուցուած լեռնոտ անմատչելի վայրի մը մէջ :

Լաւ չէր Պարսկաստանի վիճակը : Թուրքիոյ դէմ մղուած անվերջ պատերազմները քայքայման դուռն էին հասցուցեր զայն : Խաներն իրարու դէմ անընդհատ

ներքին կռիւներ կը մղէին: Այդ կռիւներու մէջ Ղարաբաղի մելիքները բաւական մեծ դեր կը խաղային, օգնելով մէկ կամ միւս խանին:

Խաներու այդ ներքին խռովութիւններէն ուզեցին օգուտ քաղել հայ մելիքները: Անոնք համախորհուրդ Յակոբ Զուղայեցի կաթողիկոսին հետ, պատգամաւորութիւն մը զրկեցին Եւրոպա, որպէս զի քրիստոնեաներն օգնութիւն հասցնեն իրենց, թօթափելու պարսկական ծանր լուծը: Պատգամաւորներն էին Իսրայէլ Օրի հնդկաստանցի հայ վաճառականը (ծագումով Ղարաբաղցի) և Մինաս վարդապետը:

Պատգամաւորները երկար դիմումներ ըրին պապին



Մեծն Պեռոս

ու եւրոպական թագաւորներուն. բայց միայն Պաւլիէրայի մեծ դուքսը (կայսրընաիրը) սիրտին մօտ ընդունեց անոնց գործը: Անկէ յանձնարարականներ և նիւթական նպաստ տանալով, Օրի և Մինաս վարդապետ անցան Փեթերսպուրկ. Ռուսիոյ հանճարեղ վերանորոգչին, Մեծն Պետրոս կայսեր մօտ:

Պետրոս կայսրը արդէն շատոնց յարաբերութեան մէջ էր Պարսկաստանի, Խրիմի, Հնդկաստանի և Թուրքիոյ հայ վաճառականներու և արհեստաւորներու հետ: Ան իր երկիրը հրաւիրած էր շատ մը հայ առեւտրականներ և արհեստաւորներ. անոնց ձեռքով կ'ուզէր ծաղկեցնել իր երկրի առեւտուրն ու արհեստները: Ատկէ զատ, Պետրոս կայսրը կ'ուզէր ծով ձեռք բերել: Այդ նպատակով մէկ կողմէն աչքը սնկեր էր Պալթիկ ծովուն, միւս կողմէն Սև և Կասպից ծովերու վրայ:

Երբ Օրին ու Մինաս վարդապետը կայսեր պարզեցին իրենց ծրագիրները (1706), կայսրը իսկույն տեսաւ որ Ռուսիա կրնայ մեծապէս օգտուիլ անոնց առաջարկներէն: Անմիջապէս Օրին զրկեց Պարսկաստան, իբր Ռուսիոյ դեսպան, իսկ Մինաս վարդապետը մնաց Ռուսիա և շարունակեց իր յարաբերութիւնները Գանձասարի վանքին հետ (Ղարաբաղ), ուր տեղի կ'ունենային Ղարաբաղի Մելիքներուն գաղանի ժողովները:

Իսրայէլ Օրին գնաց Ղարաբաղ, գաղանի ժողովներ ըրաւ Մելիքներու հետ, անկէ անցաւ Պարսից մայրաքաղաքը, Սպահան, և ապա դարձաւ կայսեր մօտ և յայտնեց թէ Հայերը պատրաստ են ապստամբելու, իսկ պարսկական զործերը շատ գէշ են:

Այդ ատենները Աֆղանները ապստամբեցան արեւելքէն, իսկ հիւսիսէն ալ Կովկասեան լեռնականները (Լէզկիներ) արշաւեցին Պարսից հայկական մասերուն վրայ, կողոպտելով հասան մինչև Սեւանայ լիճը: Հայ Մելիքները Ուտէացոց Յովհաննէս իշխանին հետ միացան և բարբարոս լեռնականները ջախջախելով, վտարեցին իրենց երկրէն (1721):

Պարսկաստանի այս խառն վիճակէն ուղեց օգտուիլ Մեծն Պետրոս: Բազմաթիւ զօրքով եկաւ Կովկաս լեռներու կողմը, գրաւեց Տէրպէնտը. Պաքուն և Կիլանը: Ղարաբաղի Մելիքներն զգացին որ ժամը հասած է

ապստամբելու: Անոնք կ'ուզէին անկախ հայկական իշխանութիւն մը կազմել Ռուսերու հովանաւորութեան տակ:

Դ Ա Ս 50. — Դ Ա Ի Ի Թ Բ Է Կ

Մելիքները մարդ զրկեցին Վրաստան, իրենց ազակից Դաւիթ-Բէկին: Դաւիթ գաղթած էր հոն, և Վրաց զօրքին մէջ մտնելով, մեծ անուն էր հանած իբրև կարիճ զօրապետ: Մելիքները զայն հրաւիրեցին իրենց երկիրը, որպէս զի անցնի հայկական ապստամբութեան գլուխը: Դաւիթ սիրով ընդունեց Մելիքներու առաջարկը և քանի մը ընկերներով աճապարեց Ղարաբաղ. իր կարիճներու խմբակով յարձակեցաւ Ղարա-Չօրլու թուրք վաչկատուն ցեղին վրայ, ջախջախեց և ցիր ու ցան ըրաւ զայն: Իսկոյն Դաւիթի զրօշին տակ հաւաքուեցան 400 կարիճներ: Դաւիթ ջախջախեց Ջիւանչիրներու կատաղի ցեղն ալ (1722): Իր զօրքի թիւը հասաւ 2000ի:

Բոլոր մելիքութիւններու մէջ կազմուեցան հայկական գունդեր, որ եկան միացան Դաւիթի հետ: Հայ բանակը հասաւ 7000ի: Դաւիթ իր զօրքին սպարապետ կարգեց Մխիթար անուն կարիճ Սիւնեցի մը և անոր ալ օգնական նշանակեց Ղափանի Մելիք Փարսատանի փեսան, Տէր Աւետիք քահանան: Միւս զօրավարներէն նշանաւոր էին Ստեփան Շահումեանը (Գենուազէն), Թորոս իշխան (Չանտոտէն) և այլն:

Պարսիկ խաները զգացին սպառնացող վտանգը. միացած ուժերով քարկցին Դաւիթի վրայ. բայց Դաւիթ

յազթեց ամէնուն ալ և իր բնակութիւնը հաստատեց Հալիճօրի անառիկ ամրոցին մէջ:

Պարսից Թահմազ արքայորդին ալ իր հօր գահը ձեռք բերելու համար, այդ ատենները դիմած էր Մեծն Պետրոսի և անկէ օգնութիւն խնդրած:

Օսմանցիները երբ լսեցին Ռուսերու միջամտութիւնը Արեւելքի գործերու մէջ, սաստիկ բարկացան և մեծ զօրքով քայեցին Պարսկաստանի վրայ: Գրաւեցին Երեւանը, Նախիջևանը. Թաւրիզն ու Համատանը. գունդ մըն ալ զրկեցին Սինիք, Դաւիթի վրայ: Օսմանցիներէն սարսափած, Հայերը լքեցին Դաւիթը և քաշուեցան իրենց լեռնածերպերը: Դաւիթ մնաց 450 հոգիով:

Օսմանցիները պաշարեցին Հալիճօրը, բայց հայ կարիճները այնպիսի ջարդ մը տուին որ, թշնամին ահագին աւար և 148 զրօշակ թողելով Հայերուն, փախաւ:

Երկրորդ անգամ եկան Օսմանցիները թարմ գունդերով, բայց կրկին մեծ պարտութիւն կրելով փախան (1726):

Երբ Թահմազ Շահը լսեց Դաւիթի այդ յազթանակները իր թշնամի Օսմանցիներուն դէմ, շատ դժմ մնաց և զայն Իշխանաց իշխան անուանեց, տալով իրաւունք իր անունով դրամ կտրելու: Բայց Դաւիթ միայն երկու տարի վայելեց իր փառքը և մեռաւ 1728ին:

Դաւիթի տեղ՝ Հայերը նշանակեցին Մխիթար սպարապետը: Օսմանցիները երկրորդ անգամ եկան Հալիճօրի վրայ, ահագին զօրութիւնով: Մխիթար դիմադրեց, բայց քանի մը դաւաճան Հայեր սպաննեցին զայն և Ղարաբաղն ինկաւ Օսմանցիներու ձեռքը: Տէր Աւետիքն ալ ընտանիքով գնաց Երուսաղէմ, իր կեանքի վերջին օրերը հոն անցնելու:

Պարսկական գահը ինկաւ եռանդուն և խելացի

Նատիր Ալիի ազդեցութեան տակ: Այս փառասէր և խորագէտ Պարսիկր Ախուրեանի ամբերուն վրայ սուկալիք շարք մը տուաւ Օսմանցիներուն:



Նատիր Եաի

Պարսիկներէն յետոյ, Նատիր Ալի նստաւ Պարսից գահը, Նատիր Շահ անուանով: Շատ լաւ վարուեցաւ Հայերու հետ. բաւեցաւ եղաւ էջմիրածնի հայ կաթողիկոսին, Աբրահամ Կրետացիին հետ: Վերադարձուց էջմիրածնէն խլուած կալուածները, թեթեւցուց հայ ժողովուրդին ծանր վիճակը և հայ Մելիքները հաստատեց իրենց հայրական իշխանութեան մէջ:

Օսմանցիները շատ գէշ ընթացք մը բռնեցին Ղարաբաղի ազատասէր Հայերուն հանդէպ: Ղարաբաղցի ներքին բռնաբարձումները աշխարհի զրուեցան անոնց չորս տարուան տիրապետութենէն (1729-35) որ, գիշեր մը դաւադրութիւն կազմեցին և կոտորելով վրտարեցին իրենց սահմաններէն:

Օսմանեան այս անյաջող

Վերջապէս Նատիր շահի օրով (1746) դադրեցան Պարսիկներու և Օսմանցիներու դարաւ որ պատերազմները. Հայաստանի արեւելեան փոքր մասը, մինչև Նախիջեւան և Երեւան մնաց Պարսիկներու ձեռքը. իսկ Մեծ Հայքի մեծագոյն մասը և ամբողջ Փոքր Հայքն ու Կիլիկիան՝ Օսմանցիներուն:

ԴԱՍ 51. — ՌՈՒՍԻՈՅ ՆՈՒԱՃՈՒՄՆԵՐԸ

Մեծն Պետրոս և Կատարինէ Բ. կայսրուհին չկրցան արևելք անփշական օգնութիւն հասցնել Հայերուն, կամ Պարսիկներու ձեռքէն առնել հայ երկրի ունեւ մասը: Անոնք գրաւած էին իրենց արեւմտեան դրացիներու և Թուրքիոյ դէմ պատերազմներ մղելով: Սակայն թէ Պետրոս Մեծը և թէ անոր անփշական յաջորդները բազմաթիւ հայ գաղթականներ հրաւիրեցին Խրիմէն՝ (որ այն ատեն Թուրքերու ձեռքն էր). Պարսկաստանէն և Հնդկաստանէն: Այդ հայ գաղթականները լեցուեցան Պեսարապիոյ գաւառը, հիմնեցին Տօն գետին վրայ Նախիջեւանը, շէնցուցին Աժտէլխանը, և նոյն իսկ բնակութիւն հաստատեցին Մոսկուայի ու վերջէն ալ Փեթերսպուրկի մէջ: Անոնք իմնեցին Ղզլարն ու Մոզդուզիը հիւսիսային Կովկասի մէջ: Հաստատեցին թիմեհիներու առաջին անկարանները, չերամբարուծութիւն մտցուցին երկրին մէջ, սորվեցուցին մետաքսագործութիւնը և այլն, և այլն: Ռուս կայսրերն ալ Հայերուն մեծ արտօնութիւններ տուին: Նախիջեւանցիները նոյն իսկ անէին իրենց սեփական դատարանները:

Նատիր Շահի մահէն յետոյ, Պարսկաստանը կրկին ինկած էր ներքին խռովութիւններու մէջ և սաստիկ տկարացած: Կատարինէ կայսրունին օգտուեցաւ սակէ և զօրք զրկեց ու գրաւեց Տերպէնտը, Պաքուն և Շամախին, զոր Նատիր շահ ետ էր առած Ռուսերէն: Հայ մելիքները կրկին սկսան իրենց բանակցութիւնները ուսս արքունիքին հետ: Այս անգամ անոնց և կայսրունիին միջնորդն էր Յովսէփ արքեպիսկոպոս Արզութեան Երկայնարագուկը, Պեսարապիոյ առաջնորդը:

Կատարինէ կայսրունիէն ետքը՝ Պօղոս Ա. կայսրը 1797ին զօրք զրկեց և գրաւեց Ղարաբաղը և Վրաստանը՝ առանց կաթիլ մը արիւն թափելու:

Ժ.Թ. դարու սկիզբները Պարսիկները փորձեցին ետ առնել Ղարաբաղը: Կոխը տեսց մէկ քանի տարի: Հայերը միացան փոքրաթիւ ուսս զօրքին և յաղթեցին Աբբաս Միրզա արքայազունի բանակին: Պարսիկները ստիպուեցան 1813ին կնքել Կիւլիստանի դաշնագրը, Ռուսերուն ձգելով Ղարաբաղն ու Գանձակը:

1826ին Աբբաս Միրզա 80,000 զօրքով կրկին քաշեց Ռուսերուն դէմ. պաշարեց Շուշին, գրաւեց Գանձակը և զնաց պէպի Շամքոր: Ռուսերն անոր դէմ զրկեցին Թիֆլիսէն Մատաթօֆ հայ զօրապետը, փոքրաթիւ զօրքով: Անոր միացան հայ կամաւորներ ալ: Շամքորի, Գանձակի և Շուշիի քով երեք անգամ ջախջախելով Պարսիկները, Մատաթօֆ քշեց զանոնք ուսս սահմաններէն դուրս և մտաւ Ղարաբաղ: Ուրիշ բանակ մըն ալ Փասկեւիչի ղեկավարութեամբ զնաց գրաւեց Երեւանը, Էջմիածինը, Նախիջևանը և Թաւրիզը: Այս վերջին բանակին միացած էր Թիֆլիսի Հայոց առաջնորդ Ներսէս Աշտարակեցին, անցած 10,000է

աւելի հայ կամաւորներու գլուխը: Հայ կամաւորները և իրենց վեհ առաջնորդը կը կուռէին մեծ հայրենասիրութեամբ, որովհետեւ ուսս արքունիքէն խոստով առած էին հայկական ինքնավար նահանգ մը ստեղծելու համար:

Այդ պարտութիւններուն հետեւանքով, Պարսիկները Կուր և Երասխ գետերու միջեւ գտնուած հայ նահանգները ձգեցին Ռուսերուն և յանձն առին չարգիլել Պարսկաստանէ Ռուսիա գաղթել ուզող Հայերը (1828 փետրվար): Եւ 40,000 Հայեր ելան Ատրպատականէն ու եկան շէնցուցին Շահ Աբբասի աւերած Արարատեան դաշտը:

Հաղիւ պարսկական պատերազմը վերջացաւ, Նիքօլա Ա. Յարր պատերազմ հրատարակեց Թուրքերուն դէմ: 1828 ապրիլին նոյն Փասկեւիչ զօրապետը Կիւմրիէն (Ալէքսանդրօպօլ) անցաւ, գրաւեց Կարսը, Պալազիտը և Կարինը, իսկ աւելի մեծ զօրաբանակը անցաւ Գանձուրը և հասաւ Էտիրնէ: Սուլթան Մահմուտ Աղրիանուպօլի մէջ դաշն կնքեց Ռուսերու հետ և անոնց թողուց Անապան, Փոթին, Ախալցխան և Ախալքալաքը:

Պատերազմի ատեն Կարինի Հայերը մեծ օգնութիւն էին հասուցած Ռուսերուն. այդ պատճառով ալ կը վախճային պէյերու և պաշիպօղուքներու վրիժառութենէն: Ահաբեկ և աւելի հանգիստ կեանք վարելու յուսով, Կարինի, Պայազիտի, Ալաշկերտի և Կարսի շրջաններէն 90,000 Հայեր 1830ին գաղթեցին Կովկաս և բնակեցան Կիւմրի, Ախալցխա և Ախալքալաք քաղաքներու մէջ:

Ռուսերը անգամ մըն ալ պատերազմ հրատարակեցին Թուրքերու դէմ 1853—56 թուականներուն:

Ռուսական բանակները կրկին կովկասէն անցան, առին Կարսը և Կարինը՝ Բէհրուժեան հայ զօրապետին հրամատարութեան տակ: Անցան նաև Դանուբը, տիրեցին Թուրքիոյ պալքանեան երկիրներէն մէկ մասին: Բայց այս անգամ Անգլիա և Ֆրանսա միացան Թուրքիոյ, նաւատորմ զրկեցին և պաշարեցին ու առին Սեւաստաբոլ քաղաքը և Խրիմի թերակղզին: 1856ին հաշտութիւն կնքուեցաւ. Ռուսերը ստիպուեցան Թուրքերուն վերադարձնել Կարինն ու Կարսը:

Վերջապէս, 1877ին, Ռուսերը անգամ մըն ալ պատերազմեցան Թուրքիոյ դէմ: Այս անգամ պատերազմի պատրուակն եղաւ Պոսնա-Հէրցեքի և Պուլկարիոյ սլաքըխտոնեաներու ազատումը: Ռուսիոյ կովկասեան բանակներու զխաւորները դարձեալ Հայերն էին — Լորիս Մելիքեան, Տէր Ղուկասեան, Շելկօյնիկեան, Լազարեան և այլն: Ասոնք յարձակումով գրաւեցին Պայազիտը, Կարսը, Արտահանը, Պաթումը և այլն և հասան Կարին: Իսկ աւելի մեծ բանակները, միացած ուսմէն և սերպ բանակներու հետ, անցան Դանուբը, գրաւեցին Պալքանները, Էտիրնէն և մտան Կ. Պոլսոյ արուարձաններէն Սան-Ստէֆանօ:

Սան-Ստէֆանօի մէջ Ռուսերը և Թուրքերը հաշտութիւն կնքեցին, յօդուած մըն ալ աւելցնելով Հայերու մասին (16րդ յօդուած): Այդ յօդուածով Թուրք կառավարութիւնը յանձն կ'առնէր բարեկաւել Հայերու վիճակը: Ատկէ զատ, Ռուսիա ստացաւ Պաթումը, Արտահանը, Կարսը և Կաղզուանը:

Այսպիսով Հայաստանը բաժնուեցաւ երեք պետութեան միջև. Փոքր Հայքը և Կիլիկիան ամբողջապէս ու Մեծ Հայքի մէկ խոշոր մասը մնացին Թուրքիոյ, Մեծ Հայքի մէկ կարեւոր մասը ինկաւ Ռուսիոյ, իսկ փոքր մաս մըն ալ մնաց Պարսիկներէ և ձեռքը:

Վերջին պատերազմին ատեն ալ Հայերը մեծ աջակցութիւն ընծայեցին Ռուսերուն, որով իրենց դէմ գրգռեցին տեղացի մահմէտականները և թուրք կառավարութիւնը: Հոչակաւոր Շէյխ Իպատուլլանը և քիւրտ տէրէպէյիները մեծ կոտորածներ ու աւեր ըրին Թուրքիոյ հայ գաւառներու մէջ: Դարձեալ բազմաթիւ Հայեր Թուրքիայէն գաղթեցին և բնակեցան Կարսի ու Երեւանի նահանգներուն մէջ:

ԴԱՍ 52. — ԹՈՒՐԿԻՈՅ ՀԱՅԵՐԸ

Թուրքերու տիրապետութիւնը արագօրէն կ'առաջանար: Բանի դեռ երկիր մը կամ քաղաք մը չէին գրաւած, քանի դեռ կռուի մէջ էին, Թուրքերը կը վարուէին շատ խիստ, նոյն իսկ Թաթարներուն հաւասարող կատաղութեամբ: Իսկ երբ կը գրաւէին այդ քաղաքը կամ երկիրը, համեմատաբար շատ աւելի մեղմ կը վարուէին բնակիչներու հետ: Անոնք բոլոր տիրուած ոչ-մահմէտական ազգերուն թաղուցին իրենց կրօնական ազատութիւնը և տեսակ մը ազգային կազմակերպութիւններ տուին անոնց: Յոյները, Հայերը, Սուրիացիները, Հրեաները ամէնքն ալ իրենց ազգային գործերը կը վարէին իրենց կրօնապետներու և անոնց խորհրդականներու ձեռքով: Թուրք կառավարութիւնն անոնց տուած էր տեսակ մը ներքին ինքնավարութիւն:

Սուլթան Մէհմէտ Բ. Յաթիհ երբ գրաւեց Կ. Պոլիսը (1453), Յոյները կը կազմէին այդ քաղաքի բնակիչներու ստուար մեծամասնութիւնը: Յաթիհ տեսաւ որ անյարմար է շատ խիստ վարուիլ անոնց հետ, եթէ ոչ միշտ կրնան դաւադրել, ապստամբիլ: Ուստի

անոնց պարգեւեց իրենց ներքին գործերը վարելու համար ինքնուրոյն ազգային վարչութիւն մը: Բայց միւս կողմէն ալ ամէն ջանք թափեց, Պոլսոյ մէջ ստեղծելու թուրքերէ և ուրիշ վստահելի տարրերէ բազկացած ազգաբնակչութիւն մը, որպէս զի Յոյները չմնան միշտ մեծամասնութիւն: Ասոր համար, բացի իր գորքերէն և անհամար պաշտօնեաներէն, ասիական գաւառներէն բերաւ բազմաթիւ զաղթական թուրքեր և բնակեցուց Պոլսոյ մէջ:

Տիրուած ժողովուրդներու ամէնէն վստահելիներէն մէկն ալ Հայն էր: Փոքր Ասիոյ գաղթական Հայերը, կտրուած իրենց հայրենի հողէն, երբեք չէին կրնար մըտածել ազատամբութեան մասին: Փաթի՛ն մայրաքաղաքի բնակիչներն ազատեց զինուորական ծանր ու ստորնացուցիչ տուրքէն, քանի մը ուրիշ առտօնութիւններ տուաւ առեւտրականներուն և արհեստաւորներոյն, այնպէս որ շատ արագ աճեցաւ Հայերու թիւը Կ. Պոլսոյ մէջ: Այն ատեն Փաթի՛ն Պրուսայի առաջնորդ և իր անձնական բարեկամ Յովակիմ եպիսկոպոսը հրաւիրեց Պոլիս, 1461ին, և նշանակեց թուրքիոյ և Կ. Պոլսի Հայերու կրօնապետ կամ Պատրիարք, տալով անոր ոչ միայն կրօնական, այլ և շատ մը քաղաքական ու քաղաքացիական իրաւունքներ:

Փաթի՛ն ուզեց ասով ազատել Հայերը էջմիածնի կաթողիկոսին ազդեցութենէն, որովհետեւ կաթողիկոսը կը գտնուէր պարսիկ իշխանութեան տակ:

Թուրքիոյ Հայերը, որ կը կազմեն հայութեան մեծամասնութիւնը, մինչև ժ.թ. դարու կէսերը կը կառավարուէին իրենց պատրիարքով և զայն շրջապատող քահնի մը երեսէյիներով, որոնք կը կոչուէին ավիրաներ: Ա-

միրան հարուստ Հայ մըն էր, մեծ մասով այս կամ այն փաշային սարաֆը, անոր խորհրդատուն և պաշտպանեալը: Սակայն եղած են այնպիսի ամիրաներ, որոնք իրենց անձնական մեծ կարողութեանց շնորհիւ արժանացած են պետական բարձր պաշտօններու: Օրինակ՝ երկար ժամանակ արքունի վառօդապետութեան պաշտօնը կը գտնուէր Տասեան գերդաստանի ձեռքը ժառանգաբար, դրամահատութիւնը՝ Տիւզեաններու, արքունի ճարտարապետութիւնը՝ Պալեաններու ձեռքը և այլն: Աւիրաւ արաբական տիաղոս մըն է, որ կը նշանակէ իշխող կամ տիրող: Այդ ազգեցիկ ամիրաները կը նշանակէին պատրիարքն ու առաջնորդ. անոնք կը հրամարեցնէին պատրիարքները ու առաջնորդները, անոնք կը վարէին ազգային ամէն գործերը: Ժողովուրդը և ոչ մէկ մասնակցութիւն ունէր ազգային գործերու մէջ:

Ամիրաներու այս բռնակալ և կամայական վարչութիւնը շարունակուեցաւ մինչև ժ.թ. դարու կէսերը: Երբ թուրքիոյ Հայերու մէջ դպրոցներ բացուեցան, երբ երեւան եկան կրթուած, ուսում առած երիտասարդներ, այն ատեն ժողովուրդի մէջէն բողոքի ձայներ սկսան բարձրանալ ամիրաներու ինքնակալութեան դէմ:

Այս շարժման գլուխ կանգնած էին սկիզբները (1840 թուական) Էսնաֆ դասակարգի մարդեր: Ասոնք 10—15 տարի կուր մղելով ամիրաներու դէմ, կրցան իրաւունք ձեռք բերել մասնակցելու ազգային գործերու, ամիրաներուն հաւասար չափով: Իսկ ետքէն ժողովրդական շարժման գլուխ անցան Եւրոպայ կրթութիւն ստացած կորովի երիտասարդներ — ինչպէս Կրիզոր Օտեան, Նիկողայոս Պալեան, Ռուսինեան, Սերվիչէն, Ալաթօն և այլն: Այդ ատենները ծագեցաւ Խրիմի կործանարար պատերազմը: Թուրքիա պար-

տուեցաւ Ռուսիայէն Կովկասի և Դանուբի սահմաններուն վրայ, բայց Ռուսիա ալ պարտուեցաւ Թուրքերուն օգնութեան եկած Անգլիացիներէն և Ֆրանսացիներէն: Պատերազմէն տկարացած և ուժասպառ Թուրք կառավարութիւնը չուզեց ձնչել հայ ժողովուրդին մէջ ծնած ազատական շարժումը: Այդ կրթուած, մտաւորական երիտասարդութիւնը, միացած արհեստաւորութեան հետ, մշակեց հայ ազգային գործերը վարելու համար կանոնադրութիւն մը, զոր ներկայացուց կառավարութեան «Հայոց Ազգային Սահմանադրութիւն» անունով, և Թուրք կառավարութիւնն ալ հաստատեց զայն 1860 մայիս 24ին:

Այդ Սահմանադրութեան համեմատ, հայ ժողովուրդի բոլոր գործերը կը վարեն ազգային իշխանութիւնները: Ազգը կ'ընտրէ 120 աշխարհական երեսփոխան, իսկ հոգեւորականները կ'ընտրեն 20 կրօնական երեսփոխան և այդ 140 ընտրեալները կը կազմեն Ազգային Ընդհանուր Ժողովը:

Սակայն ընտրութիւնը չի կատարուիր արդար ձեւով — ամբողջ ազգին կողմէն: 120 աշխարհական երեսփոխաններէն միայն 40ը գաւառներէն են և 80ը Կ. Պոլսի Հայերէն. իսկ 20 հոգեւոր երեսփոխաններէն և ոչ մէկը գաւառէն կ'ընտրուի. բոլորն ալ կ'ընտրուին 4. Պոլսոյ հայ կղերականներու ձեռքով: Այսինքն՝ գաւառի 1½—2 միլիոն հայութիւնը ունի ընդամէնը 40 երեսփոխան, իսկ միայն Կ. Պոլսոյ 150,000 Հայերն ունին 100 երեսփոխան:

Ազգային Ընդհանուր Ժողովը կ'ընտրուի տասը տարուան համար. բայց երկու տարին անգամ մը անոր 1/5 մասը կը նորոգուի նոր ընտրութիւնով: Անոր պաշտօնն է մասնակցիլ Հայոց ընդհանրական

կաթողիկոսի ընտրութեան, պատրիարքներ ընտրել, Ազգային վարչութիւններու գործունէութիւնը քննել, անոնց ուղեգրի պատրաստել, բոլոր մարմիններու հաշիւները քննել, անոնց մէջ ծագած անհամաձայնութիւնները դատել և այլն:

Ընդհանուր Ժողովը կ'ընտրէ 14 եկեղեցական անդամներէ Կոնստանտնուպոլիս մը և անոր կը յանձնէ բոլոր կրօնական գործերու վարչութիւնը, ու նաև 20 աշխարհական անդամներէ կազմուած Քաղաքական Ժողով մը, որուն կը յանձնէ բոլոր ազգային աշխարհական գործերը: Քաղաքական Ժողովն ալ կը կազմէ չորս Խորհուրդներ—1) Ուսումնական, 2) Տնտեսական, 3) Դատաստանական և 4) Վանքերու տեսչութեան: Քաղաքական Ժողովը կը կազմէ նաև երեք հոգաբարձութիւն — 1) Եկեմտից, 2) Կտակներու և 3) Հիւանդանոցի:

Ազգային Վարչութեան գլուխն է Պատրիարքը, որ կը նախագահէ ընդհանուր Ժողովներուն:

Գաւառներուն մէջ ալ կան նոյն ձեւով գաւառական Ժողովներ ու վարչութիւններ, որոնց նախագահն է առաջնորդը: Առաջնորդը պարտաւոր է հսկել գաւառներու մէջ Սահմանադրութեան անթերի գործադրութեան վրայ:

Սակայն այս ամէնը Թուրքիոյ հայութեան կեանքի մէկ կողմն է. աւելի ճիշդ՝ Կ. Պոլսոյ հայութեան կեանքն է: Այնպէս չէր գաւառի հայութեան կեանքը:

Երբ Թուրքերը վերջնականապէս տիրեցին Հայաստանի մեծ մասին, անոնք չուտով կորսնցուցին իրենց սկզբնական չրջանի պարզութիւնը և համեմատաբար մեղմ ընթացքով բոլոր տիրուած քրիստոնեաները զրկուեցան զէնք կրելու իրաւունքէ. Հայը զինուոր չէր տար, այլ անոր փոխարէն կը վճարէր գլխաւարկ (խա-

քած), որ յետոյ կոչուեցաւ պէտէյը ասփրիէ : Իսկ Հա-
յու դրացին, բարբարոս Քիւրտը մնաց միշտ գինուած :
Ատեն մը Քիւրտն ու Թուրքը միացած սկսան կեղեքել
անզէն Հայր : Քրիստոնեան իրաւունք չունէր կարմիր
Ֆէս դնելու, այս կամ այն ձևով զգեստ հագնելու . ան
իրաւունք չունէր պետական պաշտօններ վարելու . ա-
նոր վկայութիւնը անընդունելի էր դատարանի մէջ,
եթէ դիմացը կար մահմետականի վկայութիւն : Մէկ
խօսքով՝ Հայը ուայա էր (ուայա արաբերէն կը նշանակէ
հօս), ճորտ, իսկ մահմետականը՝ տիրող, ազնուական :

Կրօնական ու անտեսական հայաժանքը գաւառնե-
րու մէջ սոսկալի չափերու հասան : Հայերը ինկան ծայ-
քայեղ չքաւորութեան մէջ : Կառավարութիւնը չչինեց
ոչ դպրոցներ, ոչ ճամբաներ, ոչ երկաթուղիներ, ոչ այ
լիճերու վրայ չողակներ : Հինէն մնացած ջրանցքներն
ու այլ հիմնարկութիւնները, անտառներն ու դրամատա-
լին այգիները ոչնչացան, երկիրը և ժողովուրդը մնա-
ցին խաւար ու ազքաւ վիճակի մէջ :

Պաշրպօզութներու, Քիւրտերու, Չէրքէզներու և
Ղազերու հայաժանքներէն յուսահատած, բազմաթիւ
Հայեր գաղթեցին Թուրքիայէն, յեցուեցան Կովկաս,
Պուլկարիա, Եգիպտոս, Ամերիկա : Իսկ բռնակալ կա-
ռավարութիւնն անոնց տեղը հաստատեց մահմետական
ձևահանձիրներ՝ (գաղթական) և այսպէսով Հայերու թիւը
նուազեցուց հայ երկրին մէջ :

1870ին, Ռուս-թրքական պատերազմէն յետոյ՝
գումարուեցաւ Պերլինի վեհաժողովը : Հոն մեծ պե-
տութիւնները քննութեան առին Թուրքիոյ և Ռուսիոյ
միջեւ Սան Ստէֆանօի մէջ կնքուած դաշնագիրը և
կազմեցին Պերլինի Դաշնագիրը : Այս վերջինին 61րդ
յօդուածը կը վերաբերի Հայերու . ան կը պարտաւո-

րեցնէր Թուրքիան՝ բարենորոգումներ մտցնել հայկական
գաւառներուն մէջ :

Սակայն ոչ միայն բարենորոգումներ չմտցուցին,
այլև հալածանքները և թշուառութիւնները հասան ծայ-
քայեղ չափերու, Սուլթան Համիտի օրով : Հայ ժողո-
վուրդն այլևս անկարող եղաւ տոկալ այդքան հալա-
ժանքի, և դիմեց ապստամբութեան : Տեսնելով իր
«սարուկ» Հայերու ըմբոստացումը, Համիտ դիմեց սոս-
կալի միջոցներու . կազմակերպեց ընդհանուր հայկա-
կան կոտորածներ, որպէսզի այնքան նուազեցնէ Հա-
յերու թիւը, որ այլևս չկարենան բռնութեան դէմ
բողոքել :

Սակայն համիտեան բռնութիւնները արթնցուցին
նաև Թուրք ժողովուրդի առաջադէմ մասը և 1908
յուլիս 10ին հռչակուեցաւ Օսմանեան Սահմանադրու-
թիւնը :

Թուրքիա խիստ յետամնաց է նաև կրթական տե-
սակէտով : Առաջին հայ կանոնաւոր միջնակարգ զբո-
րոցը բացուեցաւ Կ. Պոլսոյ Սկիւտար թաղին մէջ, ձե-
ւարան Սրբոյ Երուսաղիմայ անունով՝ 1838ին : Սակայն
հազիւ 4—5 տարի կանոնաւոր կեանք ունեցաւ . շու-
տով փակուեցաւ և երբ նորէն բացին, եղաւ հասարակ
թաղային վարժարան մը : 1878էն վերջ Կ. Պոլսոյ մէջ
հիմնուեցան քանի մը ընկերութիւններ (թէ այրերու և
թէ կիներու) որոնք նպատակ դրին հայ գաւառներու
մէջ վարժարաններ բանալ : Մկրտիչ Սանասարեան հա-
րուստ Հայը հիմնեց Սանասարեան վարժարանը Կարինի
մէջ (1880), իսկ նոյն ատենները բացուեցաւ Պոլսոյ
Կեղերոնական վարժարանը, որ մինչև այսօր կը մնայ :

Թուրքիոյ հայութեան գրականութիւնը զլիսաւորա-
պէս կեղբոնացած է Կ. Պոլսոյ և Զմիւռնիոյ մէջ . գա-

ւառները զուրկ են եղած գրականութենէ: Սահմանա-
դրութեան հոչակումով միայն մամուլն սկսաւ թա-
փանցել նաև հայկական գաւառները, ու շատ տեղեր
ապարաններ բացուեցան և թերթեր կը հրատարակուին:

ԴՍՍ 53. — ՌՈՒՍԻՈՅ ՀԱՅԵՐԸ

Նատիր Շահի մահէն յետոյ, Պարսկաստան ինկաւ-
ներքին խռովութիւններու մէջ: Խռովութիւններու ա-
տեն ամէնէն աւելի կը տուժէին Հայերը: Նոյն այդ ա-
տենները ռուս կառավարութիւնը մեծ սէր և հոգածու-
թիւն կը ցուցնէր դէպի այն Հայերը, որոնք կը դիմէին
իր երկիրը: Այս պատճառով Պարսկաստանէն, մանաւանդ
Նոր-Ջուղայէն, Սպահանէն և Ատրպատականէն բազ-
մաթիւ հարուստ հայ վաճառականներ և արհեստաւոր-
ներ գաղթեցին Ռուսիա: Անոնցմէ ոմանք բնակեցան
Մոսկուա և Փեթերսպուրկ մայրաքաղաքներու մէջ,
ինչպէս հարուստ Լազարեան տոհմը, իսկ շատերն ալ
մնացին հիւսիսային Կովկասի մէջ և հիմնեցին Ղզլար,
Մոզաոկ և Արմաիր քաղաքները, չէնցուցին Աժախ-
խանը, Ս. Խաչը և այլն: Երբմէն ալ թուրք իշխանու-
թենէն դժգոհելով, գաղթեցին բազմաթիւ Հայեր և հիմնե-
ցին Նոր-Նախիջևան քաղաքն իր շրջապատ 5-6 հայ գիւ-
ղերով:

Այս ամէնը կատարուեցաւ Ժ.Ղ. դարու մէջ, երբ
գեռ Ռուսերը չէին գրաւած ոչ մէկ հայկական գաւառ:
Գաղթական Հայերը արագօրէն զարգացան,
իրենց աշխատասիրութեան ու եռանդին շնորհիւ, ձեռք
բերին մեծ հարստութիւն: Անոնք զարգացան նաև մը-

տաւորապէս: Լազարեան մեծահարուստ տոհմը շինել
տուաւ Մոսկուայի և Փեթերսպուրկի Հայոց եկեղեցինե-
րը, որոնք այսօր ահագին կալուածներու տէր են: Նոյն
տոհմը 1818ին հիմնեց Արեւելեան լեզուներու Լազարեան
ձեռնարանը Մոսկուայի մէջ: Նոր-Նախիջևանի մէջ բաց-
ուեցաւ հայ երկրորդական դպրոց մը, Հոգեւոր-Սեպիւս-
րիոնը կամ Գարանոցը: Աժախիսան ունեցաւ իր Աղա-
պպեան երկրորդական վարժարանը, իսկ Երբմի Թէո-
գոսիա քաղաքին մէջ 50ական թուականներուն ծաղկե-
ցաւ Խաչիպեան վարժարանը:

Երբ Ռուսերը գրաւեցին Վրաստանը, Ղարաբաղը և
Շամախին, Թիֆլիսի Հայերու առաջնորդն էր Ներսէս
արքեպ. Աշտարակեցին: Այս սաղանդաւոր հոգեւորա-
կանը հասկցաւ Թիֆլիսի կատարելիք ապագայ դերը և
հոն հիմնեց իր անունով երկրորդական վարժարան մը,
1826ին: Ներսիսեան վարժարանը խիստ մեծ դեր է կա-
տարած ոչ միայն Ռուսահայերու, այլ մասամբ և Պարս-
կաստանի և Թուրքիոյ Հայերու կեանքին մէջ: Այս օր-
ուայ կովկասեան հայ հոգեւորականներու, գրողներու և
գործիչներու մէկ ստուար մասը անոր սաներէն են:

1838ին հիմնուեցաւ Շուշիի թեմական դպրոցը, իսկ
անկէ 15-20 տարի ետք՝ Երեւանինը: Վերջապէս 1874ին
Գէորգ Գ. կաթողիկոսը հիմնեց Էջմիածնի ձեռնարանը:

Այրերու կրթութեան հետ զուգահեռաբար սկսաւ
ծաղկիլ և աղջիկներու կրթական գործը: Սակայն այս
ճիւղին մէջ առաջ գնաց միայն Թիֆլիսը, ուր այսօր կան
երկու երկրորդական վարժարաններ աղջիկներու համար,
Գովկասեան և Գայիանեան անունով: Ասոնցմէ է եղած
կովկասեան հայ վարժուհիներու մէկ կարեւոր մասը:

Կովկասեան հայութեան մտաւոր զարգացման այս
արագ ընթացքը, սակայն, խանգարուեցաւ 1884ին: Ռուս

կառավարութիւնը գոցից հայ եկեղեցական - ծխական դպրոցները: Անոնք վերաբացուեցան 1886ին, շատ համեստ ու կրճատուած ծրագրով, բայց նորէն գոցուեցան իշխան Կօլիցինի հայահալած վարչութեան օրով: Այդ իշխանը 1903ին գլխուց նաև հայ դպրոցներու և եկեղեցիներու կալուածները, մինչև որ վրայ հասան 1905ի ռուսական յիզախութեան չարժուճները. երբ թէ՛ խրուած հայ ազգային կալուածները ետ առնուեցան և թէ գոցուած դպրոցները վերաբացուեցան:

Բացի հայ ազգային դպրոցներէն, Ռուսիոյ հայութիւնը մեծապէս օգտուեցաւ և այսօր ալ կ'օգտուի ռուսական անհամար ստարրական, երկրորդական և բարձրագոյն դպրոցներէն: Ընդհանրապէս դպրոցները կը ծառայեն նաև իրր ռուսացման միջոց. սակայն իր երկրին վրայ ապրող Հայը այնչափ ալ արագ չի օտարանար:

Ռուսական հարուստ ինքնուրոյն և մանաւանդ թարգմանական գրականութիւնը մեծապէս կը նպաստէ կովկասեան Հայերու առաջընթացութեան գործին:

Ռուսիա երբ գրաւեց հայկական բարերը նահանգներու մէկ մասը, իսկոյն հոն շինեց բազմաթիւ յարմար խճուղիներ, վերջերն ալ երկաթուղիներ. սպահովեց ճամբաներու երթիւնքը, ոչնչացուց աւազակութիւնը և այլն: Այս խաղաղութենէն ամէնէն աւելի օգտուեցան Հայերը. անոնք իրենց ձեռքն առին երկրի առևտուրը և արդիւնագործութիւնը. երեւան եկան հայ գործարանատէրեր ու կալուածատէրեր, որոնց դիմաց կազմակերպուեցաւ հայ բանուորութիւն մը և աշխատաւոր զիւղացի դաս մը:

Հայը ռուսական խաղաղ տիրապետութեան օրով զարգացաւ թէ անտեսապէս և թէ մտաւորապէս: Պարսիկներու և Օսմանցիներու դարաւոր պատերազմներէն

ամայացած ու մարդազուրկ Արարատեան հրաշագեղ դաշար յեցուեցաւ Հայերով ու շէնցաւ: Այսօր միայն Երևանի նահանգին մէջ 600,000 Հայ կայ, իսկ Ռուսիոյ հայութիւնը 1 $\frac{1}{2}$ միլիոնի կը հասնի:

Ռուսիա, գրաւելով հայ երկրի մէկ մասը, մանաւանդ Էջմիածինը, ուր կը նստի հայ եկեղեցիի գերագոյն պետը, — որոշ օրէնքներ ու կարգեր սահմանեց, Հայերու կրօնական և ազգային-դպրոցական, բարեգործական և այլ գործերը վարելու համար (1836): Այդ օրէնքները կը կազմեն փոքրիկ ժողովածու մը, որ կը կոչուի Պօթոճեկիս:

Պօթոճեկիսի համեմատ, Հայոց եկեղեցիին պետն է կաթողիկոսը. կրօնական և դատական բոլոր խնդիրները անոր իրաւասութեան տակ են. ան կը հսկէ Հայոց եկեղեցիի հաւատալիքներու մաքրութեան և ծէսերու անթերի գործադրութեան վրայ: Կաթողիկոսը կ'ընտրուի ամբողջ հայ ազգին կողմէ զրկուած պատգամաւորներով: Պատգամաւոր կ'ըլլան հոգևորականներ, — թեմերու առաջնորդներ, և աշխարհականներ, որ կ'ընտրուին թեմի ժողովուրդին կողմէ: Աշխարհի ամէն կողմ ցրուած հայ ազգութեան պատգամաւորները կը հաւաքուին Էջմիածնի Մայր-Տաճարին մէջ և նախ կը կազմեն արժանաւորագոյն եկեղեցականներէ քառանուն ցանկ մը. յետոյ այդ ցանկէն կ'ընտրեն երկու կաթողիկոսացուներ և կը ներկայացնեն Ռուսիոյ Զարին. ան ալ կը հաստատէ երկուքէն մէկը, իր յարմար տեսածը:

Կաթողիկոսը մինակը չի վարեր բոլոր կրօնական և ուրիշ ազգային գործերը. անոր քով կայ ութ հոգևորականներէ բաղկացած ատեան մը, որ կը կոչուի Սինոդ: Կաթողիկոսը սինոդին ատենապետն է: Սինոդի անդամութեան համար կաթողիկոսը կ'ընտրէ երկ-երկու հոգևոր

անձեր և կը ներկայացնէ կայսերական հաստատութեան . կայսրը կը հաստատէ այդ երկուքէն ո՛րը որ ուզէ : Սակայն կայսրը կրնայ նաև չհաստատել և ոչ մէկը , և հրամայել որ նոր մարդ առաջարկեն : Սինոդի պարտականութիւնն է 1. Հսկել հայ վանքերու , եկեղեցիներու , դպրոցներու և ուրիշ ազգային հաստատութիւններու և կամուաներուն և բարեկարգութեան վրայ . 2. Թոյլտուութիւն ընել աշխարհականներուն՝ ըլլալ հոգեւորական և անարժան հոգեւորականները արձակել իրենց կոչումէն . 3. Լուծել ամուսնական խնդիրներ (հաս և չհաս , ամուսնալուծութիւն և այն) . 4. Հոգ տանիլ հոգեւորականներու որրերուն և այրիներուն . 5. Պահել հայ հոգեւորականներու և հայ ծուխի մարդահամարը (ծնածը , մեռածը և այն) և ամէն տարի այդ մասին հաշիւ սալ ներքին գործերու նախարարին . 6. Քննել թեմակալ առաջնորդներու և սինոդի անդամներու դէմ եղած գանդատները և ի հարկին պատժել , անչուշտ նախապէս ստանալով կառավարութեան թոյլտուութիւնը :

Սինոդին մէջ կայ պետական պաշտօնեայ մը , որ կը կոչուի պրօկուրօր (դատախազ) : Այդ պաշտօնեան կը հսկէ որ Սինոդը ճշտութեամբ գործադրէ իրեն համար սահմանուած պետական օրէնքը :

Ռուսիոյ Հայերը ունին վեց թեմ : Ամէն մէկ թեմ ունի իր առաջնորդը : Առաջնորդութեան համար կաթողիկոսը կ'ընարէ երկու թիկնածու և կը ներկայացնէ կայսերական հաստատութեան . կայսրն ալ կը հաստատէ իր յարմար դատածը :

Թեմակալ առաջնորդին քով կայ հոգեւոր ատեան մը , որ կը կոչուի Կոնսիսօրիա : Ասոր ատենապետը առաջնորդն է : Առաջնորդ և կօնսիստորիա միասին կը վարեն թեմին գործերը :

Ռուսահայ թեմերը շատ մեծ ըլլալով , կը բաժնուին Վիճակներու : Վիճակն ունի իր յայտնողը (առհասարակ վարդապետ մը) և իր հոգեւոր ատեանը : Վիճակն ալ իր կարգին կը բաժնուի գործակաշուքիւններու , որոնց գլուխը կանգնած կ'ըլլան գործակալ քահանաներ կամ վարդապետներ :

Գործակալը կ'ենթարկուի վիճակաւոր յաջորդին և անոր հոգեւոր ատեանին . ասանք ալ կ'ենթարկուին առաջնորդին ու կօնսիստորիային , իսկ վերջինները՝ կաթողիկոսին և սինոդին :

ԴԱՍ 54. — ՊԱՐՍԿԱՍՏԱՆԻ ՀԱՅԵՐԸ

Լաւ վիճակ մը չեն ունեցած Պարսկաստանի Հայերը : Պարսկական բռնութիւններէն և կրօնական հալածանքներէն նեղուած , Հայերը շարունակ կը գաղթէին անկէ և լեցուեցան Ռուսիա : Մինչև ժԹ . դարու սկիզբը բոլոր գաղթածները անգաւորուած էին Ռուսիոյ ոչ-հայկական գաւառներու մէջ . իսկ երբ Ռուսիա գրաւեց Հայաստանի մէկ մասը , Պարսկաստանէն Հայերը լեցուեցան Ռուսիոյ հայկական գաւառները և չէնցուցին զանոնք :

Այսօր ամբողջ Պարսկաստանի մէջ հազիւ 60-70000 Հայ կայ : Անոնք կը բնակին Ատրպատականի (Թաւրիզ , Սալմաստ , Խոյ) , Թէհրան մայրաքաղաքի և Նոր-Ջուղայի կողմերը :

Թէ նիւթապէս և թէ մանաւանդ մտուորապէս Պարսկահայերը խիստ ետ են մնացած : Պարսիկները չունին ոչ մէկ կանոնաւոր դպրոց , ոչ միայն բարձրագոյն կամ երկրորդական , այլ նոյն իսկ տարրական : Անոնց

Ահսրեակները հին խայրֆայական ձեւով են. միևհրներու վրայ նստած, մօլլայի մը ղեկավարութեամբ քիչ մը կրօնական գրքեր կարդայ կը սորվին, քիչ մըն ալ գրել: Այս է ամբողջ գիտութիւնը:

Հայերը չէին կրնար ուրեմն՝ օգտուիլ կառավարական դպրոցներէ. ստիպուած իրենք սկսան դպրոցներ բանալ Թաւրիզ և Թէհրան (երկրորդական դպրոց, գաւառական իտատիի ծրագրով), իսկ յետոյ ալ Սալմաստ և Նոր-Ջուղա (տարրական դպրոցներ), որոնց մէջ ուսուցչի պաշտօն կը վարէին մեծամասնաբար կովկասէն կամ Թուրքիայէն գացած հայ ուսուցիչներ:

Պարսկաստանն ալ զորկ ըլլալով հազորդակցութեան ճամբաներէ, առևտուր և արհեստ շատ ետ են մնացած և Հայերն ալ նիւթապէս խեղճ վիճակի մէջ են: Անոնցմէ շատեր կ'երթան կովկաս գործ գտնելու, որպէս զի գէթ կառավարութեան և կալուածատէրերու հարկերը վճարելու դրամ վառտկին:

Պարսկահայերը կը բաժնուին երկու թեմի — Ատրրպատականի և Սպահան-Հնդկաստանի թեմերու: Առաջնորդներ կը նշանակէ էջմիածնի կաթողիկոսը:

Վ Ե Ր Ձ



Ն Ի Ի Թ Ե Ր Ո Ւ Ց Ա Ն Կ Ը



Նախաբան.	Էջ
1. Հայ և Հայաստան	9
2. Հայկ նահապետ	11
3. Արամ նահապետ	14
4. Արա Գեղեցիկ	17
5. Շամիրամ և Արաի յաջորդները.	19
6. Պարոյր Թագաւոր	21
7. Տիգրան Առաջին.	22
8. Վահագն և Հին Հայերու կրօնը.	26
9. Վաղարշակ Արշակունի	29
10. Արտաշէս Աշխարհակալ	31
11. Տիգրան Բ. Մեծ	33
12. Տիգրան Մեծ և Արտաւազդ	36
13. Սեգար և Քրիստոնէութիւնը	38
14. Անանուն և Սանատրուկ	39
15. Երուանդ Բ.	41
16. Արտաշէս Բ.	42
17. Արտաւազդ Բ.	46
18. Վաղարշ Կ Խոսրով Ա.	47
19. Տրդատ Մեծ	49
20. Տրդատ և Լուսաւորիչ.	52
21. Տրդատի յաջորդները.	55
22. Արշակ Բ. և Մեծն Ներսէս.	56
23. Մերութան, Ներսէս Մեծ և Պապ.	60
24. Վերջին Արշակունիները	63
25. Հին Հայերու ներքին կեանքը	67
26. Վարդանանց պատերազմ	71
27. Վարդանանց պատերազմէն յետոյ	75
28. Երկրորդ կրօնական պատերազմը	76
29. Մարզպաններ, Գալլ Վահան և Սմբատ, Կիւրապաղատներ	79
30. Հայաստան Արաքներու օրով	83
31. Աշոտ Ա.	86
32. Աշոտ Ա.ի յաջորդները	90
33. Անի քաղաքը	94

էջ

34. Յովհաննէս Սմբատ.—Սելճուքեան արշաւանքը.—Արծրունիներու թագաւորութեան վախճանը.— Անիի վաճառումը.	97
35. Նախարարական երկու կուսակցութիւնները.— Գագիկ Բ.—Ննի Յոյներուն կը տրուի .	101
36. Սելճուքներու տիրապետութիւնը.— Հայ էշխանութիւններու վախճանը .	104
37. Հայերու գաղթը, Ռուբինեան էշխանութեան ծագումը	107
38. Կոստանդինի յաջորդները.— Լեւոն Բ.	109
39. Զապէլ, Հեթում Ա. և Լեւոն Գ.	112
40. Հեթում Բ. և իր եղբայրները.— Լեւոն Գ.	116
41. Օշին և Լեւոն Ե.	119
42. Լուսինեան թագաւորներ .	122
43. Հայաստանը քողաքական կեանքի անկումէն մինչև թաթարներու արշաւանքը .	125
44. Թաթարներու արշաւանքը.	127
45. Օսմանցիներ .	131
46. Լէնկթիմուրի արշաւանքները .	133
47. Հայաստանի վիճակը Լէնկթիմուրի արշաւանքներէն յետոյ .	136
48. Հայ Կաղթականութիւնները.— Շահ Աբբաս.	138
49. Ղարաբաղի Մելիքները .	142
50. Դաւիթ Բէկ .	146
51. Ռուսիոյ նուաճումները .	149
52. Թուրքիոյ Հայերը .	153
53. Ռուսիոյ Հայերը.	160
54. Պարսկաստանի Հայերը .	165



<< Ազգային գրադարան



NL0393297

ՄԵՐ ԳՊՐՈՅԱԿԱՆ ՀՐԱՏԱՐԱԿՈՒԹԻՒՆՆԵՐԸ

ՀԱՅՍՏԱՆԻ ԿՆՁՈՒ

ՂՐՇ.

1. **ԼՈՒՍԱԲԵՐ ԱՅԲԲԵՆԱՐԱՆ**, (Հեղինակներ՝ Սս. Լիսիցեան, Յովն. Թումանեան և Լեւոն Շանթ), 64 էրես, 80 պատկեր և բազմաթիւ ձեռագիրներ 2,50
2. **ԼՈՒՍԱԲԵՐ, ԸՆԹԵՐՑԱՐԱՆ Ա. ՏԱՐԻ**, 80 էրես պատկերազարդ Գ. սրբ. 4
3. **ԼՈՒՍԱԲԵՐ, ԸՆԹԵՐՑԱՐԱՆ Բ. ՏԱՐԻ**, 112 էրես պատկերազարդ 5
4. **ԼՈՒՍԱԲԵՐ, ԸՆԹԵՐՑԱՐԱՆ Գ. ՏԱՐԻ**, 144 էրես 6
5. **ԼՈՒՍԱԲԵՐ ԳՐԱԽՈՐ ՎԱՐԺՈՒԹԻՒՆՆԵՐ Ա. ՏԱՐԻ**, 48 էրես, չարագրական պատկերներով . 2
6. **ԼՈՒՍԱԲԵՐ, ԳՐ. ՎԱՐԺՈՒԹԻՒՆՆԵՐ, Բ. ՏԱՐԻ**, 48 էրես չարագրական պատկերներով 2
7. **ԼՈՒՍԱԲԵՐԻ ՈՒՂԵՅՈՅՑԸ**, գրել-կարգալ ստրկեցեալու եղանակը 10
8. **ՄԵՂՐԱԳԵՏ, Ժողովածու սրղի հայ եւ օսար գրականութեան. բարձրագոյն կարգերու համար: Ռուբէն Զարգարեանի, բազմաթիւ պատկերներով. 502 էրես. 12,50**
9. **ՄԱՆԿԱԿԱՆ ԱՇԽԱՐՀ (Տէքեաթներ մանուկներու համար). Մարգարէս. պատկերազարդելի՝ Տ. Յապեան. 3,50**
10. **ՊԱՏՄՈՒԹԻՒՆ ՀԱՅ ԳՐԱԿԱՆՈՒԹԵԱՆ, Վարանէս Փափագեանի**

ՊՐ.ՏՄՈՒԹԻՒՆ

11. **ՀԱՅԵՐՈՒ ՊԱՏՄՈՒԹԻՒՆԸ, Ա. ՏԱՐԻ, Գ. Խաճախի. 5**
12. **ԱԶԳԵՐՈՒ ՊԱՏՄՈՒԹԻՒՆԸ, ՀԻՆ ԱՐԵՒԵԼԻՔ, Գ. Խաճախի. 10**

Փախաբողոքներուն կը որկուռի մեր գրացանկը